

12

Boutillier

37388/A

ex

F. xvii. m

17



Herballyme

JACOBI
GAVETI,

*Academiae Montpelienfis Alumni,
Avenionenf. Doctoris Medici, &
apud Camberienfes Practici,*

NOVA FEBRIS IDEA

SEU

NOVÆ CONIECTVRÆ
PHYSICÆ,

CIRCA

FEBRIS NATVRAM:

Quibus pramittitur Simplex & Brevis

EXPLICATIO

Motûs Fermentationis,

Generationis Animantium,

Materiæ & Motûs Sanguinis,

Motûs Cordis & Arteriarum,

Tandemque Secretionis Humorum.



GENEVÆ,

Sumptibus SOCIETATIS.

M. DCC.





MAGNÆ
SOCIETATI REGIÆ
ANGLICANÆ.



UTHORES fe-
rè omnes Operibus
suis illustre quod-
dam nomen, cuius
celebritas omnem censuram ab
illis avertat, præponere con-
sueverunt. Eadem est, VIRI
ILLUSTRISSIMI, mea,
quæ illorum, agendi ratio &
via dùm huic Opusculo Ce-
leberrimum Magnæ Societatis
Vestræ Regiæ Nomen præmit-

EPISTOLA

to , sed longè diversa mens ;
illi enim patronos solùm quæ-
runt , ego verò patronos simul
& justos censores. Multa sunt
in hoc Tractatu nova & in-
audita quæ censorium judi-
cium requirunt. Vos quæso
date hoc , VIRI ÆQUIS-
SIMI , nè invidis Adversa-
riorum censuræ telis pateant ;
adeò enim cognita & pervul-
gata est doctrinæ vestræ abun-
dantia , adeò judicii vestri in-
telligentia & maturitas , ut
quod de hoc Opere judica-
veritis rectè atque ordine ju-
dicatum esse totus illicò Phy-
sicorum & Medicorum orbis
uno ore confessum venerit.
Quale-

DEDICATORIA.

Qualecumque autem vestrum
de illo fuerit iudicium reveren-
ter admittam ; cogitata mea,
si probaveritis , ab hominum
Oculatissimis probari trium-
phans ; contentus verò , si im-
probaveritis , modò hæc ipso-
rum Dedicatio meæ singularis
erga vos observantiæ declara-
tionem habeat, certissimamque
significationem me esse

VIRI ILLUSTRISSIMI,

SOCIETATIS VESTRÆ REGIÆ

Humillimum & addictissimum
Servum

JACOBUM GAVET D. Med.

A pud

CHOUT, G. DE TOURNES, Cramer, PERACHON, RITTER, & S. DE TOURNES, Bibliopolas Genevenses Impressorum.

Albini Bibliotheca Chymica. 3
Anatomia Corporis Humani Dionis &
cum Fig.

Authore Munnicks 8. *Fig.*
Atrium Medicinæ & Pharmacopœæ Helve-
tiorum 12.

Argoli Ptolomæus Parvus 4

Aldrovandi Ornithologia sive de Avibus fol.
cum Fig.

Augustini Gemma & Sculptura Antiqua
à Gronovio 4. Fig.

Aristotelis Opera 16. VI. Tomi.

Boneti Sepulchretum sive Anatomia Practi-
ca f. III. Tomi Nova Editio cum multis
Addit. 1700.

— Polyalthes, five Thesaurus Medicorū
Practicus f. III. Tom.

Medicina Septentrionalis f. II. Tom.
cum Fig.

— Labyrinth' Medicus extricatus 46. 4

Pharos Medicorum. 12

Bibliotheca Anatomica aucta & illustrata f.
II. Tom. cum multis Fig. 1699.

CATALOGUS.

Bibliotheca Medico-Practica, Mangeti fol.
IV. Tomi.

———— Pharmaceutico-Medico-Chymica
ejusdem Authoris fol. *II Tomi cum Fig.*
sub Prælo.

———— Chemica Curiosa ejusdem f. *II. To-*
mi cum Fig. sub Prælo
de-le-Boë Sylvii Opera omnia Medica *cum*
nov. Addit. f. 1698.

Boyl. Opera omnia Philosophica-Chymica
&c. 4. variis Tomis distributa cum Fig.

———— Tractatus varii *separatim. 4*

Burneti Thesaurus Medicinæ 4. Edit. nova,
aucta & illustr. 1698.

Barbetta Opera Medico-Chirurgica 4

Burneti Historia Reformationis Eccl. An-
glicanæ f. *II. Tom. Fig.*

Beguini Tyrocinium Chymicum 8

Boissardi Hist. Deorum Fatidicorum 4. *Fig.*

Bicaiffi Manuale Medicorum 12

Baudrand, & Ferrarii Lexicon Geographi-
cum fol.

Bohnii Circulus Anatomico-Physiologicus.
4. 1697.

de-le-Boë Sylvii Casus Medicinales, *sive*
Historiæ Egrotorum in Nosocomio Ley-
densi *&c. fol. separatim.*

Balduini Justinianus 8

Censura Celebriorum Authorum, *sive* Tra-
ctatus in quo varia Virorum Doctorum de
Clarissimis cujusque Sæculi Scriptoribus
Judicia traduntur, Ord. dig. per Th. Pope
Blount. 4

Ciceronis Opera *cum* Notis Variorum 4.
IV. Tomi.

CATALOGUS.

Charas Historia Naturalis Animalium, Plantarum, & Mineralium, nec non Theriacæ Andromachi Compositionis Ingredientium, *cum* Experimentis circa Viperam. 4. Fig.

Catalogus Authorum, qui Librorum Câtalogos, Indicés, Bibliothecas, Virorum Litterat. Elogia, Vitas, Orationes Funebres scriptis consignarunt, ab Ant. Teisslerio adornatus cum Phil. Labbei Bibliotheca Nummaria &c. 4.

———— Pars Secunda *sub Prælo* 4

Cave Scriptorum Ecclesiastic. Historia Libreraria. f. II. Vol.

———— Pars II. f. *separatim*.

Cardani Opera Omnia. fol. X. Vol.

Chassanæi Catalogus Gloriæ Mundi fol.

Charas Opera Pharmaceutica, & Medica 4.

II. Vol. Fig.

Chabræi Icones Stirpium, f. de Plantis. f. Fig.

Crollii Basilica Chymica 8

Chalmetei Enchiridium Chirurg. 3

Celsus de Re Medica. 16

Colladonis Sphalmata Medica 8

Castiodori Opera 4

Cozzandus de Magisterio Antiquorum Philosophorum. 12

Cordemoy Tractatus Physicus de Corporis & Mentis Distinct. 12

Diemerbroeck, Opera Omnia Anat. & Medica 4. II. Vol. Fig.

———— Opera Medico-Pract. *separatim*. 4

———— Appendix ad Anatomiam *separatim* 4. Fig.

Dionis Anatomia Corporis Humani 8. Fig

Duretus

CATALOGUS.

- Duretus in Coaeas, *sive* Prænotiones Hippocratis fol.
- De la Fond de Hydrope Tympanite 12.
- Derodonis Philosophia Contracta 4.
- Opera Omnia Philosophica. 4
- Dictionarium Poëticum, Geographicum & Historicum Henrici Stephani 4
- IV. & VI. Linguis 16
- Dictionarium Historicum, Geographicum, Poëticum &c. à *Car.* Stephano inchoatum, Ad incudem verò revocatum, innumerisque locis auctum & emaculatum per *Nic.* Lloydium 4
- Græco-Latino-Gallicum Morelli. 4
- Fabritii Hildani Opera Medico-Chirurgica cum Severino de Efficaci Medicina. f. *Fig.*
- Ferrarii Lexicon Geographic. cum *Notis* Baudrand &c. f. II. Vol.
- Fernelii Opera Medica cum *Augment.* f.
- Fienus de Signis Medicis 4
- Feinei Praxis Medica. 4
- Fracastorii Opera Medica 8
- Ferrerii vera Medendi Methodus. 8
- Fabritii ab Aqua pendente Opera Anatomica, & Physiologica fol. *Fig.*
- Hofmanni Lexicon Universale f. IV. Tom.
- Continuatio f. II. Tom. *separatim.*
- Hippocratis Opera cum *Æconom.* Foësi f. III. Tom. *Gr. & Lat.*
- *Æconomia* Foësi fol. *separatim.*
- Heurnii Opera Medica. f.
- Hollerius in Aphorismos 8
- Practica Medica 4
- Hartmanni Praxis Chymiatrica 8
- Lemeri Cursus Chymicus 12

CATALOGUS.

- Langii Opera Omnia Medica** 4
Leuvvenhoeck Arcana Naturæ cum con-
nuatione 4. III. Tom. cum Fig.
Musitani Chirurgia Theoretico-Practica 4.
IV. Tomi.
 ————— **Opera Medico-Chymico-Practica** 4.
III. Tomi 1700.
Mynsicht Armamentarium Medico-Chymi-
cum. 8. 1697.
Morton Opera Medica cum novis Tract 4.
Munnick de Re Anatomica 8. *cum Fig.* Edi-
 tio nova.
Malebranche de Inquirenda Veritate &c. 4
Mellis Medico - Spagyrica Schrodero - Hof-
manniana f. cum Fig.
Mayernus de Arthritide 12.
Morelli Methodus Remediorum 8
Medicina Salernitana 16
Magni Philosophorum Arcani Revelator. 12
de Mayerne Praxis Medicinæ. 12
Novum Lumen Chymicum. 8
Plempii Opera Medica f.
Pharmacopœa Schrodero - Hoffmanniana il-
lustrata & aucta. f. Fig.
Piens Tractat. de Febris, cum Notis am-
pliss. &c. 4
Paracelsi Opera Omnia. f. III. Vol.
Pharmacopœa Helvetiorum 12
Riverius Reformatus, sive Praxis Medica
Methodo-Riverianæ non ab similibus, & aliis
Tract. Editio nova valde aucta. 8. 1696.
Renodæi Pharmacopœa 8
Rosini Antiquitates Romanorum 4. *Fig.*
Riolani Schola Anatomica. 8
Rondeletii Opera Medica 8

CATALOGUS.

- Rohaulti Physica 8
 Riverius Contractus 8
 Sylvatici Consilia Medica f.
 Sinapii Paradoxa Medica 8
 Sacchi Opuscula Medica 8
 ——— Med. Theoretico-Practica f.
 Sydenham Opuscula Medica 8. *Editio an-
 sta 1696.*
 Schmitzii Compendium Med. 12
 Schola Salernitana 16
 Seminarium totius Philosophiæ. f.
 Sylvii Methodus Medendi 12
 ——— Opera Medica f.
 Sennerti Operum Epitome f.
 Tractatus de Potu Caffé, Thé, & Chocolata
nova Edit. 12. Fig.
 Theatrum Machinarum Bessoni f.
 Theatrum Chemicum 8. VI. Tomi.
 Virideti Tractatus Medico-Physicus de Pri-
 ma Coctione. 8
 Vieussens Neurographia Universalis. f. *Fig.*
 ——— Tract. de Remotis & Proximis mix-
 tis &c. 4. *Fig.*
 Willis Opera Omnia Medica cum novo
 Tractatu de Peste. 4. II. Vol. cum *Fig.*
 Wyllii Cursus Philosophicus. 8
 Zodiacus Medico-Gallicus. 4. V. Tom. *Fig.*
 Zuinger in Hippocratem. f.

NOVA



NOVA FEBRIS IDEA

SEV

Novæ Conjecturæ Physicæ

CIRCA

FEBRIS NATURAM.

PARS PRIMA.

In qua explicantur motus fermentationis, generatio animantium, materia, & motus sanguinis, motus cordis & arteriarum, & secretio humorum; quæ ad perfectam febris notitiam præcognoscenda judicata sunt.

EX variis innumerisque morbis, quibus humanum corpus

corpus subjicitur, nullus est febre communior, nullus qui in pluribus Doctorum manibus fuerit, nullus cuius natura diligentius fuerit exquisita: nullum attamen, si quod sentio loqui liceat, eodem illo tam communi, tamque agitato morbo minùs notum esse confidenter dixerim: quippe quòd si quid scire per definitionem scire est (sicut inter omnes convenit) febrem (utpotè cuius apta definitio nondùm apparuit) rem adhuc prorsùs ignotam esse bonâ fide fatendum est.

Et sanè si veteres de febris naturâ consulamus, calorem præternaturalem in corde primùm accensum, exinque mediantibus spiritibus & sanguine per arterias & venas in totum corpus diffusum ipsam esse nobis unâ voce respondent.

Definitionis hujusce defectum
esse

esse me primum qui detexerim, non gloriôr , recentiorum enim quotquot de febre scripserunt, non quid essentialè feбри, sicuti fieri debet, sed merum febris accidens illâ definitione exprimi judiciosè admodum observaverunt.

Nec ullam in illâ infirmandâ difficultatem nacti sunt , quippe quod evidens absentia caloris à tremulis paroxysmorum febris intermittentis principiis , haud secùs ac ab illâ febris specie , quæ à perpetuâ frigoris præsentia nomen algidæ deduxit , calorem prædictum (utpote qui adesse & deesse potest feбри) merum ipsius accidens esse satis superque demonstravit.

Recentiores, intentatâ in veterum sententiam censurâ, novam ab omni reprehensione immunem excoGITasse se gloriantur ; sed proh Deus! quo jure? Veteres per acci-

dentarium febris effectum, recentiores per accidentariam febris causam febrem definiunt, utrorum aptior est definitio?

Præternaturalem sanguinis fermentationem aut effervescentiam, quæ febrilis recentiorum definitionis materiem hucusque suppeditavit, non solum non perpetuò comitari febrem, sed &, dum adest, causam ipsius duntaxat esse inferius probabo, statimque causam febris accidentariam, definitioni ipsius cuedendæ convenientiorem non esse, accidentario ejusdem effectu pronuntians, in recentiorum quàm in veterum definitione non minùs esse vitii concludam.

Utut discrepet utriusque vitium, unicam tamen eandemque causam agnoscit, erroneum scilicet, tùmque veteribus cum Neotericis commune, judicium, quo febrem morbum similem esse quasi supremè decretum est.

Quan-

Quantuscumque tamen fuerit judicum numerus & qualiscumque autoritas legitimam hocce sæculo libertatem appellandi sibi mea mens arrogat nudæ veritatis non minùs cupida quàm priori judicio parùm contenta.

Et nè causas appellationis deducere, veritatemque adeò exoptatam perscrutari differam, cùm plerisque ipsorummet judicum, Celeberrimis nempè, *Sylvio Deleboë*, *Borello*, *Ethmulero*, *Sennerto*, aliisque quàm plurimis frequentiam pulsûs univocum & pathognomonicum febris signum esse bonâ fide conveniendum est; ex quo enim Medicus febris adfit, necnè? certior fieri desiderat, dubius illicò pulsum ægrotantis explorat quem si solito frequentiore compererit febrim adesse pronuntiat, sin minùs, ipsam desiderari confidenter asseverat.

Si in desperatis esset, quæ tanto-

perè mihi in optatis est, veritatis exploratio, iustæque definitionis febris ad inventio, fateor me libentiori animo per signum hoc (utpote omni, soli, & semper, febri conveniens) quàm per accidentariam ullam ipsius causam, aut effectum, ipsam explicare malituum.

Ast edoctus signum vocabulum esse non minùs relativum quàm causam & effectum, illud videlicet, certum aliquid quod indicat, causam, effectum aliquem quem producit, effectumque tandem, causam quampiam à qua produci-
tur, perpetuò necessariòque supponere, rem illam quartam & ignotam ad quam tres istæ prædictæ referuntur, & cujus frequens pulsus signum est pathognomonicum, præternaturalis sanguinis fermentatio causa frequentior, & totius corporis calor præternaturam accidentarius effectus, rem illam, inquam, diligentius

tiùs investigandam esse sentio ipsam
& febrim unum & idem esse nulla-
tenus dubitans.

Cùm ergò pulsus frequens insepa-
rabilis sit à febre, quod neq; de præ-
ternaturali illâ sanguinis fermenta-
tione, neq; de calore illo extraneo,
quæ sibi tamdiù febris nomen usur-
paverunt, dici potest, intentis idcirco
oculis frequens ille pulsus, tanquam
viæ dux prospiciendus mihi videtur,
ne vestigiis antecedentium insistens
deflectam à via quam tot ac tanti
nominis Virorum aberratio difficil-
limam esse, nè dicam inexplicabi-
lem, cunctis sufficienter indicat.

Et quemadmodum ære campa-
no incendium annuntiante hùc &
illuc circumquæritur illicò domus
è quâ prodeat fumus (inseparabile
& pathognomonicum incendii, cui
subveniendum est signum) quam
distinctam, inexpectato ullo alio du-
ce, solliciti confines ignem exin-

Eturi protinùs adintrant: haud dispari prorsùs ratione febris ignem, ut veterum linguam loquamur, extinguitur circumquærendus nobis est locus in quo micat pulsus frequens (signum febris inseparabile) quem repertum pro certâ febris sede habitui sumus.

Quandoquidem autem convenit inter Medicos pulsum esse cordis & arteriarum motum; partes istas febris sedem esse pro certo reputandum est, quapropter in eo summa consistit, ut eas accurate perscrutemur, nè febris quam exquirimus oculis nostris sese subducatur.

Si conveniat inter Medicos muscū esse partem organicam fibrarum carneis, tendinibus, nervis, arteriis, venis & tunicâ propriâ contextam, cor muscū esse cū Hippocrate & Stenone conveniendum est: verū si prædictæ musculi definitioni addatur (quod non-

nonnullis placet) organicam scilicet illam partem movendis solidis partibus dicatam esse, cor muscolum definire desistens ipsum dicam vasorum sanguiferorum capacissimum & solidissimum sanguini à venis recipiendo & in arterias protrudendo destinatum, quæ quidem cordis definitio priori præferenda mihi videtur, quippè si musculi nomen à substantiâ suâ sibi cor deducit, eundem certè titulum eodem jure merentur arteria, & vena, utpotè quæ, sicut & cor, fibris carneis, tendinibus, nervis, arteriis, venis & tunicâ propria contextuntur.

Naturalis cordis figura inversa pyramidalis est ex ampliori basi in turbinatum mucronem, qui nonnihil in sinistri lateris anteriora vergit, sensim definens, anteriore sui parte, quâ sterno subjacet, convexa, posteriore verò, quâ vertebriis incumbit, plana.

Varium quo fibræ ipsius carneæ intertexuntur, ordinem describendi locus hic esset, verum quandoquidem à solertissimis quampluribus Anatomicis accuratissimè delineatus est, actum agere supervacaneum foret, quocirca internæ duntaxat ventriculorum ipsius faciei insistant, insufficientem pro eo, quem in circulatione sanguinis obtinere mihi videtur, usu traditam à præcedentibus autoribus descriptionem judicans.

Cor in duas cavitates dextri & sinistri ventriculi nominibus donatas & ab interjecto pariete, qui septum medium appellatur, distinctas dirimitur.

Istorum uterque duplex habet ostium, aliud anterius quod arteriæ pulmonaris & Aortæ principium est, aliud verò posterius quod venæ cavæ & pulmonaris extremitas audit.

Interior utriusque ventriculi facies

cies maximè aspera variis inæqualitatum speciebus inhorrescit, inter quas carnei quidam colles assurgunt, quibus carnearum cordis columnarum nomen impositum fuit.

Vix certus earum numerus assignari potest, quippè qui in variis animantium generibus varius est.

In dextro autem cordis humani, cujus hîc loci specialem historiam aggredior, ventriculo quatuor sunt, duæ scilicet in septo medio, totidemque in adverso ipsius pariete confitæ.

Illarum prior & eminentior à septo medio binis à ventriculi fundo transversis digitis excrescens circa medium ventriculi terminatur, quo in loco plures emittit fibras membranis tricuspидibus annectendas.

Circa illius extremum exoritur tuberculum quoddam carneum quod secundæ dextri ventriculi co-

lumnæ nomen promereri mihi videtur, quodque ad cordis basim elatum inibi incurvescit, exinque ad oppositum ventriculi parietem protensum in diversam originis suæ regionem terminatur, fornicis figuram in ductu suo satis aptè referens.

Tertia ab externo ventriculi pariete & ex adverbo primæ sese exerit, & longitudine cum illâ certans ab extremo sui fibras aliquot emit tit quæ membranis tricuspidibus annectuntur, ab ejusdem latere carneæ quædam fibræ, inter quas eminet una reliquis crassior, & validior, enata in septum oppositum porriguntur.

Quarta tandem ab eodem pariete circa summum præcedentis apicem exorta sociisque longè brevior fibras aliquot membranis tricuspidibus suppeditat.

In ipso aditu dextri cordis ventriculi

culitrès sunt membranæ quæ tricuspīdum nomen à figurâ suâ mutantur, earum alia dextræ septi medii regioni incubat, secunda externo ventriculi parieti substernitur, tertia tandem inter utramque prædictarum media ab uno sui latere, septo medio, & ab altero, externo parieti adjuncta interjectus quasi paries est ventriculum in duas regiones circa basim dividens & quasi discludens.

Reliqua hujusce ventriculi facies intextitur pluribus fibrarum fasciculis hinc indè porrectis, qui sese variè decussantes quoddam quasi retis genus efformant, quod substantiæ cordis impositum ipsi per intervalla annectitur, & ab illâ (quibus in locis non cohæret) nonnihil abduci potest, quod quidem in externo pariete notabilius est quàm in septo medio.

Sinister cordis ventriculus, sicut

& dexter, dextro & sinistro latere, fruitur; sanguis per hoc ingressus per illud egreditur, secus ac se res habet in dextro ventriculo in quo sanguis dextrorsum ingressus sinistrorsum effunditur.

Sinistrum sinistri ventriculi latus permultis foveis excavatur, dextrum autem in plures sulcos scinditur qui nullibi locorum cordis reperiuntur.

Totidem reperiuntur in hoc ventriculo carnae columnae quot in dextro numeravimus, istarum duae longè crassiores sunt aliis duabus quarum & quoque altera sociâ crassior est, duae septo medio totidemque externo parieti adnascuntur & ex aliarum adverso immediate fitae sunt.

Duas duntaxat praedictus ventriculus habet valvulas mitrales dictas quae versùs ipsius interiora spectantes sanguinis adventum è vena pulmona-

monari concedunt, regressum autem ipsius in illam prohibent.

Ad utriusque ventriculi principium, extrema scilicet venæ cavæ & pulmonaris emicant appendices musculosæ nomen auricularum à figurâ suâ consecutæ, quarum facies interior maximè inæqualis variâ fibrarum, quibus interfecatur, decussatione retis cujusdam, modò substratæ auricularum substantiæ cohærentis, modò verò nonnihil ab ea soluti speciem satis aptè refert, illarum dextra longè amplior est, quàm sinistra.

Arteriæ vasa sunt oblonga, rotunda & cava sanguini è corde in universas corporis partes devehendo destinata, & à sui principio ad extrema usque sensim gracilescunt.

Dux sunt quæ à ventriculis cordis immediatè prodeunt, quæque reliquarum omnium quæ in toto cor-

corpore reperiuntur, parentes evadunt. Quæ à dextro suam trahit originem pulmonaris; Quæ verò à sinistro, aorta nuncupatur.

Earum prior quæ à veteribus venæ arteriosæ nomine cognita fuit, è sinistro dextri ventriculi latere vix enata tres edit valvulas sygmoïdes nuncupatas quæ foris è corde intrò spectantes sanguini transitum in pulmones præbent ejusdemque regressum in ventriculum præpediunt.

Posterior quæ aorta dicitur è sinistro ventriculo cordis exorta tres pariter statim gignit valvulas, semilunares dictas, quæ, haud secus ac sygmoides, dispositæ liberum in arteriæ ductum aditum sanguini concedunt, ejusdemque regressum prohibent.

Interiore structurâ cordis & arteriarum hætenus perlustratâ, proximè dicendum restat quâ vi & quo ordine

ordine moveantur, & quis sit illarum omnium, quas in ipsis delineavimus, partium usus? quod cum, incognito motu sanguinis, absolvi facile nequeat, ideo simul & semel utramque hanc materiam tractabo.

- Licet à quamplurimis cujuscunque sæculi Medicis diligenter exploratus fuerit cordis motus, præprimis verò ex quo detecta fuit sanguinis circulatio; nulla tamen ex iis omnibus, quæ de ipso propalam sunt, opinionibus physicæ menti planè satisfacere mihi videtur, quocircâ nonnihil lucis ipsi addere tentabo.

In motu cordis tria sunt attendenda, dilatatio scilicet ipsius seu diastole, contractio seu sistole, & pectoris percussio.

Utrumque hunc diastoles & sistoles motum intermedias quietes perystolum nomine cognitatas, excipere

cipere crediderunt illi qui motum reflexionis & motum directum pro motibus contrariis habuerunt, & quidquid movetur in puncto reflexionis necessario quiescere rati sunt; verum ab illis dissentiet quisquis Physicus motus determinationem ab ipsomet motu, & certam aliquam motus determinationem ab aliâ diversa distinguere edoctus motum duntaxat & quietem sibi invicem contraria judicaverit.

Diaστοlem cordis elongationem ipsius esse mihi non videtur (quidquid contra sentiant recentiorum greges) nec per consequens sistolem ejusdem abbreviationem ipsius esse censeo.

Quod nè gratis & sine fundamento dictum videatur, sciendum est inter Medicos convenire diaστοlem cordis illum esse ipsius statum in quo ampliantur seu uberioris sanguini-

guinis continendi capaces fiunt ejusdem ventriculi, & contrà sistolem illum esse in quo coarctantur iidem ventriculi pauciorisque sanguinis continendi capaces evadunt.


Quàm quidem communem & ab omnibus receptam opinionem admittens, Diastrolem cordis appellabo adversorum utriusque ventriculi parietum ab invicem recessum, cavitationem utriusque ampliationem, longitudinis ipsius imminutionem, illius figuræ rotundationem seu ad sphæricam approximationem.

Sistolem verò nuncupabo prædictorum parietum ad invicem reditum utriusque ventriculi in solitam capacitatem reductionem, nativæ longitudinis restitutionem, & naturalis figuræ regressum.

Et quò pateat evidentiùs opinionis meæ veritas, ipsam demonstratione confirmabo.


Con-

Concipiamus ergò tres parallelogrammos quorum æqualis sit peripheria (quales sunt sequentes) & quorum alius quadratum perfectum, alteri verò quadrata duo oblonga representent, constat duo ista postrema minùs priori quadrato capacia esse.




Parallelogrammus

Primus



Secundus



Tertius

Supponamus, exempli gratiâ, quodlibet quadrati perfecti latus decem longitudinis pedes habere, jam qui lateris unius denarium aliorum laterum denario duxerit, is centum col-

colliget pedes qui, quadrati, cujus peripheria quadragintipeda est, aream centipedalem constituent.

Supponamus secundo utrumque longiorum laterum secundi parallelogrammi quindecim in longum pedes complecti, quodlibet vero breviorum quinquepedaneum esse, ex quibus exsurget consimilis quadrati perfecti peripheriæ, quæ quadragintipeda est, peripheria. Qui alterius ex oblongis lateribus pedes quindecim quinque breviorum laterum pedibus duxerit, is septuaginta quinque coget pedes, qui secundi hujusce parallelogrammi aream (viginti quinque pedibus minus capacem quam centipedalis quadrati perfecti area) constituent.

Supponamus tertio utrumque longiorum laterum tertii parallelogrammi novemdecim longitudinis pedes habere, quodlibet vero breviorum unipes esse quæ quadragintipe-

tipedam, pariter ac duo prædicti, peripheriam referent, multiplicemus deindè novemdecim longitudinis pedes unico latitudinis pede, novemdecim duntaxat colligemus pedes qui tertii hujusce parallelogrammi aream (octoginta & uno pedibus minùs capacem quàm quadrati perfecti area, & quinquaginta sex pedibus areâ secundi parallelogrammi minorem) conflabunt, ut ex superioribus figuris videre est.

Cordi demonstrationem hanc jam applicemus, & dicamus ventriculos ipsius ampliores esse, seu capaciore aream obrinere, dùm abbreviatur quàm dùm elongatur, quoniam figura cordis abbreviati non solum propius ad perfectè quàm ad oblongè quadratam, sed & etiam ad sphæricam omnium communi Geometrarum consensu, capacissimam accedit.

Con-

Concludamus ergò Diaστοlem cordis (utpotè qua ampliari seu capaciores evadere debent ipsius ventriculi (ejusdem abbreviationem esse, & per consequens sistolem illius elongationem audire.

Quod ut sensibili comparatione clarius evadat, sumatur bursa conica eaque vacua, materiâ quâvis deinde repleatur, quò major in ipsam intromittetur istiùs quantitas, eò longius ab invicem recedent adversa ipsius latera, dùm apex ejusdem propiùs ad basim accedet, bursa que per consequens brevior & rotundior evadet.

Eodem planè modo eademque prorsus de causâ se res habet in corde, quò majori sanguinis quantitate replentur ipsius ventriculi, eò longius ab invicem recedunt oppositi ipsorum parietes, dùm mucro ad basim eò propiùs accedit, cordisque figura brevior & rotundior evadit.

Quod

Quod si quis fortè dixerit summum intercedere discrimen inter fibras quæ bursæ & quæ cordis substantiam constituunt, illas scilicet solidas, istas verò concavas esse, illasque idcirco vim duntaxat exteriorem pati, seu materiæ cavitatem bursæ quam circuitu suo efformant replenti simpliciter cedere; dùm ab eâ foràs compulsæ breviorẽ & rotundiorẽ bursæ figuram efficiunt: sed diversâ prorsus ratione se res habere in corde, cujus utpote concavæ fibræ non adimplenti communem ventriculorum quos ambiunt cavitatem, sed contento in singulari cujuslibet cavitate inibique fermentescenti, liquori cedunt, & ab illo inflatæ turgescunt, ità ut crassior evadat cordis, dùm abbreviatur, substantia, bursa verò eandem perpetuò sibi similem conservet, seu plena, seu vacua, seu longior, seu brevior sit.

Respondebo verum quidem esse
 concavas cordis fibras à sanguine
 per arterias coronarias in ipsarum
 cavitates advecto, unà cùm spiriti-
 bus eodem per nervos adductis fer-
 mentefcente inflatas & per conse-
 quens breviores futuras, iri dùm
 cor abbreviatur à sanguine ventri-
 culos distendente, verùm istius co-
 piâ tantùm superante sanguinis in
 concavis ipsius fibris contenti &
 fermentescere tentantis, copiam
 quantùm ventriculorum capacitas
 arteriarum coronariarum capacita-
 tem excedit, illius vim, quæ ipsius
 initâ proportionem superatam ire,
 quo fit ut fibræ cordis à contento &
 fermentefcente intra ventriculos,
 longè majori quàm intra fibras san-
 guinis copiam, non solùm ab ipsa fo-
 ras compellantur, sed & etiam adeò
 comprimantur ut penè totum quæ
 continent, sanguinem è cavitatibus
 suis exprimant, & hæc est ratio, ni

fallor, cur hoc instanti corde ranarum aliorumque animalium parum sanguinis habentium, rubrum colorem suum nonnihil amittentia aliquatenus palleſcant, nec amiſſum prius recuperent, quàm sanguinis in ventriculis fermenteſcentis ſeu ſpiritus ſuos expandentis viſ remittens, fibris ipſorum in ſtatum naturalem revertendi, ſanguinemque per arterias coronarias adventantem denudò ſuſcipiendi libertatem reſtituerit.

Hæc pallorem abbreviato cordi prædictorum animalium ſupervenientem explicandi ratio longè probabilior mihi videtur quàm illa quæ à Medicis quibuſdam traditur, qui illum ſanguinis è ventriculis expreſſioni adſcribunt, licet enim totus, uti volunt, exiret ab iis ſanguis, nunquàm exindè palleſceret cordis ſubſtantia, ſi ſanguine turgida remaneret; Quæ quidem veritas clari-
rius

rius elucescet, si in ventriculos cordis enecti cujusdam animalis per cavam & pulmonarem venam injiciatur atramentum, quo licet impleatur ventriculorum cavitas, nullatenus colorem suum immutat rubra cordis substantia, si vero per arterias coronarias idem liquor immittatur, protinus rubicundus cordis substantiæ color, in nigrum facessit, quod clarius patebit, si injectâ pluries tum in ventriculos tum in arterias coronarias aquâ, diligenter ablatum prius cor fuerit quam facta experientia. Unde colligere est colorem cordis, non ab adimplente ventriculos, sed fibras substantiam ipsius constituentes liquore dependere.

Atque adeo dum dicunt nonnulli cor muscolum esse eadem, quâ reliqui muscoli, & ratione & vi movendum, intelligendum est idem ad illius motum in ipsius ventriculis

futurum, quod in medullis fibrarum aliorum muscutorum ad ipsorum motum contingit, & quemadmodum, ut isti moveantur, sanguis eorum fibras ingressus, unà cum spiritibus eosdem per nervos ad nutum voluntatis adductis, initurus est fermentationis motum, qui turgescen-
tiam eis conciliet, à quâ abbrevia-
tionem motus causam nanciscan-
tur, ita & pariter, ut cor movea-
tur, necessum est ut sanguis ventri-
culos ipsius per venas appulsus inibi fermentescat iisque fermentes-
cendo, tumorem afferat, à quo prior
illius motuum, diastole scilicet,
enascatur; atque adeò cavitates
ventriculorum cordis fibrarum mus-
culos componentium vices gerunt
& sanguis in illis fermentescens
quasi musculi cordis antagonistæ
munus exequitur.

Pectoris percussione quod spe-
ctat, contrà majorem recentiorum
nume-

numerum eam in diastole fieri mihi videtur, non quod finitrum ipsius ventriculum, dum & circa basim, quæ fixa est, summâ vi diduci non posse arbitror, quin mobili & suspenso apici certus quidam concilietur motus, à quo versùs costas, quas percutit, attollitur & propellitur.

Motus arteriarum sicut & motus cordis in tribus consistit, diastole scilicet, sistole, partiumque vicinarum percussione.

Diaστοlem arteriarum aduersorum ipsarum laterum ab invicem recessum, & cavitatis earum ampliationem; Sistolem verò nuncupo diductorum in diastole laterum ad invicem reditum, & cavitati ipsarum in naturalem diametron restitutionem.

Adversa arteriarum latera diduci ab invicem nequeunt, quin simul & semel amplientur, ipsarum

cavitates, vicinæque earum partes foràs propellantur, vicinis istis partibus illata vis, ille est motus quem pulsus vocavere Medici. Concludendum ergò arterias, sicut & cor, in diastole sua partes circumjectas percutere & pulsus edere.

Explicito jam in quo consistat motus cordis & arteriarum, examinandum proximè incumbit, quâ vi & quo ordine absolvatur.

Si de duplici prædicto cordis motu genericum ipsius motum constituyente convenit inter Medicos; Uter altero prior sit, id est in controversia; aliis diastoli, pluribus verò systoli natalium prærogativam decernentibus.

Licet minor sit diastolis fautorum numerus, eorum tamen sententiam nihil ambigens tenebo, correcto prius in illa quidquid rationi & experientie consentaneum non esse mihi videtur.

Genui-

Genuinum ordinem quo motus cordis absolvuntur, haud secus ac naturalem ipsorum causam, inquirentibus à primi, qui in foetu contingit, motus examine ducendum mihi videtur exordium.

Quocircà supponendum est cùm saniori Recentiorum parte, singulas animalis partes compendiosè contineri in ovo, è quo nullam animantium speciem non prodire censerit formè inter Medicos, ex quo Celeberrimus Malpigijs in ovis nondùm incubatis, sacculum ovalem cineritii coloris in cicatricula quæ vitelli membranæ adhæret, & in sacculo prædicto inclusum observavit foetum, cujus caput cùm appensæ carinæ staminibus patenter emergebat.

His positis, sentiendum est cor arterias, venas, cæterasque corporis partes in ovo compendiosè sic præexistentes, dum primùm obser-

vantur explicatiores duntaxat fieri, adeoque sensibus nostris magis accommodatas.

Sentiendum insuper eor. arterias & venas humorem quemdam in cavitatibus suis continere (secus enim aduersi ipsorum parietes in unum coaluissent) qui in sanguinem facessere aptissimus est, ubi ab externe quodam agente partes illius integrantes dividuntur, eamque à divisione suâ superficiem & figuram consequuntur, quarum ratione resistentes ex illis lucis radii peculiarem illam motus tornatilis nanciscuntur speciem, in quâ rubrum colorem statuunt Recentiores Physici.

Ex præmissis colligere est, duplicem in ovo præexistente partium speciem, quarum aliæ solidæ, aliæ verò liquidæ sunt.

Quæ cum ita sint, necessum est ut motus ab ipsarum alterutrâ inchoetur

tur alterique dein communicetur, examinandum ergò, utra suscipiendo motui faciliorem sese præbitura sit, quippè admodum probabile est duci motus exordium in ovo illâ partium ipsius specie, quæ ipsi suscipiendo resistere minus apta fuerit.

Ubi autem naturam utriusque paulisper meditati fuerimus, meminerimusque liquidum corpus illud esse, cujus integrantes singulæ partes continuo ad invicem motu in omnem sensum aguntur, & contrà corpus solidum (quod hic loci cùm duro confundo) illud audire cujus partes omnes perfectè quiescunt, nihil prorsùs ambigentes concludemus, motum in ovo suum ducere principium à liquidis illius partibus, quæ cùm ex naturâ suâ jam aliquali motu fruuntur, ad novum majoremque suscipiendum longè habiliores sunt quàm solidæ, quæ ex naturâ suâ quiete perfectâ potiuntur.

Si quis dixerit quod, si singulae, quas in ovo compendiosè præexistere suppono, partes in ipso revêrâ præexisterent, motusque solidarum à motu liquidarum dependeret, illæ ex primo formationis ovi momento motu illo, cujus deindè fiunt participes, essent fiuturæ, quoniam ab eodem illo tempore, liquidæ aliquam nativi sui motus partem solidis impertiri debuissent.

Respondebo me non intelligere simplicem liquidi motum, quo gaudet humor in ovo contentus, illum esse qui solidis ipsius partibus communicatur; nosse enim sufficit motum illum lentum admodum esse, totque foris intrò, quot intus foras partes propellere, ut statim posteriorem (quæ scilicet intus foras repelluntur; quæque unicæ solidas movere possent eas foras compellendo) numerum pauciorum esse
atque

atque adeò huic effectui præstando
imparem concludamus.

Arbitror igitur duntaxat humo-
rem in ovo contentum, ex naturâ
suâ motu fruentem, motui, qui so-
lidis partibus communicandus est,
acquirendo aptiorem esse, quàm so-
lidas ejusdem partes, quarum perfe-
cta quies eas suscipiendo motui dif-
ficiliores reddit.

Quandoquidem igitur simplex ille
liquidus motus quo gaudet humor in
ovo contentus, is non est qui solidis
ejusdem partibus communicatur,
examinandum venit quis sit novus
ille qui huic accedens, talem effe-
ctum producere valet.

Cùm autem ex integrantibus hu-
moris in ovo contenti partibus, quæ
liquidus motu foràs intùs aguntur, re-
pellendis continentium vasorum la-
teribus unicæ pares esse queant
nec tamen sint, necessum est, ut
illius operis capaces evadant, alter-

utrum contingat, aut scilicet corpus aliquod extraneum adveniat, à quo foras intus agantur humoris aliæ partes quæ diversas obtinent determinaciones (quippe quæ in unicum communemque sensum actæ, forsan exequuntur quod diversis motus determinationibus fruenter absolvere nequeunt, juxta vulgatum illud axioma. (Vis unita fortior) vel corpus illud extraneum in integrantium humoris ovi partium sese insinuet, subtilissimæque & summè mobili cuidam materiæ, quæ corporum omnium quæ in natura sunt poros ponebat, adimplet & trajicit, viam intercipiens, ipsi totas vires suas, quas adauget itineris contràctio in partium continentium latera convertendi, illaque summâ vi à centro ad circumferentiam propellendi occasionem præbeat.

Duplicis hujusce motus prior,
species

species quâ scilicet singulis humoris partibus unica foret motus determinatio cum liquidi motu, quem conservat humor, convenire non potest, quippe cum liquidi corporis essentia in hoc consistat, ut in omnem sensum agantur integrantes ipsius particulae, communem motus determinationem, salvâ liquidi corporis essentiâ, sumere nequaquam possunt; quandoquidem verò tantum abest ut motus humori in ovo contento superveniens, liquiditatem ipsius destruat, ut potius illam adaugeat, concludendum restat talem motum illum non esse, qui solidis vasorum continentium lateribus communicatur.

Restat igitur posterior incusandus, qui cum maximi sit momenti summa idcirco cum diligentia examinandus est.

Jam superius insinuavi, hicque loci repetito, supponendam esse cum

Cc.

Celeberrimis cujuscumque sæculi Philosophis, subtilissimam mobilissimamque materiam quæ corporum omnium poros penetrat, replet, perpetuòque trajicit, quæque propria motuum omnium, qui dantur in rerum natura, causâ naturali habenda est.

His positis, quoties extraneum aliquod corpus id motus & subtilitatis consequetur, cujus ratione corporis alterius, cujuscumque naturæ fuerit, pars subeat nec ab ipsis eadem, quâ introierit, facilitate propter itineris inæqualitatem variosque flexus egredi queat, tunc subtilis illa prædicta materies, poros infarctos transfluere solita ab extraneo corpore ulteriorem rectamque pergere viam, & à sequentibus propellentibusque à tergo sociis, sui particulis regredi prohibita, deflectere, viæque suas præ contractione itineris accrescentes convertere cogetur.

getur in continentium pororum latera, quæ pro variâ, cujus occurrerent, naturâ modo primo, modo verò pluribus iteratis conatibus ab invicem disjunget, sibi met ipsi nec non oblato obici pristinam libertatem restituens.

Is est violentus disjunctionis motus, quem ut Recentiorum linguam loquar, fermentationis motum appellabo, differentem à liquidi motu in eo quod iste qui liquidis corporibus unicè competit, externus est integramque corporis partium motus, eas, salvâ earundem integritate, in omnem sensum agitans, dependensque à circumstante prædictâ subti materie cui innatant, quæque ipsas non solum circum, sed & quoque transfluit, nulla tamen iis illatâ divisione, quoniam ob viæ facilitatem & æqualitatem extraneique corporis absentiam, nullum offendit obicem, à quo deflectere à rectâ

Etâ viâ viresque suas in itineris sui latera divertere cogatur.

Ille verò (fermentativus scilicet) motus est & liquidis, & solidis corporibus, modò fragilia sint, peræquè conveniens, integramium partium ipsorum poris internus, nonnullorum latera primo conatu disjungens ab invicem, & enata ab illâ disjunctione fragmenta à centro ad circumferentiam summâ vi protrudens; aliorum verò primo insultu duntaxat concutiens & intus foras aliquatenus depellens, repetitisque ictibus tandem divellens; qui â materiâ subtili in eas, quas jamjam dixi, angustias reductâ, producitur.

Dico fermentationis motum liquidis corporibus competere, ad explicandum quid cum liquidi motu communis habeat? & solidis modò fragilia sint ad designandum id per quod distinguitur ab eâ specie motus, qui elasticus dicitur flexilibus

corporibus amicè proprius. Addo
internum esse integrantium partium
poris, ut per hoc distinguatur à motu
liquidi, qui partibus, quas perpe-
tuò agitat, exterior est. Adjicio
nonnullorum latera primo conatu
ab invicem disjungere & enata ab
illâ disjunctione fragmenta, à centro
ad circumferentiam summâ vi pro-
trudere, aliorum verò primo insultu
duntaxat concutere & intùs foràs
aliquatenùs depellere, repetitisque
tandem ictibus divellere, ad distin-
guendas duas fermentationis spe-
cies, quarum illa motus explosionis
dicitur, ista verò motus fermenta-
tionis nomen propriè sibi retinet,
& quarum prior unico primoque
conatu perpetuò absolvitur, poste-
rior autem non nisi iteratis conati-
bus perficitur.

Ita, de qua sola hic agitur, duas
habet partes, seu duo tempora, quo-
rum prius ipsius principium audit,
poste-

posterius verò ejusdem finis & complementum, in quibus diversi producuntur effectus; nam in illo concutiuntur duntaxat, uti dixi, & intus foras aliquatenus distrahuntur pororum corporis fermentescentis latera, in isto verò penitus ab invicem divelluntur.

Priorem illius partem digestionem seu rarefactionem corporis fermentescentis, posteriorem verò divisionem seu dissolutionem ejusdem appellabo, ita ut in posterum digestio seu rarefactio inchoantem, divisio verò seu dissolutio perfectam & absolutam fermentationem apud me significatura sint, quod nemo, quem saltem sciam, hactenus distinxit, quodque tamen singulari dignum est observatione, ut illæ præcaveantur difficultates, quæ iis occurrunt, qui rarefactionem cum perfectâ fermentatione confundunt, digestionemque & rare-

factio-

factionem pro rebus diversis habendas arbitrantur. Communi autem & generico fermentationis vocabulo utramque ipsius partem prædictis conditionibus completar.

Ex dictis patet, dùm dicitur id omne quod fermentescit turgere & rarefieri, intelligendum id esse de primâ fermentationis parte, non verò de secundâ, in qua tantùm abest, ut corpus aliquod extraneum in fermentati corporis poros sese infinuet (sine quo tamen nulla fieri potest rarefactio) ut potius præ inductâ partium ipsius divisione pororumque per consequens destructione, quod primum introierat expellitur & in libertatem unâ cum pluribus; quæ cum ipso avolant, corporis particulis vindicatur, undè tumefactum in priori fermentationis parte corpus, in posteriori detumescit.

Quod si cui de duabus assignatis
à me

à me fermentationis partibus hæc-
 nus inauditis vel minimum superfit
 dubium, is, quæso, quæ in fermenta-
 tione, quam patitur farina cum
 aquâ & tantillo fermenti subacta,
 contingunt, intentis oculis contem-
 pletur; ipsissimis enim percipere po-
 terit massam, illam primùm sensim
 inflari, tuncque temporis partes ip-
 sius ita sibi mutuò adhærescere, ut
 vix ac ne vix quidem ab invicem di-
 velli queant, exinque notabiliter in-
 flatam, & instar visci adhærescen-
 tem pastam, permultas agere rimas
 & in minutulos dividi grumos, è
 quibus captivæ fermenti partes, te-
 ste olfactu, avolant fugâque suâ lon-
 gè minorem pastæ molem relin-
 quunt.

Ex prædatâ fermentationis defi-
 nitione liquet, efficientem ipsius
 causam subtilem seu ætheream esse
 materiam, integrantes corporis fer-
 mentescentis partes materialem
 illius

illius causam existere, interiorem lateribus pororum ipsarum vim illatam, seu primo conatu, seu pluribus ipsa disjungat, causam formalem sese offerre, obicem liberæ materiæ æthereæ per poros ipsarum transitui interpositum, qui fermenti nomine venit, causam occasionalem seu remotam efficientem audire, tandemque formæ mutationem, quæ fermentati corporis divisionem subsequitur, finalem ejusdem causam habendam esse.

Ex præmissis patet, fermentum extraneum aliquod corpus esse, cujuscumque naturæ fuerit, quod præ suis, tum motu tum subtilitate in alterius, qualecumque pariter fuerit, poros ingressum, & in iis qualicumque de causâ remoratum materiæ æthereæ, cujus viam interturbat, occasionem poros interclusos fermentandi subministrat.

Quod si fortè diligentiores fermenta-

tationis inquisitores dicerent, nequaquam ad illam excitandam sufficere corporis alicujus in alterius poris detentionem, æthereæque materiæ à solito per ipsos itinere prohibitionem, quippè nullam, intercepto aëre, fermentationem excitari posse res est pervulgata.

Responderem me per ætheream materiam, insensibilem illam variorum corporum congeriem intelligere, quæ aëris atmosphæram constituit, proindeque particularum aërearum concursum à fermentationis negotio non excludere, cui tantùm abest ut noceant, ut potius pro summâ, qua plures ipsarum polent elasticitate, non mediocriter favent, quod aliter præstare non possunt, quàm aut fermentandi corporis poros unâ cum subtilis materiæ particulis promiscuè penetrando, vel idem illud corpus ambiendo, si duntaxat ambiret, illud undique com-

comprimeret & foris intrò compelleret, quo quidem motu impediret potius quàm adjuvaret fermentationem, utpotè quæ foràs intùs sese exerit; concludendum igitur restat, aërem fermentationi conducere, sese cum subtilis materiæ particulis in corporis fermentandi poros insinuando.

Explicitâ sic fermenti fermentationisque motus naturâ, facile nemo non percipiet, non necessarium esse (sicuti placet Recentioribus permultis) ad fermentationem excitandam, perpetuum acidi cum alkali congressum; percipiet & quoque cur omne acidum indifferenter cum omni alkali non fermentescat; ex quo enim noverit integrantes certi cujusdam acidi partes, præ nimiam crassitie vel quietæ certi cujusdam alkali poros invadere non posse (quod tamen ad excitandum fermentationis motum requiri certum

tum

tum est) vel contrà prædictas acidi partes subtiliores esse, quàm quæ re-ctos amplioresque alkali poros ingressæ, in iis remorari queant, nullum exin fermentationis motum subsecutum ire statim pronuntiabit.

Nec redditu difficilior erit ratio, cur certa quædam acida (ut spiritus salis cùm spiritu vitrioli) invicem fermentescant, ad hoc enim sufficit, ut integrantes alterutrorum partes, illam motus molis & figuræ proportionem obtineant, cujus ratione in poros aliorum ingressæ, in iis remorentur solitamque materiæ æthereæ viam intercipient.

Ex præmissis patet, idem corpus modò fermentaturi, modò verò fermentandi corporis, pro variis, quibus occurrit, corporibus, vices gerere; fermentaturi scilicet, dum certo cuidam corpori fiet obvium, cujus poris præ sufficienti amplitudine

exc-

excipitur & præ ductus inæqualitate retinetur, fermentandi verò, dùm à subtilioribus adjuncti corporis partibus pervaditur & regia materiæ æthereæ per ipsius poros via obstruitur.

Explicato jam quid sit fermentatio genericè sumpta, examinanda restat specialis illa, quæ in humore ovi concitatur; inquiremus igitur quid ipsi pro fermento sit, & quâ ratione motus ille solidis ipsius partibus comunicetur.

Recepto ab omnibus axiome, liquet mutationem nullam corpori succedere quæ ab exteriori causâ non procedat, seu, quod idem est, quod semel in uno statu positum est, in eodem perpetuò remanere, nisi ab externâ quapiam causâ dimoveatur, juxta illud effatum, humor ovi in ovario contenti in eodem statu perpetuò persistet, nec alio, quàm simplici liquidi motu qui ipsi

essentialis est, unquàm gaudebit, nisi ab externâ quâdam causâ novum statum induere cogatur.

Ista autem aliundè quàm ab ipsomet ovo, vel vicino ovario, vel humoribus matris & ovum & ovarium gerentis, vel tandem à semine maris, cujus congressus cùm foemina absolute necessitatis est, ut ovum in animal transformetur, procedere non potest.

Constat autem eam ab ovo non procedere, quippè quæ si ab illo proveniret ipsi essentialis foret, & per consequens humor ipsius ex primo creationis suæ momento eodem illo potius fuisset motu, quem generationis tempore solum consequitur; liquet tamen illum non prius quàm prædicto generationis momento motum hunc obrinuisse.

Neque plus rationis est, quod credamus causam illam ab ovario vel humoribus matris suam originem trahe-

trahere ; quippe quæ si ab alterutro dependeret, sequeretur exindè fœminam absque maris congressu concipere posse, quod impossibile censetur. Unicum ergò maris semen in fœminæ matricem projectum, incusandum superest.

His positis, examinandum incumbit, quâ ratione semen illud humori ovi in ovario contenti motum conciliet ? constat autem ex physicis omnem corporis alicujus in alterum actionem immediatam futuram iri, ergò necessum est, ut semen masculinum humorem ovi immediatè contingat, quò motum aliquem ipsi communicare possit; adeoque è matricis limine in quod projicitur in superius ovarium debet ascendere, quam hinc iturum viam sequatur, jam perpendendum.

Convenit inter Recentiores maxime spirituosam duntaxat semi-

nis masculini partem ovum vivificaturam, seu, quod idem est, humorem ipsius fermentaturam ovarium ad usque foeminæ penetrare, verum in illo est controversia, quâ scilicet viâ huc veniat? nonnullis credentibus illam vasorum sanguiferorum poros transgressam, sanguinem subire unâque cum eo per circulationis iter ad ovaria transire, aliis verò probabilius, ni fallor, sentientibus, subtiliores seminis partes à crassioribus expeditas, spongiosam matricis substantiam penetrare, exinque in ovaria ipsi contigua irrepere.

Istos dixi probabilius sentire, quoniam præterquam quod satis non concipio, qui spirituosæ seminis partes tamdiu cum massâ sanguinis inalteratæ circularentur; satis & quoque non video cur sanguini semel admixtæ & cum eo in cor delatæ, per aortam descenden-

sem potius quàm per ascendentem iter suum capefferent, & cur ex illâ (posito illas ipsam iniisse) spermaticam potius, quàm infinitas alias, quæ superius aut inferius ab eâdem enascuntur, arteriam subirent!

Nihilominus tamen, licet posterior sententia probabilior alterâ mihi videatur, manca mihi apparet, in eo quòd non explicat qui subtiliores seminis masculini partes (quas solas ad ovaria transire fautores ipsius asserunt) à crassiorum consortio sese expediant? & hoc est quod examinandum hîc occurrit.

Animales maris spiritus cum semine permistos, pro adventitio humoris ôvi fermento aliquamdiù agnovi, semenque vehiculum duntaxat ipsorum & quasi compedes, nè in itinere avolarent credidi, sed paulò accuratius singula evolvens, mutavi consilium.

Maris semen glareosus humor

est ovi albumini satis similis, ad speciem perparum spirituosus, quam tamen falsam evincunt, quos in ovo præstat effectus.

Exin ortus est mihi cogitandi locus duplicem materiæ spirituosæ speciem distinguendam esse, aliam quæ actualiter, ut scolasticam linguam loquamur, alteram verò quæ potentialiter duntaxat spirituosa est; vel, ut clariùs rem explicem, aliam cujus partes integrantes præ copiosis quas pe. pessa sunt fermentationibus, maximam subtilitatem mobilitatemque celerissimam adeptæ sunt, alteram verò cujus partes integrantes nondum sufficienter fermentatæ, id motus & subtilitatis, quod ab aliquot successuris fermentationibus assequi aptæ natæ sunt, nondum obtinent.

Priorem spiritus nominabo, posteriori spirituosæ duntaxat materiæ nomen relinquens.

Maris semen dum in uterum pro-
jicitur, spiritus appellandi nullus est
locus, quippe quod in aërem emis-
sum, aut nonnihil incalefactum nul-
latenus evanescit, quod tamen spi-
ritibus chymicis ignis vi elicitis
longèque crassioribus quàm illi qui
in animali corpore fermentationis
opè generantur, familiare est; pro
spirituosâ igitur solum materiâ, in
spiritus facessere aptâ, ubi partes ip-
sius integrantes ab invicem disso-
ciatæ longè subtiliores existent, no-
bis in posterum habendum est; quâ
vi divisionem illam partium sua-
rum subire queat jam perpenden-
dum.

Natura manibus æquè ac cultris,
quibus corporum quæ satagit im-
minuere divisionem exequatur, de-
stituta, unicam habet pro omnis
generis instrumento materiam æ-
theream, quæ singulas, quas me-
ditatur illa, corporum divisiones,

mediante quem ciet fermentationis motu absolvit.

Is est igitur fermentationis motus à quo integrantes seminis masculini in uterum projecti partes in longè tenuiores & subtiliores particulas subdividuntur.

Dùm cum Phycis attendo, corpus quodlibet triplicis duntaxat generis partibus donari, triplicem solummodò corporis divisionem dari posse protinus concludo, aliam scilicet, quâ in integrantes, alteram quâ in essentielles, & tertiam quâ in radicales sui partes dividatur.

Ubi dico triplicem duntaxat dari corporum divisionis speciem, non nisi ter corpus dividi posse (illud enim seu quantitatem illius in infinitum divisibilem cum sanioribus Phycis agnosco) sed singulas quas patipotest divisiones, ad alterutram ex tribus prædictis divisionis speciebus referri intelligo.

Ob-

Observandum autem corpus quodlibet, quoties dividitur, toties duas aut sæpè sæpiùs, ubi scilicet abundant varii generis fermenta, tres simul & semel pati posse divisionis species.

Quò verò pateat specialis illa quam in utero perpeffurum est semen masculinum, ut in spongiosam ipsius substantiam irrepere aptum evadat, sciendum est, priùs è quo & quâ ratione generetur semen, quod cum ignotâ, sanguinis è cujus massâ secernitur genesi, vix obtineri queat, urgentiorem idcirco istius disquisitionem alteri præmittam.

Sanguinis naturam indagaturis convenientius nihil esse arbitror, quàm ortum illius repetere ab ingestis alimentis in quibus suam habet originem, ista verò in plures moleculas masticatione primùm divisa, in varios sensus per totam quàm latè patet oris cavitatem cir-

cum aguntur quò pleniùs imbuantur spirituofo quodam humore, qui è fanguinis maffâ per falivales glandulas fecretas, & ex iftis motu mafficationis in prædictam oris cavitatem expreffus, falivæ nomen fortitur.

Prima ifthæc alimentorum divifio, eorum propriè comminutio eft feu partitio in plures particulas integrantes, quas interjectæ falivæ partes ab invicem nonnihil difjunctas fervant.

Comminuta fic in oris cavitate alimenta & falivali quem dixi humore imbuta, motu linguæ in fauces, exinque in ventriculum protruduntur, cui quidem eorum defcenfui non parùm opitulantur tùm proprium ipforum pondus, à quo deorsùm feruntur, tùm contractio carnearum fibrarum œfophagi, qui è faucibus ad ventriculum via celebris eft.

Ventriculi cavitatem appulsa primam in illa patiuntur fermentationem à quâ in minutissimas variasque forsan particulas subdividuntur, hujusce fermentationis motus hîc loci, sicut & ubivis alibi suum ducit exordium, à contentæ materiæ turgescencia, quæ tûm ab interjectis salivæ, quas dixi, particulis, tûm à speciali quodam fermento quod è sanguine per innumeras, quibus scatet interior ventriculi tunica, glandulas secretum, in prædictæ materiæ poros sese insinuat, dependet, quæquæ prima fermentationis hujusce pars est, & cui primæ digestionis nomen peraptè convenit.

Ubi prior hæc fermentationis hujusce pars, seu prima hæc digestio ad sui finem accedit, quæ turgescens materiæ particulæ à primis materiæ subtilis ictibus aliqualem pororum suorum succussionem sustulerunt ab iisdem repetitis peni-

tus dividuntur, divisæque per pylorum in substratum duodenum sub humoris grisei, chymi nuncupati, formâ concidunt.

Alternis musculorum abdominis succussibus & carnearum sui fibrarum contractione compressus ventriculus, in eam effertur altitudinem quæ faciliorem reddit fermentatæ sufficienter materiæ prolapsum in duodenum intestinum, in quo secundam aggreditur fermentationem, quæ in reliquo intestinorum ductu absolvitur, quæque in duodeno conceitatur à subtilissimis, tumbilis per porum coledocum adventantis, tùm succi pancreatici per Vartzungi ductum appellentis, particulis inter quas sicut & inter prædicta duo primæ digestionis fermenta, (salivam scilicet & stomacalem humorem) adorandus Autor naturæ discrimen aliquod posuit, eum duntaxat in finem, ut fermentandis

variæ

variæ naturæ ingestis sufficere valerent, quippè varia quibus vescimur alimenta, variæ magnitudinis & figuræ poris instructa nequaquam debite fermentari potuissent, si oblata fermenta unius ejusdemque fuissent indolis.

Humor ille glareosus, qui per intestinales glandulas è sanguinis massâ secretus, & à Recentioribus intestinalis lymphâ nominatus, intestinalis duntaxat mucî titulum apud me promeretur, fermentum chylo ulterius dissolvendo, sicut Medicis quampluribus placet, destinatum mihi non videtur; longè enim probabilius est illum esse excrementum ab aliquâ fermentatione emergens, quod per prædictas glandulas in cavitatem intestinorum depluens, diluendis nonnihil faciliusque eliminandis, quas in exitu comitatur, fœcibus inservit, obstatque præterea nè interior ipsorum,

tuni-

tunica, quæ admodum sensilis est, tum à frequentibus quæ in iis cientur fermentationibus, tum à variorum qui isthac pertranseunt succorum acrimoniâ fortius irritentur, forsanique corrochantur.

Illum autem indignè prorsus utilis lymphæ titulum sibi usurpasse, exin arbitror, quod abundantior in crassis quam in tenuibus emergit, & in illis longè major quam in istis glandularum huic secernendo dicatarum copia observatur, contra quam oporteret, si ulteriori chyli dissolutioni, sicuti volunt permulti, destinaretur.

Prætereà, si prædictus humor excrementum non esset, undè diffunderet post assumptum purgans remedium tanta excrementorum copia, sæpiusque nimia quàm quæ ab unicis ventriculo & intestinis tota procedere judicari queat? si igitur è massâ sanguinis provenit (uti con-

venit

venit inter faniores Medicos) quâ
 aliâ quàm prædictarum glandula-
 rum via ab illa dimanare potest?
 quis autem credat glandulas utili
 ad chyli perfectionem succo secer-
 nendo à natura destinatas, excre-
 mentitium tunc temporis secerne-
 re? numquid longè probabilius est,
 eas perpetuò secernendis, quæ tunc
 secernunt, excrementis dicari, ma-
 joremque istorum copiam post as-
 sumptum catharticum duntaxat se-
 cernere, propterea quòd exhibitum
 remedium fermentitias quamplu-
 res particulas inopi sanguinis massæ
 suppeditat, quarum ope plures,
 quibus ista scatebat, crudæ & in-
 digestæ particulae digeruntur &
 fermentantur; & quandoquidem
 vix ulla datur fermentatio è quâ
 plures non emergant heterogeneæ
 & excrementitæ particulae, ex
 prædicta quam suscitatur purgans re-
 medium exoritur fœcum illa quan-
 titas

titas quæ per glandulas intestinales tunc temporis amandatur, quæque jamdudum per eas effluxisset, si fermentationum opus debito tempore numeris omnibus fuisset absolutum.

Ingestis duplicem quam jamjam explicui fermentationem perpeffis, quæ ex ipsorum particulis præ summa subtilitate suâ insensiles intestinorum poros in venas lacteas hiantes inire aptæ sunt, in istas sub humoris albidî chyli nominati formâ protruduntur, tum à peristalticâ intestinorum contractione, tum à successivis diaphragmatis & musculorum abdominis succussibus, dum interim quæ præ nimia sui crassitie vel figuræ disproportione eandem quam sociæ viam ingredi nequeunt, aliam, coli scilicet & ani, per quam è corpore sub formâ fecum exeunt, sequi coguntur.

Quæ venas lacteas subierunt
chyli

chyli particulæ, mesenterii glandulas exin appulsæ, tertiam in istis à novo fermento (spiritibus scilicet animalibus per nervos, quibus illæ scaturiunt, uberius adductis) turgescientiam seu rarefactionem assequuntur.

Quæ verò præ insufficienti spirituum copiâ vel ineptâ sui dispositione fermento isto non gravidantur in prædictis mesenterii glandulis, in lumbaribus in quas exin tendunt, reperire solent undè suum resarciant damnum, indèque cùm sociis communem ductus thoracici viam insequentes, in axillarem sinistri lateris venam transeunt, inibi-que sanguinis fluvium adintran, quocum in dextrum cordis ventriculum primùm devehuntur.

Illic, quæ ex chyli partibus plenius in prædictis glandulis imprægnatæ fuerunt spiritibus animalibus, adeoque pluries inter viam ab illis

ad cor intercedentem agitata & concussa, dividi inchoant, tum quoniam in interiorem quæ tota, uti dixi, aspera & inæqualis est, hujusce ventriculi superficiem illidunt, tum quoniam à tendinosi membranarum tricuspidum fibris fortius verberantur, sicut infra fufius explicabo.

Prout autem spiritibus animalibus imbuuntur chyli partes, turgent istæ & rarefiunt; prout rarefiunt, ampliantur earumdem pori, adeoque plures lucis radios pro adauctæ amplitudinis ratione absorbent, unde colorem nonnihil obscuriorem adipiscuntur, quem adeptæ, nomen suum lymphæ nomine commutant, ita ut lymphæ nihil aliud quàm chylus rarefactus, seu primam fermentationis partem subiens auditura sit.

Quicumque de chyli turgescens seu rarefacti cùm lymphâ identitate dubitaverit, explicet, quæso, quid

quid agat in animalis corpore lymphæ? cui usui inserviat? cur in extremis arteriarum penè omnium finibus sanguinem circumferantem deferat, ipsum in axillâ in venâ denuò consecutura?

Scio quidem quamplures optimæ notæ Medicos eû ipsius usum dixisse, ut scilicet in mesenterio lacteisq; ductibus chylum fluxiliorem reddat, & in venosum sanguinem redux, ipsum tenuiorem efficiat & ad citam in corde dilatationem præparet.

Verum si alios usus non habet, inutilis prorsus mihi videtur lymphæ, quippè quâ & chylus & sanguis nequaquam indigent; chylus enim insensilia lactearum ostia præ summa sui tenuitate & absque lymphæ subsidio semel ingressus, satis superque fluxilis est, ut per lacteas secundarias & ductum thoracicum (quæ vasa sunt lacteis primariis longè ampliora) facillimè transeat: Venosus autem

atitem sanguis, si lymphæ subsidio indigèat; cur eam in toto circulationis suæ ductu sibi non asservat? cur ipsam è sinu suo libens in cujuslibet fermè arteriæ extremis dimittit? certè tenuitate sanguis venosus indiget ad circulandum, majorem (quæ scilicet ascensum juvet) qui ab infimis partibus ad cor ascendit, quàm qui à supernis ad illud descendit; desiderat; quandoquidem autem qui ascendit lymphâ abstinet, majoremque ipsius quantitatem è gremio suo in plurima vasa lymphatica dimittit, numquid faciliùs posset eâ carere, qui per axillares ad cor ascendit, qui proprio sui pondere deorsum fertur, quique jam sufficienti quantitate lymphæ in superioribus quamplurimis partibus secretæ, diluitur.

Quid exin concludendum restat? nisi lympham in extremis arteriarum sinibus è sanguinis gremio secedere

secedere, ipsumque denuò in axillari venâ consequi, vel ob sui ipsiusmet, vel ob sanguinis usum, postremum non esse superius probavi, ergò prius est.

Quandoquidem ergò ob propriam suam utilitatem è sanguinis massâ secedit lymphæ, paulò post in ipsius alveum regressura, illam alibi reperire nequit quàm, aut in sua ab illius gremio secessione, vel in suo in illud regressu; in hoc esse minimè probabile videtur, nam si à sanguinis consortione dependeret lymphæ commodum, illum hæc nunquam defereret, quin potius assidua prosequeretur, in secessione igitur ipsius ex illo superest inquirendum, sciendum itaque restat an in primo sui è massâ sanguinis exortu, an verò inter vias præfatum reperiat commodum, eam autem utrobique ipsius aliquid percipere libens exin sentio quod pleraque

vaso-

vasorum lymphaticorum è glandulis variis in corporis partibus sitis, suam trahant originem, (undè vasa glandularum serosa à Clarissimo Viro D. Olao Rudbek nominata fuerunt,) aut quorum origo glandulosa sensibus non pater, ea glandulam aliquam priùs ingrediantur, quàm relictam sanguinis massam repe-
rant.

Quem autem in finem è glandulâ oriantur, aut in glandulam in itinere suo inferantur vasa quæcumque lymphatica conijcere non est admodum difficile, cùm enim glandulæ vasibus lymphaticis aut originem aut viam præbentes, nullum habeant, sicut aliæ glandulæ, vas excretorium per quod secretum quid emittant, nulli, sicut aliæ sunt, secretioni destinatas esse concludendum est; quid igitur de earum usu dicendum restat, nisi ad pertransientis humoris perfectionem com-
para-

paratas esse? huic autem conferre nequeunt, nisi vel aliquid ipsi addendo quod desit, vel detrahendo quod supersit: nihil detrahunt, utpote quæ vase carent, ut dixi, quod detractum excernat, ergò aliquid addunt; quod autem addant ex se non habent, nihil sibi proprium habentes, & quidquid habent per adjuncta vasa recipientes. si quid igitur addunt illud recipiunt, si recipiunt aut sanguis per arterias adventus aut spiritus animales per nervos delati, quoniam aliud nihil recipiunt: non autem sanguis est utpote qui cum lymphâ permixtus eam rubro suo colore tingeret, quod cum non accídat, spiritus animales pro illâ re, quam in sui commodum lymphâ recipit à glandulis, seu in primo è sanguinis massâ exortu, seu inter viam sitis, agnoscendi supersunt.

Quod quidem è probabilius videtur

detur quod nulla datur glandula,
 quæ insignem unum aut plures ner-
 vorum ramulos non obtineat, ner-
 vorum autem quis alius est usus, nisi
 ut spiritus animales in partes, in
 quas inferuntur, devehant, tum ad
 sensum ipsarum, cum autem nec ad
 motum, nec ad glandularum (utpo-
 tè quæ nec motûs nec sensûs orga-
 na sunt) spiritus animales ad eas
 delatos facere dici queat, conclu-
 dendum quid restat, nisi illos in eas,
 non ad ipsarum usum, sed ad ulte-
 riorem, pertranscuntis humoris
 elaborationem, influere, quod cum
 aliter quàm fermentationis ope non
 possint exequi, in hunc duntaxat
 finem spiritus animales in prædi-
 ctas glandulas influere conjiciendi
 locus est, ut scilicet humorem ipsas
 transcurrentem (qui chylus est aut
 lympa) penetrando magis ac ma-
 gis rarefaciant & ad perfectam,
 quam

quam in corde consecuturus est, fermentationem disponant.

Non deerunt quibus non arridebit nova hæc conjectura mea circa lymphæ genesim, usumque glandularum è quibus oriuntur, aut in quæ inferuntur illius vasa; insurgentes enim videre mihi videor quotquot lympham spiritus animales ad nervorum extrema perductos, inibique in aquosam ut vocant, materiam à circumstanti frigido aëre condensatos, ex analogiâ generationis spirituum chymicorum, arbitrantur. Verùm adeò parvum verisimilitudinis habet hæc illorum opinio, ut refutationem vix mereatur, attamen nè ex contemptu potius quàm judicio dictum credatur, objecisse suffecerit, si frigus aut aliquantula saltem caloris imminutio ad spiritus animales in extremis nervorum finibus in lympham resolvendos, uti volunt, re-

quiritur nullam prorsus generatam
 iri lympham in superficie cordis.
 quod omnis caloris qui in animalis
 corpore perſentitur fons audit per
 vitam inexhaustus, ex illâ tamen ſi-
 cut & è remotiſſimis atque aded
 frigidioribus partibus, vaſa lymph-
 rica prodire quiſque propriis ſuis
 ſenſibus certior fieri poteſt; num-
 quid iſterum à caloris fonte ſcatur-
 rigo, ſuppoſitam præ caloris immi-
 nutione ſpirituum in lympham a-
 quosam congelationem ſatis ſuper-
 que diſſolvit?

Licet quæ ab hac tertîâ ingeſto-
 rum fermentatione, quæ in prædi-
 ctis glandulis inchoatur, & in cor-
 dis ventriculis abſolvitur, exſur-
 gunt formæ in tantâ non verſentur
 luce quantâ quæ à duabus primis
 enaſcuntur, multa tamen ſeſe offert
 conjectura chylum ab iſta in tot va-
 rias dividi & transformari ſubſtan-
 tias, quot varii dantur in animali
 cor-

corpore succi, tùm utiles, tùm excrementitii.

Succos utiles appello humores omnes, qui per congrua colatoria è massâ sanguinis secedentes, in peculiaribus quibusdam cavitatibus aggeruntur, variis exin usibus infervituri; excrementitios verò nuncupo humores quoscunque inutilles, qui per varia colatoria sanguinis massam deferentes eliminantur è corpore, in quo non modò nullius utilitatis sunt, sed contrà non sine maximo damno solitò diutiùs retinentur.

Ex præmissis liquet utiles corporis animalis succos, septenario numero comprehendi posse; illi autem sunt saliva, liquor stomachalis, bilis, succus pancreaticus, adeps, semen, & spiritus animales.

Urina, transpirationis insensilis materia, succus lacrimalis, cœrumen aurium, mucus, tùm nares, tùm

alias permultas partes obducens, sunt inutiles & excrementitii succi qui diversas, ab humorum septem utilium formis, formas nacti, nullius idcirco usus esse possunt, quapropter è corpore tanquam inutiles eliminantur.

Variam pororum configurationem in glandulis succos excrementitios secernentibus supponere, nullatenus necessarium mihi videtur; sufficit ut ipsarum pori diversi concipiantur ab illis omnibus quibus donantur glandulæ succorum utilium secretioni destinatæ; cum enim uberior urinæ copia, quam constrictis, sæviante brumâ, cutanearum glandularum poris excerni in confesso est, imminutæ transpirationi referatur, parciorque contrâ ejusdem quantitas excerni solita, dum pori prædicti à succedente æstatis calore naturalem, quæ à frigore imminuta fuerat, sui dilatationem

nem recuperant, vel dùm præ diarrhœæ insultu, majorem mucî sui copiam excernunt intestinales glandulæ reduci solitæ transpirationi, vel inductæ diarrhœæ adscribitur, horum excrementorum alia aliorum colatoria sæpè sæpiùs ad sui secretionem mutuari, atque adeò non multùm inter se discrepare, nunquid verisimillimum est?

Absit autem ut quis credat chylum in primo sui cum sanguine circuitu in lympham, istamque in varios humores, in quos iteratis duntaxat circuitibus, faceffit, totam transformari, credat contra illas solùm & chyli & lymphæ partes, quæ in prædictis glandulis plenius spiritibus animalibus gravitatæ fuerunt, formam suam immutare, reliquas verò, quæ vel sociis solidiores existunt, vel spiritibus minùs imbutæ, pluries easdem glandulas repetitas ire, priusquàm illum

turgescentiæ gradum consequantur, quo solo mediante, perfectam partium suarum dissolutionem in corde pati aptæ fieri possunt; atque adeò quoties cum sanguine ab axillari vena ad utrumque cordis ventriculum transit chylus rarefactus seu lymphæ, certa duntaxat istius quantitas immutatur, quo sæpius iterato, chylus tandem omnis in lympham, lymphæque omnis in varios humores transmutatur.

Si crederet aliquis, me lactis & sanguinis propriè dicti in prædatâ humorum è chyli divisione emergentium enumeratione oblitum fuisse, ipsum admoverem nullatenus ex oblivione non appellatos à me fuisse succos ab eo denuncia-
tos; sed propterea quod neuter illorum inter prænominatos locum ullum moveri mihi visus est.

Lac enim quod spectat, inter succos à chyli dissolutione procedentes

dentēs adscribendum mihi visum
non fuit, quippè humorem illum
qui in venis lacteis albescens, chyli
nomine cognoscitur; exin ad mam-
marum glandulas cum sanguine de-
latum, & per eas ab illo secretum,
novum (lactis scilicet) nomen, ser-
vatâ tamen pristinâ chyli indole, si-
bi vindicare mihi persuadeo.

Sanguinem verò propriè di-
ctum, famigeratissimum scilicet hu-
morem illum, qui eorum omnium,
è quibus massam sanguinis conflu-
runt Medici, principatum hucusque
tenuit, in ista nequaquam existeret
(quantacumque dicendi fuerit au-
dacia) proferre mihi liceat; ita ut
dum hætenus de sanguine fuit, &
in posterum erit sermo, per sangui-
nis vocabulum, nihil aliud intelle-
ctum voluerim, præter sanguineam
massam, seu rubrum illum fluvium
singulas corporis partes irrigantem
ex chylo, & lymphâ, septemque,

quos succos viles vocavi, rivulis,
nec non singulis, quæ per varia co-
latoria ab illo secernuntur, excre-
mentis compositum.

Et sanè quandoquidem nullus
alius sanguini propriè dicto tribui-
tur usus, quàm ut spirituum anima-
lium & nutritionis partium mate-
riem suppeditet; si probabilior sese
offerat utrorumque scaturigo, num-
quid præscribendus judicabitur hu-
mor, qui supposititiis suis usibus or-
batus, penitus utilis foret.

Præ aliis autem omnibus, qui
massam sanguineam componunt,
humoribus aptissimus adeps mihi
videtur, qui in partium nutritio-
nem cedit; totus enim constat sul-
furis itaminibus aptissimis, quæ par-
tium poris, continuam quam illæ pa-
tiuntur assumptionem instauraturæ,
adhærescant.

Observatur præterea non alia
quàm animantium pinguisima per
plu-

plures menses in subterraneis latibulis jejuna restare, quippe quæ maximam adipis copiam æstate colligunt, qui confectâ hyeme magnam partem absumptus reperitur, maximo certè argumento dicendi, cum tamdiu vivere nequeant illa absque eo quod nutriantur, nullusque humorum qui in illis sunt, præter solum adipem consumptus appareat, nutritionis illorum materiam adipem præbuisse.

Si quis objiceret nullam, aut saltem adeò perexiguam fieri dormientibus jejunis illis animalibus substantiæ deperditionem; ut nullâ, vel saltem minimâ, egeant nutritione, ipsum protinus rogarem, ut quid de deperdito adipe, & cur de reliquis pariter humoribus non idem factum fuerit, edocere me vellet; si enim dormientium animalium nutritioni non inservierit consumptus adeps, ignorare me fateor,

eur, salvis reliquis omnibus ipsorum succis, unicus magnam partem evanuerit.

Bonâ tamen fide fatebor, ipsi longè minorem illis dormientibus quàm vigilantibus fieri substantiæ deperditionem (quippe si secus sese res haberet, adeps æstate collectus, eorum vitæ hyemis adusque finem prorogandæ minimè sufficeret) sed tamen sufficientem esse, quam quæ majorem adipis collecti partem in partium deperditarum restaurationem requirat.

Dicet aliquis pacificus meam cum antiquâ sententiam conciliaturus, probabilissimum quidem esse nutritionis partium materiam adipem præbere, verùm illum in sanguinem prius converti, quàm huic usui inserviat, atque adeò remotam duntaxat, sed non immediatam nutritionis partium materiam adipem existere:

Respondebo verissimè nequaquam esse, ut adeps proxima sit sanguinis materia, nè vel minimam enim conjecturam ducimur ad illud suspicandum, præterea qui adipem pro remotam nutritionis partium materiam agnoscere cogitur, cur immediatam illum esse posse fateri cunctatur: nonnè constat adipem longè pluribus, quam ipsemet sanguis, donari fibris, quibus sanguinis fautores eum nutritionem partium absolvere prædicant? hoc concessio, ad quid multiplicanda entia sine necessitate, cur supponere sanguinem ubi adeps sufficit? quis mortalium ignorat naturam per plura nunquam facere, quod per pauciora potest exequi.

Alterum, qui sanguini tribuitur, usum quod attinet, ut scilicet spirituum animalium materiem suppetet, non majori quam quem jamjam refutavi nititur fundamento,

Quidn̄ enim spirituum animalium
 sicut & reliquorum omnium humo-
 rum materiam suppeditaret sui dis-
 solutione lymphæ, præsertim cum
 & vel ipsamet etiam alimenta in
 prima quam in ventriculo patien-
 tur divisione, nonnullos generare
 spiritus apta sint.

De quo si quis dubitet, attendat
 quæso, quantâ celeritate ab assum-
 pto spirituosæ quodam liquore refi-
 citur, & quasi reviviscit homo præ-
 vehementiori labore, vel morbo
 languens penèque spiritibus exhau-
 stus, nec tamen quantâcumque ad-
 hibitâ attentione concipiet unquam
 prædictum liquorem in chylum,
 chylum in sanguinem, & sanguinem
 in spiritus animales tam brevî tem-
 poris intervallo transiisse; longè
 igitur probabilius est, eorum liquo-
 rem spirituosæ quampluribus turgi-
 dum particulis, permultos in primâ,
 quam in ventriculo subit, sui divi-
 sione,

sione, producere spiritus, qui præsumma, quâ pollent subtilitate, intercapedinum quæ inter arterias & venas quibus conspergitur interior ipsius tunica, occurrunt, poros ingressi cum sanguine ad cor reverte permiscantur, quod brevi propter viciniam appulsi, ipsius exinque arteriarum motus validiores reddunt, quod fit ut sanguis ad cerebrum (haud secus ac ad singulas corporis partes) majori vi & celeritate propulsus, uberiores spirituum, quibus in ventriculo auctus fuit, copiam in corticales illius glandulas dimittat, qui per eas secreti in reliquas partes, ab adveniente pariter spirituosiori sanguine nonnihil jam refocillatas, per nervos delati, deperditas ipsarum vires brevissimo tempore restaurant, languidumque hominem reficiunt.

Quod si quis dicat oblivisci meorum quæ superius dixi, ingesta scili-

scilicet quæcumque tùm solida, tùm liquida duplicem, in ventriculo nimirùm & intestinis, perpeffa fermentationem immutari in chylum, qui cùm massa sanguinis aliquoties circulatus, totièsq; glandulas quas dixi remetitus, tertiam tandem in corde subit fermentationem, à quâ in plures diffilit varii generis particulas varios humores efformaturas, atque adeò nullam subesse rationem cur epotus prædictus liquor easdem alterationes iisdem in locis non subeat.

Respondebo; arguentem deprecans, ut ipsemet oblivisci nolit me superiùs statuisse corpus quodlibet, dùm dividitur, duas & quandoque tres, quibus illud obnoxium esse dixi, divisionis species simul, & semel pati posse, seu nonnullas integrantium ex quibus constat partium, nonnullas essentialium, & quandoque nonnullas etiam radicalium.

calium extricari posse.

Quod ut ad præsentem sermonem nostrum accommodemus: dico nihil obesse, quominus in primâ divisione, quam ingesta in ventriculo patiuntur, non solum spirituosæ, sed & quandoque biliosæ, salivales, adiposæ, feminales, aliæque varii generis particule expediantur, si satis laxæ alimentis infuerint, quàm quæ à primis primæ illius divisionis succussibus ab aliarum consortione solvi queant, idque ita fieri perpetuo facilis crediderim.

Quibus ita positis, quæ solvuntur inibi spirituosæ ingestorum particule per assignatum jamjam iter præ summâ sui tenuitate sanguinem subeunt; verissimillimum enim est. (licet præ nimiam sensuum nostrorum crassitie demonstrari nequeat) naturam eorum omnium, quæ ad salutem majusque commodum animalis faciunt maxime sollicitam,

& in iis fabricandis solertissima in intermedia stomachales arterias & venas, spatia ejus figuræ poris donasse, qui foris adventantibus spirituosius particulis in sanguinis alveum aditum concedant, iisdemque fugam meditantibus, transitum recusent.

Reliquorum autem humorum, si quæ in primâ illâ divisione solvantur, ut fieri posse credo, particulae, quandoquidem nec tantæ, quàm spirituosæ, tenuitatis, nec tam urgentis ac istæ necessitatis, in sanguine sunt, longiorem idcirco chyli viam unâ cum eo prosequuntur, sanguinem ad usque, è quo per aprata colatoria suo ordine dein secernuntur.

Dùm autem superius lympham in tot varias dividi particulas, quot varii dantur in animali corpore succi, id æquabili mensurâ fieri, chylumque indifferenter omnem æqua-

æqualem succorum omnium copiam suppeditare nequaquam audi-
vi; quandoquidem enim chylus
conflatur è partibus alimentorum
quæ varietatis infinitæ sunt, æqua-
lem eorundem succorum copiam
suggerere nequit chylus ex diversis
alimentis procedens, quocirca cum
ingestorum alia majorem spirituo-
sarum partium, alia biliosarum, al-
tera seminalium &c. quantitatem in
se contineant, chylus ex ingestis il-
lis proveniens, majorem illorum hu-
morum, quorum copiosiores paren-
tibus alimentis inerant partes, co-
piam suppeditat, & hæc fuit ratio
cur dixerint Veteres, alia dari ali-
menta, quæ bilem, alia quæ semen
&c. generabant.

Ægrè forsan quis audierit, me hu-
morum, quotquot in animali cor-
pore reperiuntur, particulas inte-
grantes alimentis inesse profiteri;
verum cum ille (si ex Recentiori-
bus

bus fuerit) sal, sulphur, terram, aquam, & spiritus, quæ principia chymicorum audiunt, alimentis formaliter inesse constanter asserere non dubitet, vel eo solo nomine quòd ab illis prædicta principia ignis vi possint elici, numquid potiori jure chylum eumque variis, quos in ipsius gremio supposui succis gravidum illis inesse licet asserere, cum è prima & simplici, quam in ventriculo subeunt, divisione chylus sensu iudice prodeat, & ex isto subsequentes aliquot fermentationes perpeffo, reliqui humores in cordis ventriculis emergant.

Prædata generationis humorum explicatio longè simplicior est legibusque naturæ convenientior, quàm quæ datur ab iis, qui statuunt alimenta in essentielles sui partes primum dividi, exinque pro variâ, quâ istæ sese iterum consequuntur & invicem coeunt, ratione & propor-

portione, quam ab organorum variâ conformatione deducunt, varios humores emergere.

Et sanè cui unquam humanæ menti concipere dabitur, essentialia alimentorum partes (quæ salis, terræ, aquæ, sulfuris & spiritûs particulæ audiunt) semel ab invicem in primâ digestionem dissociatas & cùm sanguineis, quos illi supponunt, globulis confusas, inter continuos massæ devehentis valorumque continentium motus sese iterum consequi invicemque coalescere posse, & posito quod possint id eâ proportionum varietate fieri, quam variorum corporis animalis succorum iusta generatio desiderat.

Sed ut cunctis luce clariùs pateat organorum ad generationem humorum inutilitas, herculeam profectò rationem in medium proferam, quæ Monspeliensium aliquot Professorum, quorum luminibus ipsam

ipsam subjeti, probationem
promerita, Doctoris in Celeberrimâ
Avenionensi Academiâ gradum
mihi retulit.

Biliosas spectat particulas, quæ
in sanguinis alveo retentæ, exin-
que in singulas corporis partes dif-
fusæ icterum producant, undè vi-
dere est organorum structuram hu-
morum unicæ secretioni, nullate-
nùs verò eorundem generationi in-
servire, atque adeò varia quæ in or-
ganis supponunt fermenta, non mi-
noris utilitatis quàm conceptu diffi-
cultatis esse.

Bilis duntaxat materiam seu par-
tes ipsius essentielles seorsim massæ
sanguinis inesse, easque, ob solas
variorum, quibus acinosas jecoris
glandulas scatere statuunt, poro-
rum certas & determinatas figuras
certis prædictarum bilis partium
figuris respondentes, è sanguine cer-
tâ quâdam proportionem secerni præ-
di-

dicant Adversarii, exinque istas certâ illa proportionem secretas, novâ, quam in prædictorum pororum exitu, vel ductibus biliariis ab infuso quodam fermento subeunt, fermentatione novam, & specialem illam formam, in quâ consistit essentia bilis, acquirere profitentur.

Sic autem sese res habere supponamus? quis non videt impossibilem futuram in generationem icterici? Sic enim è sanguine secretæ essentiales illæ futuræ bilis particulae novam (bilis scilicet) formam induere non possunt, quin penes figuram, magnitudinem, situm, connexionem, & motum, mutationem aliquam variasque combinationes patiantur, attestantibus & vel ipsissimis opinionis hujusce fautoribus, quorum alii fermentum quoddam in glandulis hepaticis, aut cysti felleâ, alii verò prædictarum partium heterogeneitatis necessitatem edo-

edocent, cuius ope in sese invicem agere, seseque mutuò alterare valeant, usque dum in aliquod tertium (bilem scilicet) transierint.

Quâ autem ratione partes istæ prædictam mutationem perpessæ, seu novam bilis formam utrâ de causâ prædictis in partibus semel adeptæ, in sanguinem icterum parituræ regurgitare poterunt? quâ ratione iidem illi glandularum pori, qui, ob singularem, & determinatam tum sui, tum prædictarum partium figuram, liberum istis seorsim appulsis exitum è sanguine permiserunt, iisdem jam pluribus unitis, & in bilem concretis, novamque per consequens figuram & crassitiem adeptis, in suâ perpetuò constantes regressum in sanguinem concedent?

Undè quæ semel colatoriorum poros transgressæ, & ab iis elapsæ novâ susceptâ fermentatione partes

in

in bilem transferunt, per eosdem
 (utpotè sibi perpetuò similes) re-
 gredi nullatenùs posse manifestum
 est, nisi fortè pristinum ex offenso,
 qui in poro choledoco vel ductibus
 biliariis supponitur obice, statum
 & priorem ab invicem sejunctio-
 nem recuperent, atque adeò quos
 venientes pertransierunt poros, eos-
 dem regrediendo repetere aptæ
 reddantur, quo quidem in casu bi-
 lis non erit, quod in sanguinem
 regurgitabit; sed eædem prorsùs
 essentielles illiùs particulæ, quæ antè
 suam in cistim felleam, & ductus
 biliarios peregrinationem in sangui-
 ne (juxtà adversariorum placita)
 nondum bilis erant.

Ex quibus patet aut nullum un-
 quam icterum generatum iri, vel
 integrantes seu formales perfectæ
 bilis particulas sanguini inesse, sola-
 que sui in ipsius alveo retentione
 singulas corporis partes, in quas
 diffun-

Diffunditur, suo colore inficere; quæ cum ita sint, varia, quæ in corpore occurrunt colatoria, nihil prorsus ad humorum generationem facere, sed eorundem secretioni duntaxat inservire concludendum est; quod enim de bile jamjam demonstravi, idem intelligendum venit de reliquis humoribus, qui sua coagmentatione sanguinis massam efformant, è qua ad varios usus per aptata colatoria secernuntur.

Destructis jam binis, quorum gloriam usurpavit hucusque sibi sanguis propriè dictus, ostensoque chylum, & vel ipsamet etiam alimenta primâ, quam in ventriculo patiuntur, sui divisione, spirituosas quamplures particulas massæ sanguinis suppeditare posse, necnon adipem absolvendæ partium nutritioni sufficere, nulla sane subesse mihi videtur ratio, cur honorificum in massâ locum sibi diutius usurpet
 san-

sanguis ille propriè dictus, qui adul-
terinis, uti superiùs jam dixi, pri-
vatus usibus inutilis penitùs agnos-
cetur, quod non conceditur in re-
rum natura, in quâ quæcumque
existunt alicujus utilitatis sunt.

Quod si cui tamen præfatæ san-
guinis è massa exclusioni subscri-
bere quædam facit religio à rubro
istius colore hætenùs illi adscripto
oriunda, scrupulum hunc ex ipsius
animo evellere convenientissimum
est.

Quandoquidem igitur inter re-
centiores convenit, colores nihil
aliud in coloratis corporibus audire
præter certam quandam proprie-
tatem luminis radios certâ quadam
ratione modificandi, colorisque ru-
bri essentiam in certâ colorati cor-
poris superficie consistere cujus ra-
tione lucis radiis, quos reflectit,
majorem circularis motûs quàm
recti quantitatem impertiri apta est:

quid vetat quominus aggregati simulque confusi, quos massam sanguineam componere dixi, quosque ipsi formaliter inesse probavi, succi peculiarem seu (ut cum Recentioribus Physicis eam determinem) raram illam & interruptam superficiem nanciscantur, à quâ dependet singularis illa radiorum lucis modificatio, quæ colorem rubrum apta est producere.

Dilucidatâ scrupuli causâ, neminem in posterum fore confido, qui mecum fateri gravetur, massam sanguinis rubicundum liquorem esse, à succo nutritio (sub quo nomine chylum, & lympham complector) septem, quos humores appellavi, succis tribus, variisque excrementis conflatum, quorum quælibet diversa species, ab illo per congruens colatorium secreta, non novam diversamque ab illâ, quam in massa obtinebat, formam induit

99
duit, sed novum duntaxat nomen
acquirat, plurium ejusdem speciei
partium congregationi reservatum.

Evolutâ jam massæ sanguinis ori-
gine, explicitâque ipsius materiâ,
facillimè non nemo concipiet semi-
nales particulas, quæ integrantes
illius partes, dum cum ea confusæ
circulantur, audiunt, in destinatis
colatoriis ab illa secretas & in con-
finibus receptaculis congestas, hu-
morem illum componere, cui se-
minis nomen traditum fuit, quod
è masculino in foeminæ corpus in-
jectum, speciali indiget fermento,
à quo crassiores adhuc ipsius parti-
culæ dividantur, suâque divisione
aptæ evadant, quæ spongiosæ uteri
substantiæ poris exceptæ, exinque
per tubas fallopianas ad ovarium
appulsæ, humorem unius aut plu-
rium ex ovis in ipso contentis fer-
mentent.

Quod si fermentum illud singu-

lare, à quo masculinum semen in utero mulieris attenuatur, scrutari voluerimus, notandum est illud nihil aliud esse posse præter liquorem illum, quem in congressu nonnunquam dimittit foemina, quique muliebre semen audiendus est, vel humorem illum viscidum, qui in cavo matricis extremisque superioris vaginæ partis finibus per infinitas, quæ inibi observantur, glandulas fecernitur, aut tandem, si neuter horum fuerit, bonâ fide confitendum est semen masculinum in proprio suo sinu divisionis suæ principium devehere, quod à solo matricis calore suscitatum effectum, cujus causam perscrutamur, producit.

Prædictus autem liquor plurimis de causis fermentum illud esse nequit: & primò quidem quoniam quotiescumquè è glandulosis corporibus, quæ ipsi colatoria sunt, in
maris

maris cum foemina congressu egreditur, foras è foeminæ corpore prorumpit, & non solum maris penem, sed & sæpius utriusque coeuntis crura perfundit.

2^o. Quoniam lacunæ, quæ vasa sunt ipsius excretoria, ad extremos infimæ partis vaginæ fines eam diffundunt, & intus foras prospiciunt, ita ut humorem quem devehunt foras duntaxat propellere queant, quod sanè secus futurum esset, si in matricem ad aliquos usus humor ille debuisset ascendere.

Quocircà unicus illius usus esse mihi videtur, ut scilicet inter ex-eundum foeminas blandè titillando, quam in coitu percipiunt voluptatem ipsis conciliet, quod eò verius est, quod foeminæ nihil voluptatis in congressu percipere se fatentur, quoties à maribus prius deseruntur, quàm liquorem illum excreverint, easque ipsum exser-

nentes eadem invadat sensus animivè cum grato pruritu blandior commotio, quæ mares invadit, dum semen suum emittunt.

Nec quoque secundus humor, viscidus scilicet ille, qui per innumeras glandulas in utero, & superiori vaginæ parte fitas secernitur, desiderati fermenti nomen mereri mihi videtur, cum enim fermenti partes necessario tenuiores, subtilioresque fermentandi corporis partibus esse debeant, quis unquam crediderit, crassum adeò viscidumque humorem, qualem hunc esse convenit inter Medicos, alteri longè fluidiori, & subtiliori fermentum futurum iri? fatendum igitur superest, alium hujusce humoris usum non esse, nisi ut quas irrigat partes humectet, prohibeatque nè ità invicem adhæreant oppositi ipsarum parietes, ut se jungi faciliè nequeant, tum ad foetum in graviditate continen-

tinendum, tum ad exitum ipsi in partu concedendum, tum denique ad viam peni maris in coitu præbendam.

Unica ergò reliqua nobis pars est, ut scilicet credamus masculinum semen in proprio suo sinu divisionis suæ principium devehere, quod à solo matricis, aut superioris partis vaginæ calore, (qui non mediocriter à spiritibus tunc temporis hæc in partes uberius influentibus intenditur,) suscitatum opus suum absolvit.

Dixi prædictum fermentum ad sui suscitationem egere calore, tum uteri, tum superioris partis vaginæ, quò pateat ad generationem perpetuò non requiri, ut in uteri cavum semen maris penetret, verùm satis esse, ut ad superiorem vaginæ partem deveniat, modò illum fœmina fervet corporis situm, qui humoris hujusce effluxum prohibeat,

ejusque contra moram inibi conciliet, quò sufficienter fermentari, & in subtilissimas particulas dividi queat, adeoque spongiosæ uteri, qui continuus est substantiæ poros adingressa ad tubas exinque ad ovaria penetret, in quibus liquori in contentorum ovorum seu maturiori, seu propinquiori concluso fermentum sit.

Verùm quandoquidem subtilitatis feminis particulæ porosam Uteri substantiam tubas adusque percurrere nequeunt, quin plures in itinere arteriarum & venarum intercapedines offendant, aliter sanè fieri nequit quin earum permultæ cùm sanguine inibi confundantur illumque, pro majori vel minori, quâ ingreditur, copiâ magis aut minùs alterent & depravent; & hæc est, nī fallor, genuina tot variorum, quibus ut plurimum stipari solent graviditatis initia, symptomatum causa.

His

His præmissis, quid, & quale sit
internum illud fermentationis prin-
cipium, quod in gremio suo maris
semen devehit, determinandum
est.

Nè autem hac in re quid nos fal-
lat, quâ ratione maris semen è mas-
sâ sanguinis secernatur paulò accu-
ratiùs examinandum venit, quò in-
notescat an illud quod perscruta-
mur fermentum ab illâ unâ cùm ip-
so secernatur, an verò ipsi jam se-
creto aliundè superveniat?

Dixi superius massam sanguinis
omnium, è quibus componitur,
succorum partes integrantes forma-
liter continere. Videamus jam quâ
arte quælibet ipsarum species per
proprium colatorium è communi
massa secernatur.

Convenit nuper inter Medicos
secreciones omnes, quæ ex massâ
sanguinis fiunt, in solis glandulis
institui, sed multùm inter se dissen-

tiunt, ubi determinandum venit, quâ ratione suum istæ munus ob-
eant: alii enim secretionem omnem,
per simplicem, quæ inter humorum
secernendorum particulas, & se-
cretorios glandularum poros oc-
currit, proportionem, absolvi sen-
tiunt; alii verò nullum per ullam
glandulam succum absque fermenti
cujusdam operâ secerni putant;
nonnulli demùm (inter quos elu-
cet Clarissimus Vir D. Guillelmus
Cole) secretionum quædam priorî
ratione, quædam verò posteriori
fieri arbitrantur, prioresque merè
colatorias, posteriores autem præ-
cipitatorias appellant.

Ego verò, circumspectis rebus
omnibus, rationibusque singulorum
subductis, priorum sententiam am-
plector, donec qui posteriores duas
tuentur variorum, quæ supponunt,
fermentorum existentiam & origi-
nem abundè probaverint, clariuf-

que

que explicuerint postremi quâ, ratione fieri possit, ut unicum, quod supponunt fermentum, tot varios, quot è massa sanguinis per varia colatoria secernuntur, succos præcipitare aptum sit? cùm enim ex Chymicis constet, præcipationem aliud nihil esse, quàm partium dissoluti cujusdam corporis à partibus corporis dissolventis separationem, nemo non concipit, tertium quoddam requiri corpus ad confusorum separationem procurandam, nulla enim subest ratio, cur si nihil iis accedat novi, novum ullum statum affectent.

Quod si verò novum istud corpus ejusdem naturæ sit cùm alterutro illorum quæ separanda sunt, nullam unquam procurabit illorum ab invicem sejunctionem; nam si dissolventi respondeat, idem quod illud geret, juxta pervulgatum illud axioma, idem manens idem semper

facit idem, atque adeò cùm utroque, nullâ ipsis inductâ mutatione, confundetur (modò nihil dissoluti corporis supersit dissolvendum) quod si verò dissoluto corpori simile sit, statim recens affusum corpus solum præcipitabitur, confusaque duo corpora illæsa trajiciet, modò tamen dissoivens eam dissolvendam habuerit corporis dissoluti copiam quam dissolvere poterat; secus enim ab etiosis dissolventis reliquiis dissolveretur recens affusum corpus nec ulla subsequeretur præcipitatio; quocircà necessum est ut tertiura corpus, quod præcipitans appellatur, & dissolventi & dissoluto corpori heterogeneum sit.

Quæ cùm ita sint, quis non viderem esse prorsus impossibilem unicu corpus (quod spiritus animales esse supponit prælaudatus *Dom. Guill. Cole*) varios omnes succos qui per diversa colatoria è massa sanguinis,

guinis, juxta illum, præcipitantur, præcipitare posse; nam præterquam quòd Vir ille Clarissimus prædictos spiritus animales omnium humorum commune dissolvens esse proficetur, undè eisdem illos quos dissolverint præcipitare inepti censendi sunt, ut ex suprà dictis patet; quâ de causâ spiritus illi ejuldem ubivis partium naturæ humorum variorum dissolventia cogent ad bilem in jecoris glandulas præcipitandam, succum pancreaticum in pancreaticas, salivam in salivales &c, sic de cæteris, nûr, ut ipsemet fateatur, mediante illâ, quæ interfecerendas humorum particulas, & secretorios glandularum poros supponitur, proportionem, quæ cum in quacunque hypothesi necessario supponenda sit, ad quid insuper fermenta supponere quorum peræquæ obscura sunt genesis & agendi ratio, quæque penitus inutilia videbuntur

iis omnibus qui meæ circà humorum secretionem hypotheseos simplicitatem perpendere dignabuntur.

Statui superius massam sanguinis è succo nutritio, septem succis uilibus, quos humores nuncupavi, variisque succis excrementitiis, quorum utrique variis in locis ab illa secerni percipiuntur, conflari. Quibus non arridetit statutus à me septenarius humorum numerus, alium pro libitu ponant, per me licet.

Universæ cunctorum, quos dixi, succorum particulæ, seroso cuidam liquori innatant, quem in illorum numerum non adscripsi, quippè quorum omnium commune vehiculum est, quo si destituerentur, liquores non essent & à quo liquiditatem suam potissimum mutantur.

His positis, concipiendum est humoris cujuslibet particulas singula-

rem sibi, diversamque ab illâ, quam
 sociorum particulæ fortiuntur, fi-
 guram obtinere; non ideo tamen
 putandum mihi videtur, illas inter
 se mole sicut & figurâ differre, & à
 minimis reliquas per gradus in-
 crescere, nam si sic se res haberet,
 concipere mihi non datur, quâ ra-
 tione secretionum opus absolvi pos-
 set, quoniam nihi prorsus obstaret
 quominus ex septem, quos statui
 humoribus, sex subtiliores, aut si
 non sex penitus, aliquot saltem,
 septimi, qui crassissimas omnium
 particulas haberet, colatorium ut
 potè reliquis multò latius subirent
 & trajicerent, quod quidem inau-
 ditam pareret confusionem.

Longè ergò verisimilius mihi vi-
 detur, spiritus animales, septem qui
 massam constituunt, humorum suc-
 corumque omnium excrementitio-
 rum tenuissimum & subtilissimum
 succum esse, cæterosque utut penes
 figu-

figuram ab invicem differant, nullatenus tamen aut saltem perparum penès molem inter se discrepare, quò fit ut humoris cujuslibet particulæ colatorium suum appulsi poros illius, figuræ suæ congruos, facillimè subeant, dum socii rum particulæ, quæ ob molis æqualitatem & figurarum suarum ineptitudinem eisdem ingredi recusant, ire pergunt, donec suos, quos pariter illius particulæ metiri nequeunt, repererint.

Hoc posito, nemo primo intuitu non videt unam cum succi cujusque particulis plures & quoque præsummâ, quâ reliquos superant, tenuitate transíturas esse per universa indifferenter colatoria spirituosas particulas; & hæc mihi videtur esse ratio cur magnam quamlibet evacuationem penè semper animi deliquium aut magna saltem debilitas subsequatur.

Spiri-

Spiritus animales unicū non sunt qui succi cujuslibet particulas in excretionē comitantur, secundus iis accedit comes, serum videlicet succorum omnium commune quod dixi vehiculum, quod per quolibet indiscriminatum colatorium pro ratione quantitatis succi qui fecernitur unā cū eo percolatur, quod quidem secus fieri nequit, quippè quod longè tenuioribus minusque compositis (ut potè quæ partes aquæ sunt) particulis constans quàm succi omnes, non exceptis spiritibus, quorum fluiditatem tuetur, eorum per consequens omnium colatoria & vel ipsis facilius penetrare debet.

Et hæc est ratio, nī fallor, cur ab assumpto evacuante quolibet remedio, quò plus excernitur eò major urget sitis, quippè maximā serī copiā cū succo excrementitio in glandulas excretorias amandatā,
 suffi-

sufficiens massæ non superest, à quo reliqui ipsius succi probè diluantur, undè fit ut saliva viscida admodum & in plerisque salsa vel acris ob salium, quibus scatet, intimiorem præ seri defectu unionem evadat, atque faucibus asperitatem & siccitatem fitimque per consequens inferre aptissima fiat.

Explicitâ sic humorum secretionē, difficile multum non erit, internum illud dignoscere divisionis principium, quod in sinu suo devehit semen masculinum, à quo dividitur in subtilissimas particulas in fermentum humoris in ovo muliebri contenti transituras; nam ex quo novimus magnam spirituum copiam unâ cum seminalibus particulis secerni, quâs spiritus feminis comites pro interiori fermentationis istius principio agnoscere cunctabitur.

Quod eò probabilius est, quod lon-

longè promptius à rariori, quàm à frequentiori cùm unico & eodẽ mare coitu fœmina concipit, quoniam maris semen in receptaculis suis diutiùs retentum, ab advenientibus perpetuè spiritibus fatis superque fermentatum & divisum, tantam non requirit in utero aut supremâ vaginæ parte moram, sed alterutrius sæpeque utriusque poros citius faciliusque subintrat, promptiusque ad ovaria penetrat, maturius ovum in ipsis vivificaturum, quod secus accidere debet, ubi recens secretum semen in vaginam immittitur, quoniam in receptaculis suis nullatenus immoratum, nihilque prorsus in illis fermentatum, longiorem in utero aut vagina moram desiderat, quod debitè fermentetur sufficienterque dividatur, undè ad minimum fœminæ motum, priùs potest effluere quàm requisitum divisionis gradum affectum sit.

Perparum rationis est credere cum permultis mares vim suam femini debere; nam si hoc ita esset, præ aliis valerent viribus castrati, utpotè qui totum suum semen, quod in ipsis perindè ac in viris ex chyli divisione producitur, defectu colatoriorum in sua sanguinis massâ conservant, usque dum iteratis, in reliquas massæ particulas quibuscum circulari cogitur, illisibus, aut cum spiritibus, quos interviam offendunt, fermentationibus illud subtilitatis punctum assequatur cuius ratione per aliquos è poris excretoriis è corpore eliminari aptum evaserit.

Verisimilius igitur mihi videtur majus virorum præ foëminarum corporis robur ab hoc pendere quòd à pueris duritiæ & labori studeant viri & assuefiant, secus foëminæ, & hinc est quod præ magnatibus rustici viribus præstent
&

& fœminæ quamplures laboriosis operibus à parvulis affuefactæ viros permultos mollius educatos & laboris insolentes viribus superent.

Vetus labori consuetudo maioris deindè roboris evadit causa, quoniam labor uberiores spirituum in musculos influxum exigit, undè sicut nervi musculis prospicientes delegatis in istos, pro variis motibus ineundis, spiritibus patens iter à teneris præbentes patentiores in perpetuum restent, atque adeò majori spirituum quantitati admitrendæ aptiores.

Minus autem Eunuchorum quàm Virorum robur aliundè non pendet quàm ex eo quod retentum in illis semen spirituosas quamplures particulas implicat aut in fermentescendo occupat, atque adeò à debitâ per corticales cerebri glandulas transcolatione prohibet, undè musculi absolvendis corporis motibus

bus destinati sufficienti spirituum penu defraudati, varios obire seu continuare nequeunt motus, in quorum exercitio & duratione vis animalis consistit.

Eademque ex causâ concessa est, juxtâ Hippocratem, Eunuchis & pueris antè Veneris usum arthritidis immunitas, quoniam remoratum in ipsis semen, salium à quibus isthæc dependet, aculeos involvit.

Ex quo destinata semini continendo receptacula, summam ad gulam illo suffertæ sunt, advenientes de novo, per arterias spermaticas, illius particulas circulationis iter per respondentes venas sequi pergere facilis concipio, quoniam repletis summas ad fauces receptaculis, per ingurgitados glandularum seminalium poros transire nequeunt: sed non nisi difficilis crediderim, semen è sanguinis massâ semel secretum & in vatibus seminariis

naris fermentatum attenuatum & exaltatum ex istis in illam regredi, sicut placet quibusdam, ad hoc enim supponendi forent in prædictorum vasorum extremis pori cum venis communicantes, semenque dumtaxat exaltatum admittentes, istorum autem existentiam penitus destruit naturalis & involuntaria seminis in prædictis vasibus aliquamdiù immorati & fermentati polluens dormientes excretio, quæ quidem nunquam contingeret, si facilis & brevior ex istis in venas daretur via.

Ex suprâ dictis patet, debilitatem mulierum qui quotidianis coitibus enerves fiunt, non, excreto inter frequentius coeundum semini, sed unice spirituum, qui una cum illo copiosi excernuntur, jacturæ referendam esse.

Explicitâ jam feminis genesi, ipsiusque è sanguinis massâ secretio-
nis

nis ratione, designatoque interno illo principio à quo eam obtinet partium suarum exaltationem, cuius ratione spongiosam uteri substantiam penetrare aptum evadit: ostenso insuper illud unum humori ovi in ovario contenti eam inducere posse fermentationem à quâ dependet animalis vita, examinandum proximè venit quâ ratione inchoetur in ovo prædictus fermentationis motus? & qui inchoatus vasisbus ipsum continentibus communicetur?

Eadem illa feminis divisio à quâ partes ipsius uteri poros subire aptæ redduntur, iisdem partibus simul & semel eam subtilitatem & figuram conciliat quarum ratione liquoris in ovorum maturiori contenti poros & quoque penetrare valeat.

Humorem in vasisbus ovi contentum chylum rarefactum seu, quod
idem

idem est juxtà me, lympham esse ad primum fermentationis, quem subibit, motum in liquorem illum qui sanguis dicitur transire aptissimam, sentiendum est.

Subtiliores seminis partes patentius ovarium appulsæ, maturioris aut fortè, si malueris, propinquioris ovi placentam (quæ exterior ipsius membrana est spongiosæ, peræque ac uterus, quem jamjam percurre-runt, substantiæ) facile penetrant, inibique dispersa vasa umbilicalia nec non intermedias inter orificia utriusque illorum speciei interca-pedines, plena offendentes prædi-cto humore, cui fermentum à su-premo rerum omnium Conditore statutæ sunt, munere suo fungi in-choant illam humoris hujusce por-tionem fermentando, quæ prædicta utriusque vasorum generis interme-dia replet & occupat; dùm quæ pe-nè sequuntur adventantque de no-

vo sociæ seminis ejusdem particulæ
sensim & sine sensu facilius ineunt
iter quod vena umbilicalis est utpotè
mollioris flexiliorisque præ arteriis
umbilicalibus substantiæ (exinque
venam portam, cavam, mediante-
que ovali foramine pulmonalem
istisque respondentes cordis ventri-
culos subeunt in quorum omnium
vasorum ductu contentum liquo-
rem rarefaciunt.

Rarefieri autem non potest quin
turgeat, nec turgere quin majus
occupet spatium, quàm quod prius
occupabat, neque tandem majus
occupare spatium quin ambientia
quæcumque corpora repellat.

Cùm autem ad latera continen-
tium vasorum tunicas, à fronte sui
ipiusmet portionem aortæ & pul-
monalis arteriarum principia adim-
plentem, & à tergo alteram pari-
ter sui portionem arterias umbilica-
les occupantem habeat, vasorum
præ-

prædictorum (venarum scilicet & cordis ventriculorum) tunicas & utramque (præeuntem nempe & sequentem) humoris ejusdem portionem necessario repulsum & ultrà situm naturalem deductum iri nemo non videt.

Venæ (utpote vasa mollia nulloque elatere) saltem sensibilibus , prædita (quousque dilatari possunt à turgescente & rarefacto in suis cavitatibus humore inultè dilatantur ; dum interim ventriculi cordis eâ naturaliter præditi virtute , quâ corpora elastica quasi ex semetipsis & absque ullius (sensibilis saltem) corporis ope deperditam figuram recuperant , ab eodem rarefacto humore pariter dilatati vim vi repellunt , & certum quemdam in extensionis suæ terminum (ultrà quem protrahi nequeunt) semel assecuti , protinus coactam figuram dimittentes , ad pristinam , quæ naturalis est , rever-

tuntur, revertendoque easdem ipsas vicissim repellunt humoris partes à quibus jamjam repulsi fuerant.

Dilatari verò non possunt cordis ventriculi, quin aliqua dilatantis humoris portio sub tricuspides & mitrales ipsorum membranas subrepat easque, abbreviato nimirum tunc temporis corde, relaxatas summâ vi attollat & repellat in illorum ostia quæ penitus occludunt. Istæ autem attolli & repelli cùm impetu nequeunt quin aliquam humoris, qui medium ipsarum occupat portionem in venas, quarum tunicæ adhuc delicatiores sunt, tantâ vi repellat, ut iteratis ictibus è directo opposita istarum latera in duas appendices, quæ auriculæ dictæ sunt, cedere cogantur.

Dùm contrahuntur seu ad naturalem figuram revertuntur cordis ventriculi, tendinosæ ipsorum membrana-

branarum fibræ, quæ omnes mucronein versùs annectuntur, mucronis à basi recessum sequi coguntur, undè fit ut prædictas membranas, quarum vincula sunt, secùm retrahendo deprimant, ipsissimæque in parietes è quibus prodeunt validissimè illidantur.

Istæ membranarum fibræ satis aptè referunt chordas illius instrumenti quo ad carpendam tenuiorem lanam, quæ pectine carminari nequit, utuntur clitellarii, culcitarii, lanarii que quicumque opifices, quod gallicè vocatur. *Un Batoir*.

Idem prorsùs fibræ cordis erga sanguinem, quod istæ erga lanam, præstare mihi videntur, & quemadmodùm istæ, dum ab artifice attrahuntur, lanam, quæ inter ipsas & tabulatum cui ex unâ sui parte fixæ adhærent occurrit, mirum in modum carpunt, haud dispari prorsùs ratione fibræ membranarum cor-

dis à mucrone, versùs quem ex una
 sui parte annectuntur, fortiter dùm
 à basi recedit attractæ liquorem in-
 ter eas & ventriculorum parietes
 occurrentem carpunt & dividunt in
 varias particularum species quæ va-
 rios componunt succos qui miscellâ
 suâ primam sanguinis guttam, quæ
 in animali observatur, constituent;
 quod eâdem ratione per totam ipsius
 vitam continuatum, omnem, qui ip-
 sius adusque mortem efformatur,
 sanguinem producit.

Contrahi autem, seu in natura-
 lem statum reverti nequeunt ven-
 triculi, quin contentum novum
 istum liquorem ex dissolutione
 prioris efformatum premant co-
 gantque aut in arterias progredi,
 aut in venas retrocedere; à regressu
 verò, tùm per valvulas quibus per
 modica intervalla intruuntur ve-
 næ, tùm per ponè sequentes & ur-
 gentes humoris turgescientis partes,
 pro-

prohibitus; arterias versùs per canalem illum, qui secundùm ventriculorum latera necessariò captatur, ut inferiùs ostendam, nonnihil procedit.

Ex quo verò in naturalem suum statum reversi sunt ventriculi eorumque per consequens elater remittit, sit tunc contentus in ipsis liquor a priori compressione liber spirituosas sui particulas sui iuris factas, valdeque, uti notum est, elasticas primum expandit, primaque illà ipsarum expansione secundam dilatationem priori (utpotè quæ à solâ humoris turgescentiâ pependerit) longè fortiolem ventriculis infert, qui ad dilatationis suæ terminum iterum deducti, sese de novo elasticâ suâ vi restitunt, restituendoque secundam humori contento primamque recens natis spiritibus pressionem inducunt, quod pari passu per

integram animalis vitam successive procedit.

Prior illa liquoris portio, quæ versùs arterias moveri nonnihil inchoat, motum hunc nullatenùs exequi potest, quin anteriorem, cujus locum occupare debet, depellat; istaque pariter è loco suo depelli nequit quin præeuntem dimoveat, & sic de cæteris. Illa autem partium illarum depulsio, quæ ab istis ad hanc usque liquoris portionem, quæ derelictum à priori depulsâ locum occupatura est, uno eodemque temporis momento continuatur, motus circulationis nuncupatur.

Dux humoris guttæ quæ aortæ & pulmonalis arteriæ principia occupant, quæque ab illis duabus, quæ è binis cordis ventriculis primæ exeunt, propelluntur, & locum suum illis cedere coguntur nullam, ductum ipsarum percurrento, tunicis earundem vim inferunt, quoniam
 spiri-

spirituosis seminis masculini particulis (quæ ad eas usque non pervenerunt) nondum imbutæ alium, quàm simplicem liquidi motum (quem vasa dilatandi incapacem superiùs ostendi) & progressivum (à quo simpliciter ultrà procedere coguntur) non habent, elasticum seu fermentativum, à quo è centro ad circumferentiam aguntur, nondum adeptæ, ita ut per cavum artèriarum progredientes nullatenus illud dilatent, sed exactè duntaxat repleant præeuntem liquoris portionem simpliciter protrudendo quæ pariter anteriorem propellit, & sic de cæteris, uti dixi.

Priores duæ sanguinis guttæ quæ ab elatere cordis sese contrahentis in prædictas artèrias propelluntur, Necet à spirituosis seminis particulis sufficienter penetratæ motu fermentationis gaudeant, nullam tamen idcirco vim in ingressu suo (quid

quid contrà sentiant Medici penè omnes) tunicis illarum inferunt, quoniam ex ipso, quo illas ineunt, temporis momento patiuntur adhuc illatam ab elatere cordis pressionem à quâ in pristinam & naturalem sui molem redactæ nativum arteriarum cavum simpliciter adimplent liquorisque præeuntem portionem propellunt, sed vix ingressæ nec eundem, quem jamjam offerebat elater contracti cordis, expansioni spirituum suorum obicem offendentes, novam moliuntur quâ illam, quam priori momento simpliciter replebant, arteriarum regionem summâ vi dilatant, unde primus ipsarum pulsus exoritur.

Arteriarum tunicæ, eâdem, quâ dixi cordis parietes, elasticâ vi donatæ, punctumque dilatationis suæ semel assecutæ in pristinum revertuntur statum, revertendoque pri-
mas

mas sanguinis guttas, à quibus jam-jam dilatatae fuerunt, vicissim repellunt coguntque nonnihil progredi, quoniam à regressu prohibentur per ponèsequentes sanguinis particulas quæ eodem illo momento novâ cordis contractione propulsæ præeuntes pariter à tergo propellunt.

Minimeque rationis est credere cum permultis Recentioribus arterias, utpotè quarum canalis à principio ad finem usque contrahitur à solâ sanguinis adventantis impulsione dilatatas iri, eâdem illa ratione quâ liquores omnes qui ex ampliori alveo transeunt in angustum eò majorem motus celeritatem adipiscuntur quo angustior evadit, quem percurrunt, alveus. Miror enim valdè neminem adhuc, quem sciam, observasse, licet arteriæ meatus ex amplitudine in angustum contrahatur, & venalis contrà ex angusto in

amplius spatium conformetur, u-
 triusque tamen (arteriæ scilicet &
 venæ) meatum contento sanguini
 justâ proportionè ubique ductus sui
 perpetuò respondere, quippè quæ-
 libet arteria ingentem arteriolarum
 copiam ex omni sui parte progi-
 gnens ipsis sanguinem pro mea-
 tum ratione meretur & impertit;
 ita & pariter quæcumque vena
 quamplures alias minores admit-
 tens sanguinem quem istæ deve-
 hunt (quique ipsis pro ratione mea-
 tus inest) simul & semel recipit, un-
 de facillimè cuivis patebit meatum
 arteriæ duntaxat contrahi pro ra-
 tione quantitatis sanguinis quam fi-
 liis suis arteriolis impertit, venam-
 que solùm ampliari pro ratione
 quantitatis sanguinis quam à venu-
 lis sui parentibus suscipit, atque aded
 meatum cujuscumque regionis tum
 arteriæ tum venæ quantitati liquo-
 ris in eâdem illâ ipsarum regione
 con-

contenti iustâ proportionē perpetuò respondere.

Undè videre est quod, dùm datur pro axioma seu pro motus regulâ, liquorem omnem ex ampliori alveo in angustum transeuntem eò majorem motus celeritatem adipisci quò angustior evadit alveus, supponendum est liquoris ex ampliori in angustum alveum transeuntis quantitatem eandem esse in angustiori quàm in ampliori alvei regione, quod cùm de liquore arterias percurrente dici nequeat, ipsi prædictum axioma non potest applicari, undè prædicta adversariorum opinio penitus corrui.

Ejusdem prætereà destructioni non parùm favet eadem prorsus aneurismatis, quæ reliqui ductus arteriæ pulsatio, quippe si ab arteriæ ex ampliori in angustum tendentis conformatione dependeret illius ab ingrediente sanguine dilatatio, & quæ

quæ uno eodemque temporis instanti contingit, ejusdem pulsatio, certè cessatura foret in aneurisma-
te, utpotè reliquo ductu arteriæ laxiori & ex angusto in amplum desinente, quod, cum secus accidat, manifestè evincit prædictæ arteriarum conformationi referendam non esse pulsationem earundem, sed partim spirituosæ sanguinis particulis sui juris factis & avolare perpetuò nitentibus, partim verò arteriarum elateri adscribendam venire. Prima enim arteriarum pulsatio à spirituum sanguinis libertate, & expansione dependet, sequentes verò secundam sui causam agnoscunt, arteriarum scilicet elaterem, quippè quo si destituerentur, sicut venæ dilatarentur quousque dilatari possent, suumque semel adeptæ dilatationis punctum, perpetuò (saltem ad sensum) retinerent, atque adeò nulla subsequeretur ulterior ipsarum

ipsarum pulsatio, quæ, si repetatur, unicè dependet ab eo quod arteriæ primum dilatatæ vi suâ elastica in pristinum statum revertuntur, quod quidem præstare nequeunt quin in angustius spatium spirituosas, (quæ, communi Medicorum consensu, pariter elasticæ sunt). sanguinis particulas cogant, quò fit ut statim atque remittit arteriarum elastica vis, iterum expandantur istæ, suaque expansione secundam arteriis dilationem inferant quæ secundam earum pulsationem producit; & sic de sequentibus.

Objiciet dubiò procul aliquis quod, si partim à spirituosis sanguinis particulis sui juris factis & avolare nitentibus partimque ab arteriarum elasticâ vi dependeret, uti suppono, istarum pulsatio, pariter ultra ac citrà injectam arteriis ligaturam pulsaturæ forent, quod cum secùs accidat, maximum præbet à me

me dissentiendi argumentum.

Respondebo, licet arteriæ pulsatio cessare videatur ultrà injectam ligaturam, non ideò tamen concludendum esse eam penitùs supprimi, sed duntaxat ità imminui & debilitari, ut sensus movere nequeat. Cum enim quæ primùm se prodit in arteriis elastica vis à certo quodam humore poros ipsarum à primâ conformatione imbuate solùm dependeat, istaque post sanguinis, & spirituum generationem ab istorum in prædictos poros influxu, & fermentatione non solùm conservetur, sed plurimùm augeatur, ex quo desinet istorum alterutrius in earum tunicas solitus influxus, ipsarum elater ad primam sui causam quasi redactus adeò debilis futurus est, ut nullam movere possit sensum. Injecta autem arteriæ ligatura prædicto influxui plurimùm officit, quippè, si ex descendens fuerit arte-

arteria, prohibet injecta ligatura, tùm spirituum à cerebro, tùm sanguinis è corde in tunicarum illius regionem, quæ transligaturam extenditur, transitum: si verò ex ascendendum numero sit, liber equidem restat spirituum è cerebro descensus, sanguinis autem transitus à corde præpeditur, quòd quidem sufficit ad imminendum adeò elatorem arteriæ ut ipsius pulsatio sensibus dispareat ultrà ligaturam; exin tamen non concludendum est illam penitus supprimi, sicut vulgò dicitur.

Dico non supprimi penitus arteriæ pulsationem ab injectâ ligaturâ, licet sensibus dispareat; secùs enim nunquàm explicari posset quâ ratione sanguis in demortuis totus ab arteriis in venas transeat, qui quidem ipsius ex illis in istas transitus explicari nequit quam per exiguum paucorum qui sanguini statim post
obi-

obitum restant spirituum vim elasticam à quâ leviuscule & insensibiliter dilatantur arteriæ quæ spirituum & sanguinis expirantes reliquias pro elateris sui causa habentes, levissimam duntaxat sanguini quem continent, compressionem inferunt, unde lento quantumvis gradu ab illis in venas transire cogitur.

Haud dispari prorsus ratione pulsare non videtur ultra ligaturam injectam arteria licet re verâ tantillum pulset, ab illo et in arteriæ loco in quo constringitur arteria sanguis per continuatum illius ductum ire pergit; pergere autem non potest ex semet ipso, ergo aut à corde aut ab arteria propelli debet, non à corde (utpotè cui per injectam ligaturam omne commercium cum sanguine interdicitur) ergo ab arteriâ quæ sanguinem aliter quàm sui contractione propellere non potest; contractionem autem pati

ac-

quæ (utpotè quæ simplex restitutionis motus est) quin præierit dilatatio quæ pulsationem causat; concludendum igitur arteriæ superesse pulsationem quæ insensilis est ob imminutum elaterem arteriæ propter rationes superius allatas.

Sed jam ad id; undè digressi sumus, revertamur. Quæ liquoris portio continetur in arteriis umbilicalibus ovi, per illum circulationis motum, quem in ipso necessario fieri demonstravi, ab illis egredi coacta in respondentem ipsis venam umbilicalem transitura medias, quæ inter diversa hæc vasa occurrunt, intercapedines (quæ placenta substantia sunt) trajiciens inibi spirituosæ seminis masculini particulis (in spongiosa illius substantiâ, tanquàm in receptaculo, coacervatis) imbuatur, quod idem pariter liquori omni isthac transeunti contingit, donec penitus absumptæ sint

præ-

prædictæ omnes feminis particularæ.

Quæ verò liquoris ejusdem portio diversum sequitur iter, & per alias partes circulatur, prædictarum feminis particularum suam partem capit in venâ cavâ in quâ permisce-tur cùm eâ liquoris ejusdem portio-ne quæ per venam umbilicalem illis tota turgida in venam portam & ex portâ in illam exoneratur; atque adeò nulla liquoris in ovo contenti pars est quæ temporis tractu semina-lium particularum particeps non fiat, ab iis non fermentetur & vi-tam non suscipiat, quo facto placenta foetus agglutinatur utero matris in quem ab ovario descen-dit, tuncque sanguis in prædictam placentæ substantiam per arterias umbilicales delatus transit in per-multas matris venas quæ ab utero in substantiam istam propagantur, & in illius loco (nè de furto matris con-

conquerendi locum habeat foetus) plures ab utero per eandem placentæ substantiam arteriæ producuntur, è quibus sanguis maternus umbilicalem foetus venam ingreditur, undè transit in cor istius è quo in universas corporis ipsius partes distribuitur; ita ut à primo mirabilis istius commercii momento ad partum usque unica & eadem sit sanguinis matris & foetus circulatio.

Nova hæc mea primum cordis motum explicandi ratio longè simplicior, legibusque naturæ convenientior mihi videtur, quàm quæ supponit cor aliorum muscutorum ritu moveri & à contractione suos ordiri motus; dilatationemque secundum seu restitutionis ejusdem motum esse. Nam, ut hoc ita fieret, necessum foret ut sanguis & spiritus animales, in fibris carneis substantiam cordis constituentibus fermenten-

mentefcentes invicem, illas ita inflarent ut exin cordis parenchyma, sicuti loquuntur, crassescens abbreviaretur, ut aliis musculis, dum moventur, contingit; verum undè in prædictas fibras veniret tunc temporis sanguis, si nulla adhuc præcessit cordis contractio à quâ in arterias coronarias (quæ unicæ, communi omnium consensu, sanguinem cordis substantiæ suppeditant) impulsus fuerit? undè spiritus si nullus adhuc circulationis motus à quo spirituosæ sanguinis particule in corticales cerebri glandulas fecerendæ delatæ fuerint? quouique ergo chymica illa sanguinis & spirituum scaturigo clariùs innotescat, in nostrâ stare sententiâ liceat.

Ostenso in præcedentibus cor in diastole suâ inflatum, rotundatum atque adeò abbreviatum iri, illudque contra in sistole detumescere & in longum explicari seu pristinam
sui

sui figuram recuperare, Diastolem primum seu violentum, sistolem vero secundum seu simplicem restitutionis ipsius motum esse. Explicito simplicissimè, quantum fieri potest, quâ vi & quâ ratione prædictus uterque motus absolvatur? arterias eodem prorsus modo eademque causâ, quibus cor movetur, moveri; neminem in posterum fore confido qui mecum agnoscere gratetur cordis ventriculos & arterias uno eodemque temporis instanti à spiritibus sanguinis sese utrobique uno eodemque momento expandentibus & avolare nitentibus dilatarî, sequentique temporis puncto cor & arterias elasticâ suâ vi sese simul & semel restituere naturalem sui figuram & meatum revocare, eumque pati motum quem Physicis sistolem appellare placuit.

Quam quidem motuum cordis & arteriarum coincidentiam ipsimet
fa-

tentur adversarii, dùm arterias dilatari docent quo temporis momento cor eum rotundationis & abbreviationis statum patitur, quem contractionem illius vocant, quemque contrà ampliacionem seu dilatationem ejusdem esse demonstravi.

Cordis autem auriculas quod spectat, quandoquidem earum dilatatio à resilitione sanguinis à valvulis cordis, dùm sese tumultuosè & cùm impetu in illas erigunt, fortiter impulsæ dependet, ut superius ostendi, momento temporis tardior esse debet dilatatione ventriculorum cordis: cumque illarum contractio seu motus restitutionis in ventriculos repellere debeat eam sanguinis portionem quæ locum illius quæ è cordis ventriculis in arterias protruditur, occupatura est, uno pariter temporis puncto contractionem istorum debet præcurrere & hæc perexigua quæ inter motuum

tuum istorum tempora constanter occurrit differentia Medicos decepisse mihi videtur, dum iis locum dedit sentiendi prædictos cordis & arteriarum motus penitus opponi, seu dilatari ventriculos cordis per totum illud tempus per quod contrahebantur auriculæ, istasque vicissim toto illo tempore dilatari quo contrahebantur ventriculi.

His prælibatis, hic locus esse mihi videtur quasdam, circa internarum quarundam cordis partium usum, modumque quo continuatur in animali sanguinis circulatio, novas maximi momenti conjecturas interendi & examinandi.

Quatuor in medio utriusque ventriculi cordis columnas carneas eminere dixi superius, quarum duæ ex aliarum adverso sitæ sunt. Quæ cum ita sint non possunt ad septum Medium accedere oppositi utriusque ventriculi parietes, dum cor

elongatur & contrahitur quin sibi invicem applicentur oppositæ columnæ, quæ cùm non mediocriter emineant mutuâ sui applicatione prohibent, nè intimè sese contingant reliquæ prædictorum parietum partes, ita ut secundùm interna utriusque ventriculi latera necessariò captandus sit canalis circum prædictas sibi applicitas columnas quæ isthmum inibi quasi efformant circa quem circulatur sanguis in duos quasi ramos ab illis divisus, ita ut qui dextram dextri ventriculi partem occupat sinistram illius successivè & circulariter percurrat, & qui sinistram sinistri regionem replet ad dextram illius non nisi successivè pariter & quasi per circum-lum deveniat.

Non enim sentiendum est cùm permultis cor in sua contractione secundùm omnes sui partes ita constringi ut totum quem continet sanguis-

guinem è cavitatibus suis exprimat, prædictarum enim columnarum eminentia constrictioni tam exactæ obex est insuperabilis.!

Sed contrà credendum est, cor, priusquàm ullo gaudeat motu, duas in statu naturali cavitates habere plenas, ut dixi, liquore quodam in sanguinem transire, aptissimo. Cùm autem ipsius contractio, dilatationem subsequens, simplex restitutionis ipsius motus sit, nihil novi patitur in contractione, sed in naturalem à quo per vim dilatationis distractum fuit statum simpliciter revertitur, atque adeò duas easdem, quibus, antequàm moveretur, gaudebat, quæque liquore replebantur priusquàm dilatarentur, cavitates recuperat, quæ per totam animalis vitam nunquàm vacuæ sunt, cùm autem seu antequàm moveretur cor, seu dùm in si tole sua restituitur in naturalem sta u n concii-

dant in sese prædictæ columnæ carneæ quæ medium utriusque ventriculi replent, prædictæ ventriculorum cavitates alibi reperiri nequeunt quàm secundùm interna ipsorum latera circa prædictum quem mutuâ sui applicatione columnæ in utrolibet isthmum efformant.

Quemadmodum enim dùm contrahuntur a teriâ, opposita tunicarum ipsarum latera ad sese invicem ita non accedunt ut ideò cavitates ipsarum penitus dispareant, sed duntaxat satis appropinquant ut contentum liquorem nonnihil premant & è cavitatibus suis aliquantam portionem illius qui in extremis occurrit protrudant, reliquum verò in reliquo sui ductu contentum, tantisper progredi solum cogant, idem & quoque cordi in contractione suâ contingere sentiendum est.

Quod ut clariùs pateat & nè
duos

duos motus contrarios in uno eodemque vase statuere videar, sciendum est quemlibet cordis ventriculum tanquam vas incurvatum spectandum esse, cui depressa, quæ in utriusque medio sita est, valvula unâ cum inosculantibus sese prædictis columnis medii inter utrumque utriusque ventriculi latus parietis vices gerit, vetatque nè per alterutrum latus ingrediens liquor egredientem per alterum impediatur.

Non enim arbitrandum est (licet totus ordo Medicorum ita sentiat) cor dum ab uno sui extremo seu ostio sanguinem à venis & auriculis suscipit, ab altero occludi nihilque in arterias transmittere, & vice versâ dum ab unâ sui parte arterias adimplet ab alterâ claudi nihilque ab auriculis & venis recipere, quippè quod si ita foret in-

terrumperetur necessario sanguinis circulatio.

Nam si quo tempore cor in arterias sanguinem protrudit nihil à venis & auriculis recipit penitus vacuatur, si vacuatur circulantis sanguinis filum totâ longitudine circuitus ventriculorum abruptitur; si pariter in arterias nihil è corde transeat dùm in venas sese exonerant, denuò sanguinis filum interrumpitur totâ illâ arteriarum longitudine quam occupabat ea sanguinis quantitas quæ in qualibet illarum contractione transmittitur in venas, si venis arteriæ nihil concedunt dùm illæ sanguinem suum in ventriculos cordis diffundunt, sanguinis & quoque filum iterum abruptitur tota venarum longitudine quam replebat sanguis in ventriculos propulsus, atq; ad eò tota abrupto filo sanguinis impossibilis foret ipsius circulatio.

Contra igitur sentiendum mihi videtur

detur , quo tempore sanguinem ab uno sui extremo protrudunt cor, arteriæ, & venæ , eodem hoc ipso partem ab altero quantitatem ipsius recipere, credendum insuper cor & arterias simul & semel, ut jam dixi, dilatari, simulq; & semel contrahi, istoque temporis momento sanguinem ab illâ contractione pressum ad circulandum ob sui continuitatem cogi atque adeò per totum circulationis ductum non nihil progredi, nullamq; dari partem ipsius (in statu saltem sanitatis) quæ præeuntem à tergo non urgeat, & è loco quem dein occupatura est, non dimoveat; ita & sequentes extremitates & auriculas replet ventriculorum principia occupantem propellat, qui præeuntem secundum illum, quem in lateribus ipsorum descripsi, canalem pariter propellit, & sic de reliquis omnibus illius partibus quæ reliquum circulationis circuitum occupant;

undè manifestè liquet tantùm sanguinis in arterias è corde quantùm è venis & auriculis in cor, tantùm in venas ab arteriis quantùm in arterias è corde, tantumque tandem in cor è venis & auriculis quantùm in venas ab arteriis transiit, necessario transmitti, eoque modo sanguinis circulatione (nondùm ab ullo satis explicitâ) nihil esse simplicius & facilius.

Quod si cui tamen vel minimum, circa novam circulationis viam (quam secundùm interna cujlibet ventriculi cordis latera statuo) dubium supersit, attendat, quod eadem à spirituosius sanguinis fermentescentis particulis sese expandentibus & avolare nitentibus cor in suâ diastole abbreviatur & ad rotundam figuram adducitur, tricuspidēs & mitrales ipsius membranas mucronis ad basim approximatione laxiores factas ab iisdem attol-

attolli ostiaque ipsius quæ venas
 etant penitus occludere: eodemque
 illo temporis instanti sygmoideas
 & semilunares arteriarum valvulas
 à spirituosis sanguinis in istarum
 principiis contenti particulis sese
 pariter expandentibus & avolare af-
 fectantibus erigi, hincque cordis
 hiatus pariter claudere, undè facil-
 limè videre est cor, occlusis, dum
 dilatatur, ostiis suis quibuscumque
 neque recipere neque ullam dif-
 fundere sanguinis guttam potis
 esse.

Attendat insuper, dùm elasticâ
 suâ vi cor elongatur, receditque
 mucro ipsius à basi (quod dilataratio-
 nem alii vocant, quodque sistolem
 appello) prædictas ipsius membra-
 nas ad mucronem adduci, quod
 apud omnes in confesso est, atque
 adeò deprimi ostiaque cordis quæ
 venas spectant aperire, earumque
 membranarum illam quæ in quo-

libet ventriculo ad perpendiculum sita est una cum ad sese accedentibus carneis columnis utrumque in duos quasi alveos findere per quorum alterum qui fluit sanguis per alterum progredienti sanguini nullatenus obest.

Dumque hæc in corde geruntur elasticâ pariter vi elongantur arteriæ seu naturalem, quam in dilata-tione suâ perdiderant, longitudi-nem recuperant (quod cum omni-bus ipsarum sistolem appello) tunc-que deprimuntur ipsarum valvulæ & ad parietes earum adducuntur, undè liberos & apertos ex hac parte cor-dis hiatus relinquunt, quocircâ nihil tunc temporis vetat (quin imò se-cùs fieri nequit) quominus apertis universis suis ostiis sanguinem à ve-nis cor recipiat, dum parem in arterias ejusdem copiam diffundit. Idemque de arteriis ergà venas & de venis erga cor sentiendum est,
utraf-

utrasque videlicet eodem temporis puncto sanguinem ab uno sui extremo recipere, quo parem illius quantitatem ab alio deperdunt, subsequentiq; momento, nè unicam sanguinis guttam recipere nec deperdere, quippè deperdere nequeunt quin recipiant, nec recipere quin deperdant.

Ex præmissis patet quàm inutilis sit celebris illa vetusq; scholarum controversia, an scilicet arteriæ ut folles; an verò ut utres repleantur? cùm neutro ex illis modo repleantur, perpetuò enim liquore plenæ sunt, sed hoc interest quod adimplens perpetuò liquor ipsas duntaxat per intervalla dilatat.

Remissâ, ex quo in naturalem statum reversa sunt, cordis & arteriarum elasticâ vi, circulatorius sanguinis motus quasi intercipitur, quoniam à lateribus ampliùs non compressus atque adeò pristinum spi-

rituum suorum in omnem sensum expansioni , obicem non offendens progressivum deserit motum expansivo sese dediturus , itaut dùm gaudet ultimo variasque per consequens determinationes obtinet, specialis illa quæ nonnullas partium illius qui in corde est antroorsum propellit, adeò debilis fit ut insensilis evadat , superandæque sygmoidearum & semilunarium valvularum (quæ tunc temporis , à contrariâ totidem sanguinis , qui in arteriarum principiis occurrit , partium determinatione quâ scilicet retrorsum aguntur , erectæ fuerunt) resistentiæ capax esse nequeat ; & hæc circulationis sanguinis arteriosi momentanea peneq; insensilis interruptio unica est causa cur ab incisâ arteriâ non nisi subsultim exeat.

Ex suprâ dictis patet sanguinem triplici gaudere motu , quorum prior, motus scilicet liquidi , conti-
nuus

nus est ipsique essentialis utpotè quo fruitur priusquam sanguis sit secundus fermentativus est à tenuioribus seminis masculini particulis primùm inductus, exinque ab illis, qui perpetuò generantur in illo, spiritibus continuatus. Tertius tandem progressivus seu circulatorius dicitur fermentativum pro primâ sui causa, & vasorum elaterem pro secunda agnoscens.

Quòd si quis diceret motum cordis è corpore certorum animalium exempti sanguineque prorsùs vacui adhuc aliquandiu continuari, exinque quas motuum cordis causas assignavi refutandi occasionem arripere voluerit.

Responderem continuatum illum cordis exempti motum præternaturalem esse seu longè diversum ab illo quo in situ suo naturali vivens fruitur, ideoque naturales motus sui naturalis causas agnoscere non posse.

Ut

Ut autem causa præternaturalis huiusce motus innotescat, sciendum est fibras cordis quæ externos ipsius parietes efformant foràs intus & intrò foris diduci posse, haud dispari prorsus ratione quâ tensa arcus chorda foràs intus & intrò foris adduci potest. In naturali cordis motu fibræ ipsius à spiritibus sanguinis sese expandentibus intus è ventriculis foràs repelluntur in omni diastole; & in naturalem statum simpliciter revertuntur in omni sistole, nullatenusque foris intrò adducuntur ob resistentes quæ ventriculos replent liquoris particulas: Ast verò in corde exempto cum nihil sit in ventriculorum cavitatibus quod eorum fibras (sicut in statu naturali fieri solet) foràs compellat, cumque contra quamplures in prædictis fibris supersint spirituum particulae quæ sese vi suâ elasticâ expandunt & avolare nituntur illas expansione suâ inflant,

istæ:

istæ inflatæ aut foràs aut intrò cedere debent, foràs nequeunt ob nimium aëris comprimentis pondus, ergò intrò, ubi nulla est resistentia, diducentur fortiùque cogentur in carneas columnas septo medio affixas.

Verùm ita distractæ & coactæ cordis exempti fibræ, elasticâ, quæ aliqualis ipsis superest, vi in naturalem situm seu foràs revertuntur. Remissâ istâ vi repetit vis spirituum resitantium, & vice versâ, quod ita continuari debet usque dùm penitus absumptæ seu dissipatæ sint spirituum in prædictis fibris reliquiæ.

Motus progressivus sanguinis in universis corporis partibus uno eodemque tempore contingit, quippe sanguis in orbem actus secundum totam, quanta est, circuitus sui longitudinem simul & semel non progredi non potest. Quòd si verò contingat ut ab obice quodam in
parte

parte quapiam ad aliquod tempus retardetur, protinus illa pars corripitur inflammatione, pro majori vel minori partis in quâ retinetur dignitate, magis aut minùs periculosâ, dùm interim reliquus per reliquas partes ire pergit.

Fermentativus verò in singulis partibus eodem non se habet modo. Ostenso enim in superioribus fermentationem omnem duplex habere tempus, primum rarefactionis seu turgescentiæ, secundum fermentationis perfectæ seu dissolutionis, pari ritu sese habere quæ sanguinem ciet arbitrandum est.

Hic autem loci revocanda sunt in memoriam quæ fermentanti farinæ cum aquâ & fermento subactæ contingere superiùs dixi, illa scilicet invicem exactè mixta valdè primum inflari, & turgescere, exinque post sufficiens tempus plures agere rimas & in minutulos grumos di-

visa apparere, tuncque longè minorem pastæ molem constituere, ita ut vasis, quod in rarefactione seu primo fermentationis tempore vix pastam continere valebat, dimidia pars perfectâ ejusdem fermentatione vix repleatur, tuncque temporis exaltari farinæ fermentique spiritus & tùm per poros tùm per rimas avolare.

Idem prorsùs sanguinis fermentatione contingit. Primùm enim in vasibus lymphaticis & venis rarefit, inflatur, & turgescit lymphæ in sanguinem transitoria. Dein ex quo cor appulsa est, maturiores ipsius seu magis rarefactæ partes a carnæis membranis tricuspidum & mitralium fibræ quasi carminatæ dividuntur in quamplures variæ speciei partes è quarum miscella sanguinis massa constituitur ita ut tunc temporis quæ valdè turgebat in venis massa divisæ plurimis sui particulis

culis intimioris unionis capax facta jam longè minorẽ molem obtineat minusque spatium in arteriis , dùm comprimitur,occupet. Et hæc est, ni fallor, ratio cur major occurrat venarum quàm arteriarum numerus, illæque istis ampliores sint, licet aliter se res habitura videretur, quippe lymphâ (quæ notabilem partem massæ per arterias circulantis constituit) in earum extremis eam deferente specialem efformatura rivum, per venas lymphaticas , quarum numerus & capacitas arteriarum numero & capacitati penè respondet , fluiturum, minores certè vel pauciores arteriis deberent esse venæ pro ratione quantitatis lymphæ liquorem arteriosum deferentis , quod tamen secùs est, quoniam sanguis venosus priorem fermentationis partem seu rarefactionem patiens majus, ut jam superius dixi, requirit in iis spatium quàm dùm in arterias subiit in quibus præ
 varia-

variarum sui partium divisione in cordis ventriculis inductâ intimioris unionis capax factus arctiùs ab artèriarum elatere cogitur, quod nullus adhuc, saltem quem sciam, explicuerat.

Roges nos quænam sit causa cur sanguis peræque in artèriis non rarefiat ac in venis?

Respondebo perpetuum ipsarum seu diastoles seu sistoles motum illius in artèriis rarefactioni obesse; si enim aliqualis idem talem repetita liquoris fermentescibilis commotio fermentationem illius promovet, continua fortisque ejusdem agitatio eam contrà penitus impedit.

Præterea rarefactioni sanguinis in artèriarum cavitatibus obest longè major, quæ in illis est quàm quæ in venis, spirituum copia, quippè qui pro summâ, quâ pollent, elasticitate massæ partes ex omni parte comprimunt, atque ad eam turgescentiâ pro-

prohibent dùm arterias sui expansione dilatant; ubi verò contrahuntur, eandem massæ rarefactionem impedit quæ ab istarum elatere infertur compressio à quâ in minimam molem coguntur contentæ in iis quælibet particulæ, quod secùs accidit in venis quæ neque elaterem arteriarum neque eandem, ac illæ, spirituum copiam habentes liberam sinunt massæ rarefactionem.

Quæras iterum cur plures insint spiritus arterioso sanguini quàm venoso, siquidem in orbem actus unus idemque in univèrsis, circuli quem in suo cursu describit, locis futurus est?

Respondebo, hoc quidem ita futurum iri si nihil in arteriarum extremis ab illo, quem devehunt, sanguine discederet, nihilque ipsi in cordis viciniam redeunti restitueretur; sed cùm major spirituum arteriosi sanguinis comitum copia
unà

unà cùm ſecedente lymphâ in
 quamplurimum arteriarum extremo
 ſine & cùm aliis humoribus & ſuc-
 cis excrementitiis in variis colato-
 riis, ut dixi ſuperius, maſſam illius
 deferat, nil mirum ſi venoſus arte-
 rioſo longè minùs ſpirituofus ſan-
 guis occurrat

Præterea in arteriarum extremis
 (quæ ſubſtantia carniū audiunt)
 plures ſpiritus in varios uſus abſu-
 muntur, dum contrà in venarum
 extremis (quæ cordis ventriculi
 ſunt) plures à lymphâ ultimum ra-
 refactionis ſuæ gradum aſſecutæ di-
 viſione perpetuò generantur, undè
 ſanguis arterioſus præ venoſo ſpiri-
 tuoſus non eſſe non poteſt.

Explicito jam quid ſit ſanguis;
 quò & è quo generetur, quo & quo-
 tuplici gaudeat motu, quâ ratione
 cordis & arteriarum dilatationem
 pulſum efformantem producat? exa-
 minandum ſupereſt an febris quam
 in

in cordis & arteriarum cavitatibus
adinvenire speravimus organicus
horum vasorum morbus sit? an ve-
rò liquoris per ipsa circulantis, unà
cùm præcedentis omnibus Medi-
cis, morbum in organicum appella-
turi sumus? & hoc est, quod in se-
cundâ tractatus hujusce parte, Deo
favente, penitus recognoscere pro
viribus tentabo.

NOVA



NOVA FEBRIS IDEA

SEV

Novæ Conjecturæ Physicæ

CIRCA

FEBRIS NATURAM.

PARS SECUNDA.

In quâ

*Natura Febris ex præmissis deducitur
& explicatur.*



IN tractatûs hujusce principio cùm Viris Doctissimis Clarissimis scilicet, *Sylvio Deleboë, Sennerto, Ettmüllero, Borello*

Borello, faniōrique Medicorum parte, pulsus frequentiam evidenti causâ carentem univocum, essentialē, pathognomonicum & inseparabile febris signum esse suppositi; & si quandoque in periculosissimis peneque semper lethalibus morbis, qui febrium internarum & perfidiolarum nomen apud minùs attentos aut minus eruditos injustissimè sibi usurpaverunt, desideretur; bonâ fide cùm Eruditissimo *Borello* fatendum est nullam tunc adesse febrem, sed potius principiorum sanguinis certam quandam inordinationem (seu dissolutio fuerit, seu condensatio) à quâ naturales suos motus continuare prohibetur, ægerque in longè periculosiorem statum conjicitur quàm si febre teneretur, à quâ immunis declarandus est vel eo solo nomine quod pulsus frequentia seu essentiali febris signo destituitur.

Dixi prætereà superiùs præternaturalem sanguinis fermentationem quæ Recentioribus penè cunctis febris definitionis materiam præbuit frequentiore ipsius causam duntaxat esse. Videamus jam quem effectum producere valeat cujus pulsus frequens signum essenziale, pathognomonicum & inseparabile esse possit.

Omnem, quæ fermentescit, (loquor hic de primâ fermentationis parte) materiam inflari & turgescere suprâ ostendi, constatque apud omnes. Sanguis ergò in vasibus suis fermentari nequit quin majus, quàm si non fermentesceret, spatium occupet, undè necessariò sequitur quòd quò magis ipsius fermentatio increverit, eò amplius pro ratione illius incrementi spatium occupaturus sit; quò autem ampliùs occupaverit, eò magis latera vasorum


suorum ab invicem diducet, seu, quod idem est, majorem vasibus suis tensionem inferet; Concludamus igitur adauctam seu violentam vasorum sanguinis tensionem adauctæ ipsius fermentationis necessarium effectum esse.

His positis, perpendamus utrùm adaucta seu violēta vasorum sanguinis tensio pulsus frequentiam, quam pro inseparabili & pathognomonico febris signo prius jam agnovimus, necessariò productura sit, quippe quam si necessariò producat, nullum potest superesse dubium quin in isthac vasorum sanguinis tensione essentia seu ratio formalis febris sita sit.

Quò magis ab adimplente liquore cor & arteriæ tenduntur, eò minus à spiritibus sanguinis sese expandentibus & avolare nitentibus ab invicem diduci posse opposita illorum

rum latera manifestum est (quoniam, ut dixi in primâ hujusce tractatus parte, ultrâ certum quemdam terminum distendi nequeunt) quò minùs autem diducuntur ab invicem, eò brevior est, quam in diductione suâ describendam habent linea, quo ista brevior est, eo breviori temporis intervallo describenda, descriptaque elastico restitutionis vasorum motu repetenda est; quo breviori temporis intervallo describitur, descriptaque repetitur, eò frequentior futura est ipsius descriptio & repetitio : quandoquidem autem pulsus in successiva illâ prædictæ lineæ descriptione & repetitione, seu, quod idem est, in successivo illo motu, quo cor & arteriæ à spiritibus sanguinis dilatantur & elasticâ suâ vi restituuntur, unicè consistit, adauctaque illorum tensio frequentiore, ut jamjam

probavi, laterum ipsorum diductionem & restitutionem causet, an vel minimum superesse potest dubium quin pulsus frequentia nimiae seu violentae cordis & arteriarum tensionis necessarius effectus sit, ejusdemque per consequens signum pathognomonicum est inseparabile.



Quod ut clarius pateat, supponamus circulum. A. superioris figurae naturalem arteriae sistolem patientis cavitatem esse, & circulum. C. terminum extensionis ad quem prorahitur arteria in qualibet diastole & ultra quem distrahi non potest: lineam vero. D. spatium esse quod per-

percurrunt spiritus sanguinis quoties arteriam dilatant in statu pariter naturali.

Supponamus iterum circulum. B. cavitatem ejusdem arteriæ esse seu spatium quod adimplet sanguis ab insolito fermentationis motu plusquam de more turgescens, lineam verò. E. spatium esse quod tunc temporis percurrunt spiritus arteriam sui expansione dilatantes.

His positis. Quis non videt spiritus sanguinis lineam E. duplò frequentius descripturos esse quam lineam. D. quippe illa dimidiâ parte brevior est quam ista, & per consequens dimidiâ temporis parte describenda.

Quæ cum ita sint, seu ut paucis dicta repetam, cum adaucta sanguinis fermentatio majorem quam quâ, dum minor seu naturalis est, donantur vasibus illius tensionem necessario inferat, majorque isto-

rum tensio pulsus frequentiam necessariò pariter inducat, quis Physicorum negaverit essentiam seu formalem febris rationem in hacensione consistere, seu, quod idem est, vasorum sanguiferorum tensionem & febrim unum & idem esse.

Audacter igitur concludamus contra præcedaneos omnes febris inquisitores qui eam morbum inorganicum crediderunt, & definiamus illam. Adauctam seu violentam vasorum sanguiferorum tensionem à quâ motus cordis (quod pro præcipuo vasorum sanguinis agnosco) & arteriarum frequentior redditur & corporis humani functiones læduntur.

Dico febrim adauctam seu violentam esse vasorum sanguiferorum tensionem à quâ frequentior redditur motus cordis & arteriarum, ut ostendatur id quod habet commune cùm momentaneâ & fugitivâ illâ
eorum-

eorumdem tensione quam affectus quidam animi, motus corporis & chyli in massam appulsus excitare valent, addoque, & à quâ corporis humani functiones læduntur, ut designetur id per quod ab istâ postremâ vasorum tensione, quæ nullam functionem lædit, distinguitur.

Ex quo novimus febrim adauctam seu violentam esse vasorum sanguiferorum tensionem, immediatas ipsius causas adinvenire res est facillima. Prædicta enim vasa non nisi à contento liquore tendi possunt, contentus liquor, nisi crescat, illa tendere non potest, aliter verò crescere nequit quàm quoad molem aut quoad massam; quoad molem non potest increescere nisi adauctâ sui fermentatione, nec quoad massam nisi vel propriæ vel heterogeneæ materiæ additione.

Concludendum ergò nimiam sanguinis copiam ob suppressam soli-

tam aliquam ipsius evacuationem in vasibus retentam vel humoris cujusdam heterogenei permixtionem, à quibus adaugetur ipsius massa, vel tandem adauctam ejusdem fermentationem à quâ moles ipsius increfcit, unicas febris causas immediatas & proximas esse posse.

Juxtà assignatas igitur proximas istas febris causas, nullâ habitâ ratione celebris cùm apud Veteres rùm apud Recentiores permultos febris in Ephemeram, Putridam, & Hecticam divisionis, illam statim in sanguineam & humoralem divido.

Sanguinea febris illa est quam nimia sanguinis quantitas aut insolens ejusdem fermentatio producit.

Humoralis verò quæ ab humore heterogeneo massam adingresso & ab ipsius spiritibus insolenter fermentato producit.

Si quis dixerit insolitam sanguinis fermentationem induci non posse absque eo quod transeat in ipsius massam heterogeneus quidam humor à quo illa excitetur, atque adeò secundam à me assignatam febris sanguineæ causam, per quam ipsam ab humoralis distinguere contendo, cùm assignatâ febris humoralis causâ unam & eandem esse.

Respondebo non latere me necessariam esse corporis cujusdam heterogenei cùm sanguinis massâ permixtionem, ut insolens in istâ fermentatio concitetur; sed cùm ad fermentationem quamvis excitandam duo requirantur diversi generis corpora quorum aliud fermentum, alterum verò fermentationis materia; illud causa efficiens, istud materialis; illudque tandem (ut scholasticam linguam loquamur) agens sit, istud verò patiens; quoties prioris naturæ corpus in

sanguineam irruat illud febrim sanguineam producturum intelligo, quippe sanguis erit duntaxat materia illius fermentationis quæ concitabitur, ingressum verò corpus fermentum ejusdem. Quotiescumque verò secundæ speciei corpus in massam sanguinis effundetur, febrim humoralem excitatam iri sentio, quoniam illud, quod aliud esse non potest quàm crudus & heterogeneus quidam humor, illius fermentationis quæ ipsius in massam irruptionem subsequetur materia duntaxat, spirituosæ verò sanguinis particule, à quibus fermentabitur, fermenta merunt: atque adeò specificam sui denominationem à materiali, nullatenus verò ab efficiente sui causâ febris deducet, sanguineaque vocabitur dùm producetur à sanguine seu copiosiori, seu ab heterogeneo quodam corpore, quod præ summâ tenuitate suâ in ipsius partium

tium poros sese insinuaverit, insolenter fermentato: humoralis verò censetur cum insinuatum in sanguinem corpus ipsam non fermentabit, sed ab ipsius contrà spiritibus fermentabitur; & in hoc Galeni mentem sequor qui de differ. febr. cap. 1. docet differentias febrium maximè proprias sumi à materiâ in quâ calor præter naturam accenditur, quod idem est ac si diceret, in quâ fermentatio præternaturalis excitatur.

Quod si quis famigeratis Veterum opinionibus pertinaciùs imbutus, vetusta febris nomina conservare voluerit, ephemeramque aut sinochum imputrem, illam quam sanguineam voco, & putridam, illam quam humorem appello, nuncupare, cum illo non pugnaverim, modò diversis illis nominibus unum & idem intelligere convenerit inter nos.

Quod si tulerit indignè febrim
 hecticam illum, quem in vetustâ &
 famosâ febrium divisione tamdiù
 locum obtinuit in meâ sibi non ser-
 vare, ostendat, quæso, prædictam
 febrim eâ, quâ explicatur, ratione
 possibilem esse, quo facto ipsi pro
 injuriâ satisfactorius locum anti-
 quum restituam. At si cùm Veteri-
 bus permultis dicere persistat for-
 malem hujusce febris rationem seu,
 quod idem est, essentiam in hoc
 consistere quod quasi in habitum
 transierit & ita partes corporis no-
 stri viventes occupaverit, ut, ta-
 metsi à nullâ causâ foveatur, nihi-
 lominiùs subsistere possit, possibilita-
 ti ipsius concipiendæ vires ingenii
 mei pares non esse bonâ fide confi-
 teor; tempus enim notabile requiri-
 tur ut in habitum, sicut aiunt, tran-
 seat (constat enim apud omnes ha-
 bitum non unius aut aliquot die-
 rum, sed longinqui temporis, diu-
 tur-

turniq; usus effectum esse) necessum est ergò ut toto illo tempore quo transit in habitum ab aliquâ causâ foveatur, causam foventem dùm habet hectica juxtà illos esse non debet, utpotè qui formalem ipsius rationem in causæ foventis privatione statuunt, ex quo autem habitualis facta foventi causâ destituitur existere necessario cessatura est juxtà omnes Physicos qui celeberrimum habent axioma quo fertur sublatâ causâ tolli effectum.

Conveniendum est igitur febrim hecticam quem in antiquâ febris divisione tamdiù sibi servavit locum nunquàm meruisse, sed duntaxat modò inter sanguineas, modò verò inter humorales adscribendam esse.

Inter sanguineas videlicet, dùm corpus heterogeneum sanguinis massam ingrediens eam fermentare aptum est, quales propemodum occurrunt tenuissimæ subtilissimæ-
que

que illæ particulæ quæ ab ulcere quodam interno emanant, quarum continuus in sanguinem fluxus tamdiù febrim alit quamdiù durat ulcus quod cum aliquando insanabile se præbeat febrim mortem adusque producit.

Inter humorales verò, dùm humor sanguinis massam subiens ejus est indolis ut à spirituosius ipsius particulis fermentetur, qualis esse potest chylus crudus & indigestus, cujus cruditas & indigestio constantem remediis que penè cunctis rebellem (fermenti scilicet stomacalis necnon bilis & succi pancreatici depravationem) causam habens, diuturnam, qualis est hectica, febrim concitat, insanabilemque, si genuina ipsius causa non dignoscatur, & tantisper Medicus à congruâ medendi methodo deflectat.

Febris sanguinea semper est continua, quoniam fermentum ipsius

fius parens præ summâ sui activitate & subtilitate uno eodemque tempore irruit in sanguinem quem fermentare non desinit, donec aut eum ad ultimam dissolutionem perduxerit (tuncque temporis perit æger) aut particularum suarum aculei hebetes atque a leò ulteriori fermentationi inducendæ impares evaserint (tuncque è morbo evadit febri-citans.)

Si febre sanguineâ correpti sanguis admodum subtilis & spirituosus fuerit (qualis est propemodum eorum sanguis quos biliosos & sanguineos vocaverunt Antiqui) periculosa valdè & ut plurimum lethalis esse consuevit febris, quoniam abundantes in tali sanguine spiritus intromissi fermenti particulas in singulos massæ poros tantâ vi tantaque celeritate propellunt ut illæ contentiori cursu istos transcurrentes citissimè tantam ipsis dissolutionem

nem

nem inducant, ut ad ultiores
usus inepta penitus evadat sanguinis
massa.

Quod si contrà sanguis ægrotan-
tis spiritibus inops crassioribus con-
fletur moleculis (qualis propemo-
dum est sanguis eorum qui pituitosi
& melancholici passim dicuntur) fe-
bris sanguinea quæ tamen in talibus
perrara est, non modò vacat peri-
culo, quinimò permagnæ utilita-
tis est, quoniam activæ admodum
intromissi fermenti particulæ san-
guinis crassiores particulas dividen-
do eas attenuant & volatiliores red-
dunt, quò fit ut sese post recupera-
tam quàm antè deperditam sanita-
tem longè meliùs habeant febrici-
tantes.

Quod si tandem fermenti fe-
brim parientis particulæ, prius-
quàm aculeorum suorum infractio-
nem passæ sint, notabilem, sed lon-
gè minorem quàm quæ mortem in-
ferre

ferre capax est, sanguinis particularum dissolutionem inducant, febris necessario succedit cronicus aliter quidam morbus, ut hydrops, phthisis &c.

Febris humoralis aliquandò continua simplex est, aliquandò verò intermittens, sæpissimeque continua exacerbata, ex pluribus scilicet intermittentis crebrius repetentis paroxysmis composita.

Continua simplex est cum humor eam producat uno eodemque tempore irruit in sanguinem à cuius spiritibus sine ulla intermissione fermentatur usque dum eam particularum suarum divisionem patiatur à quâ nonnullæ ipsarum (si quæ tamen sint quæ inter utilium succorum particulas aggregari aptæ occurrant) illis sociæ adjungantur, heterogeneis per aptata colatoria foras expulsis (tuncque pristina reddit sanitas) aut donec singulos suos
 spiri-

spiritus sanguis in prædicti humoris divisione inutiliter tentatâ consumpserit tuncque moritur febricitans.

Intermittens verò febris humoralis est cum humor ipsius parens per partes & per notabilia satis intervalla subit sanguinem à quo fermentatur ingressa portio, donec ita divisa sit ut nonnullas sui particulas (si quæ aptæ sint) utilibus massæ fucis socias adjungat, heterogeneis per excretoriorum colatoriorum poros amandatis; quod longiori vel breviori temporis intervallo perficitur pro majori vel minori febrilis humoris copiâ vel cruditate, aut majori vel minori spirituum sanguinis quantitate.

Est autem continua exacerbatâ cum humoris ipsam parientis recens portio, nondum absolutâ veteranæ seu prioris sanguinem ingressæ portionis divisione, in ipsam irrumpit, in quo tot qualibet die succedunt

cedunt febris exacerbationes quot
invadunt humoris febrilis recentes
copiæ.

Si febre humoralis laborantis sanguis subtilis admodum & spirituosus sit, febris valdè periculosa non est, quoniam ingens, quibus scalet, copia spirituum ad ingressum humorem citò penetrat facillimeque dissolvit & ita dividit ut res in salutem vertatur. Et hoc est quod supposuit Medicorum Princeps, dùm dixit febrim certis quibusdam morbis (qui ab humorum saburrâ dependent) supervenientem eos solvere. Secus enim lethalis foret.

Quòd si contra sanguis ægrotantis crassior & spirituum inops fuerit, febris ut plurimum lethalis esse consuevit, quoniam perpauci, quos habet sanguis, spiritus absolvendæ humoris noxiæ massam ingressi digestionis & dissolutioni insufficientes in ipso (ut crassior est) demerguntur,

tur, undè vitæ functiones, vitæque ipsæmet desinant necessum est.

Quòd si tandem febrilis humor sanguinem adingressus notabilem spirituum illius absumit, superstitie tamen aliquali eorundem copiâ, sufficiens non est ista quàm quæ variis ingestorum digestionibus & divisionibus suppetat, undè necessario chylus admodum crudus & imperfectus generatur quamplurimum morborum tali febris (malè tractatæ præsertim) ut plurimum succedentium fons uberrimus.

Utraque febris species, sanguinea scilicet & humoralis, maligna, pestilentialis & contagiosa esse potest, licet pestilentialis & contagiosa sæpiùs esse sanguinea consueverit.

Unà & quoque simul & semel esse possunt in eodem ægrotante sanguinea febris & humoralis, dum scilicet aëreum quoddam fermentum

tum

tum invadit sanguinem hominis cujusdam cujus primæ viæ pravis humoribus refertæ sunt, illud enim febrem sanguineam utplurimum epidemicam producit, quâ inchoatâ prædicti pravi primarum viarum humores tum à calore tum à spiritibus sanguinis vehementer agitati in motum conciti in massam irruunt in quâ febrem humoralem præviæ sanguineæ adjungunt.

Peculiares reliquas febrium differentias ulterius non prosequemur, quoniam præterquam quòd communi à me traditâ febris definitione singulæ comprehenduntur, referri-que facillimè possunt ad genericas duas, quas assignavimus, species, tot de iis copiosè doctissimeque scripserunt auctores ut in ipsarum ulteriori disquisitione immorari maximè supervacaneum fore mihi videatur.

Explicito jam in quo consistat essentia seu ratio formalis febris, quæ-

quænam sint immediatæ ipsius causæ, illaque in præcipuas sui species divisa, unicum ad hypothesim meam solidè stabiliendam restare mihi videtur, ut scilicet singulorum, quæ febrem comitari solent symptomatum rationem juxta illam reddam.

Frequentiora sunt totius corporis calor immodicus, sitis penè inextinguibilis, ingens capitis dolor, linguae ficcitas, oris amaror, vigiliæ immodicæ.

Quædam alia prædictis minùs nonnihil frequentia sunt, uti nausea, vomitus, virium prostratio, delirium, convulsio, spirandi difficultas, diarrhœa, dysenteria, syncope, sopor, variarum corporis partium inflammatio, abdominis tensio dolorifica, maculæ & exanthemata, parotides, bubones, & carbunculi.

Alia tandem quædam sunt quæ in principiis paroxysmorum febrium
inter-

intermittentium, haud secùs ac febris humoralis continuæ penè semper observari solent, qualia sunt gravativus crurum dolor, oscitatio, pandiculatio, horror & rigor.

Ad quorum omnium explicacionem priusquàm transcamus observandum est illorum quædam ab ipsamet febre, quædam verò ab aliquâ duntaxat illius causæ portione quæ in primis viis remorata est, immediate dependere.

Immodicus partium omnium calor qui omni febris speciei penè communis est, facillimè per hypothesein meam explicari potest, cum enim conveniat inter Medicos partium calorem irriganti sanguini deberi, conveniendum est pariter sanguinem eò majorem illis calorem impertire quo diutius in ipsis immoratur; quò magis autem distenduntur sanguinis vasa eò diutius in ipsis, haud secùs ac in intermediâ carnium
sub-

substantia, immoratur, quippè qui lentiori gradu quàm pro more tunc temporis circulatur. Concludendum ergò quo major est vasorum sanguinis tensio, seu quod idem est iuxta me, febris, eò ardentiores partibus calorem futurum iri.

Lentiores esse vigentè febris, quàm reliquis temporibus, sanguinis circulationem primum esse me qui conceperim non gloriator, idem enim jam ab aliquo tempore cogitaverunt Clarissimi Viri *D. Sylvius* è Dublinensi Physicorum societate, & *D. Bontekoë*, sed allata ab ipsis hujusce paradoxo ratio à Clarissimo Viro *D. Minot* refutata, ad probationem illius facere satis mihi non videtur.

Supponunt etenim Autores prælaudati sanguinem, acidis, dùm viget febris, refertum crassum penitus & viscidum esse atque adeò contractionibus arteriarum seu inductæ ab ipsis

ipsis contractis pressioni difficilius cedere; undè, inquiunt, cordis & arteriarum pulsationes frequentiores esse debent, ut quod unica præstaret, si libentiùs inductæ pressioni sanguis obsequeretur, tres aut quatuor exequantur, exindeque pulsus frequentiam, quam perpetuam febris comitem mecum agnoscunt, lentiolem sanguinis circulationem arguere concludunt.

Ego verò qui secùs ac illi de sanguinis febricitantium consistentiâ sentio, & qui non modò suppositæ ipsius crassitie & condensationi non subscribo, sed semper è contrario præprimis verò in statu febrium ad ultimam partium suarum dissolutionem (quæ condensationi ex diametro opponitur) ipsum tendere credo, quique aliundè ab experienciâ rerum magistrâ edoceor ex omnibus morbis qui crassi & visceridi sanguinis effectus unanimi Medicorum


consensu reputantur, nullum esse in quo frequens observetur pulsus, & in quo contra lentissimus non deprehendatur (quod tamen secus fieri deberet si crassitie sanguinis, uti putant Viri prælaudati, pulsus frequentia deberetur) alteram tardioris vigente febris sanguinis circulationis rationem inquirendam censeo.

Motum sanguinis motum simplicem non esse, sed compositum ex motu liquidi, motu fermentationis, & motu progressionis seu circulationis superius dixi, cum igitur fermentationis motus particulis fermentati corporis, quas disjungit & in omnem sensum propellit, mille varias determinaciones inferat; & progressivus contra unicâ & eâdem determinacione totum, quod movet, corpus antrosum promoveat, illa, quæ massæ sanguinis à cordis & arteriarum contractionibus

bus inducitur, pressio fermentativum illius motum necessario minuit, dum progressivum adauget, quoniam quæ à centro recedere tentabant particulæ in illud ipsum ab hac pressione repulsæ, varias à quibus ad circumferentiam propellebantur determinationes sequi prohibentur, unicam quâ antrorsum omnes promoventur suscipere coactæ; atque adeò quo minor est, quæ à cordis & arteriarum contractionibus infertur illis, pressio, eò debilior est communis illa, quam suscipere coguntur, determinatio, & per consequens eò lentior futura est, quæ exin dependet, massæ sanguinis circulatio.

Nunquam autem minor est pressio quam sanguini cordis & arteriarum contractiones inferunt, quàm dum viget febris, quoniam, uti superius explicui, quò magis ab adimplente liquore tenduntur vasa

sanguinea, eò minus, dùm sese restituant, contrahi possunt, ut ex figurâ sequenti clarius patebit; ergò necessariò concludendum est minus premi, vigente febris quæ vasorum sanguinis adaucta tensio est, contentum in tensis illis vasibus sanguinem, minusque pressum lentius procedere tardiusque circulari.



Sit, exempli gratia, circulus. A. naturalis capacitas arteriæ in statu sano; & circulus. B. capacitas ejusdem arteriæ in statu febrili, dùm scilicet aut à copiosiori sanguine vel ab insolita fermentatione, plusquam de
more

more turgescēte distenditur; circulus vero. C. terminus extensionis ejusdem arteriæ dum dilatatur in utrobique statu.

His positis nemo non videt arteriæ tunicas seu in sanitate seu in febre ad idem punctum è quo profectæ sunt in contractione suâ perpetuò regredi, nunquàm verò ulterius procedere, quò fit ut in sanitate ad circulum. A. in febre verò ad circulum. B. constanter revertantur.

Quæ cùm ita sint, quis videre renuet liquorem in prædictâ arteriâ contentum longè minorem ab ipsius contractione pressionem pati vigente feбри dùm scilicet à circulo. C. in circulum. B. duntaxat premitur, quàm in statu sanitatis in quo ab eodem circulo. C. ad circulum. A. repellitur; & per consequens longè lentius procedere tardiusque circulari vigente feбри quàm in sanitatis statu.

Alterutrius igitur ex duobus prædictis sanguinis motibus incrementum, alterius imminutionem necessario supponere sentiendum est, seu quò vehementius fermentatur eò lentius procedere, & contrà quò celerius circulatur remissius fermentari.

Evidens prædictæ veritatis exemplum aqua nobis subministrat, quæ nunquàm, nisi dùm stagnat, corrumpitur, quippe quæ dùm defluit, motus ille à quo tota ipsius massa unicâ determinatione antrorsum promovetur illi varias, quas stagnans patitur; partium suarum dissolutiones (ex quibus ejusdem corruptio dependet, patiendi tempus non relinquit, undè Poëta, & citò putrescunt, -ni moveantur, aquæ.

Sed ad quid hujusce veritatis argumentum extra sanguinem exquirere, cùm evidentissimum nobis ipsemet suggerat, utpotè qui nunquàm

quàm corrumpitur nec in pus vertitur, nisi dum à rectâ circulationis viâ deflectens stagnat in parte quâpiam in quâ motu progressionis, quo tota sui massa ciebatur destitutus vetare non potest, quin singulæ sui partes suscepto fermentationis motu in componentes sui particulas dividantur, undè subtiliores, quæ spirituosæ sunt, per continentis sacculi poros avolant, relictis in eo crassioribus sociis quæ strictius invicem unitæ pus efformant.

Si quis dixerit sanguinem per venæ sectionem emissum sæpiissimè putridum observari, atque adeò corruptionem seu putredinem ipsius ab ejusdem stagnatione, sicuti suppono, perpetuo non dependere, cum & vel in ipsissimis circulationis suæ vasibus corrumpatur.

Respondebo, licet sanguis è venis sectis extractus putridus admodum sæpius appareat, non ideo cre-

dendum esse talem in venis, qualis in scutellâ refrigeratus apparet, existere, sed dissipatâ, seu inter exeundum, seu inter stagnandum in scutellâ, spirituosarum ejusdem partium majori copiâ, residuas crassiores non nisi putridi humoris speciem referre posse.

Quod si planè voluerit sanguinem in venis talem existere, qualis emissus videtur in scutellâ, cùm illo non pugnaverim, modò mecum crediderit sanguinis in venis corruptionem aliundè non produci quàm ab imminuto circulationis & adaucto contra fermentationis ipsius motu à quo procreati spiritus sui juris facti magnam partem avolarunt, relictis crassioribus sociis particulisque, solitâ spirituosarum copiâ destitutæ non nisi putridi liquoris speciem referunt.

Febricitantium, dùm calore febris uruntur, sitim explicare res non

non est admodum difficilis. Cùm enim sitis, communi Medicorum consensu, à faucium siccitate dependeat, istaque à calore facillimè producat, qui febricitantem ardere scierit, ipsum ariditatem faucium pati & magnâ per consequens siti teneri pronuntiabit.

Illius verò sitis, quâ, dùm viget febrium humoralium frigus, premuntur ægri, quæque succedente calore sæpè sæpius desinit aut saltem notabiliter minuitur, rationem reddere res est multò difficilior.

Recentiores nonnulli sitim tunc temporis invadentem procedere sentiunt ab eo quod sanguine, inquirunt, dùm sævit febrile frigus condensato, saliva sanguinis pars componens, pariter ac ille, condensata in oris glandulis non seernitur; undè faucium siccitatem atque adeò sitim deducunt, quæ juxta mentem ipsorum succedente calore

desinit aut saltem minuitur, quoniam singulis humoribus pristinam fluiditatem consecutis, saliva quæ ex ipsorum numero est per oris glandulas suum repetit iter faucibusq; solitam humiditatem restituit, unde cessare sitim arbitrantur.

Ast prælaudatorum Virorum pace dixerim quod, si sæviente febris frigore, massa sanguinis, uti volunt, condensaretur, exprimendum ab eâ foret serum (haud dispari prorsus ratione quâ è sanguine in scutellâ condensato vel à concreto lacte secernitur) adeoque copiosius per oris glandulas secernendum, & humiditatem, quæ sitim extingueret, reducturum. Vigente verò calore, finitâ, quam supponunt, condensatione humoribusque solitam fluiditatem consecutis, serum in reduces ipsorum poros sese recepturum mihi videtur, unde minori copiâ secerni deberet in glandulis oris cujus

jus idcirco singulæ partes ariditate
& siti premendæ forent.

Rectius igitur juxta me cogitave-
rit qui majorem, vigente febris fri-
gore, quàm calore sitim deduxerit
ab eo quod primo illo febrilis inva-
sionis tempore serum sanguinis hu-
morem febrilem ipsius massam ad
ingressum penetrat & diluit, ita ut
in ipsius poris occultatum per oris
glandulas sufficienti, quàm quæ sali-
vam probè diluat, copiâ secerni non
possit, unde ista crassa admodum &
viscida faucibus inquinandis quàm
humectandis aptior evadit quò fit
ut ipsarum ariditas & per conse-
quens sitis subsequantur, quæ succe-
dente dein calore desinunt aut sal-
tem valdè minuuntur, quoniam ca-
lor frigori succedens, non nisi ab hu-
moris febrilis divisione producitur,
nec ista sive pororum ejusdem de-
structione possibilibus est, unde occult-
tum in istis serum ab iis destructis

diffluere cogitur, sicque pristinis labris orbatum sufficienti copiâ in oris glandulas deferitur in quibus salivam diluit, singulisque faucium partibus humiditatem sitis extinguentricem reducit.

Præterea febrilis humor ab eâ quam patitur fermentatione in varias sui particulas dividi non potest, quin plures ex hac divisione emergant quæ serosæ sunt, quæque partim in oris glandulas delatæ salivam diluunt, humiditatemque faucibus afferunt à quâ sitis extinguitur.

Dicet aliquis, quod, si hoc ita fieret, nunquam dum calor febrilis urget, adesse debeat febris.

Obijcientem rogabo meminisse vo'uerit febrim in sanguineam & humoralem à me divisam fuisse, deindeque respondebo verum quidem esse febre humoralis laborantes, nullâ vel saltem exiguâ siti, dum calore uruntur, premendos esse

ob

ob rationes à me jamjam allatas; sed in sanguinea secus sese res habere; cum enim in istâ nullus occurrat heterogeneus humor dividendus qui ferreas partes aut è destructis tui poris diffuere sinat aut divisione suâ, sicut in humoralis contingit, suppeditet, sanguisque febris unica materia sit, inter vehementem quam iste patitur fermentationem serum ipsius magnam partem absorbitur, unde siccitas oris & sitis inextinguibilis oriunda sunt.

Quod si vigente quarundam februm humoralium calore sitis urgeat, ut in praxi nonnunquam videre est, tunc dependet ab acribus & falsis halitibus qui è ventriculo reliquis humoris febrilis intensè fermentescentibus referto in fauces attolluntur quibus asperitatem & siccitatem inferunt à quibus sitis oritur.

Dolor capitis facillimè per hypo-

thesim meam explicatur; qui enim febrem adauctam vasorum sanguinis tensionem esse noverit, de facili concipiet tensionis ipsorum causam parem & quoque singulis, quas contentus in illis liquor perluit, partibus tensionem inducturam esse, atque adeò secùs fieri non posse, quin ab eâdem illâ communi causâ delicatulæ cerebri membranæ distendantur admodum, distensæque exquisiti adeò sensus evadant, ut nè vel levissimum fermentescentium particularum contactum ferre possint, quin spiritus in ipsarum poris contenti vehementi cùm impetu resiliant in cerebrum, quod ad dolorem acutissimum producendum, communi Physicorum consensu, sufficit.

Cùm inquietudo nihil aliud sit quàm certa quædam doloris obtusi species ab ingrati sensus perceptione dependens, universæ corporis membranæ

branæ , quæ unica sensus organa sunt, violentam , quæ ipsis aut à quantitate aut ab insolitâ humorum ipsas irrigantium fermentatione inducitur , tensionem pati nè possunt absque eo quod excieter in anima sensus quidam gratus & molestus inquietudinis febrim comitantis parens.

Oris amaror ab acribus salibus unâ cùm crassioribus quibusdam sulfureis particulis unitis dependet. Illa autem è massâ sanguinis, in quâ non deesse nemo diffitetur , dùm sanguinea febris est, per oris glandulas secernuntur, è ventriculo autem pravis humoribus referto, dùm febris humoralis est , sub habitu formâ ad fauces attolluntur, utrâ ex parte prodeant nerveis linguae papillis (quæ gustus organum sunt) applicantur , eamque peculiarem ipsis motus speciem inferunt quæ sensum amaroris producere apta est.

Vigi-

Vigiliæ pertinetes à dolore capitis aut inquietudinibus facile diduci possunt sævissime enim capitis dolore correptus, aut magnis inquietudinibus vexatus æger vix ac ne vix quidem somno indulgere potest : nihilominus tamen specialis ipsarum in certis febribus assignanda est causa. Quandoquidem igitur somnus nihil aliud est quam plurimum aut omnium sæpè sæpius functionum animalium exercitii interruptio frequentiorum sui causam spirituum animalium defectum agnoscens quorum magna pars inter vigilias seu corporis exercitiis seu mentis meditationibus absumitur, abesse nonne debet somnus quamdiu pleniori alveo cursuque citiori in prædictarum functionum organa spiritus influant. Cum autem communi Medicorum consensu, fermentatio sanguinis generationis spirituum efficiens causa sit, exin necessario sequitur quod

ille

ille in permultis febribus intendi non potest, quin uberior producta spirituum copia in functionum animalium organa pleno gurgite profluens earum exercitium ipsa quasi cogat perpetuare.

Quod præprimis in sanguineis illis febribus, quæ ab adauctâ sanguinis fermentatione dependent, contingere debet, quoniam in istis sanguis materia febrilis fermentationis existens magnam spirituum copiam suâ divisione suggerere peraptissimus est; quod idem dici nequit de humoribus illis crudis & viscidis, qui febrium humoralium materiam se sistunt, in quibus idcirco frequentiores occurrunt affectus soporosi quam vigiliæ contumaces, quoniam majori spirituum parte in coquendis & fermentandis heterogeneis prædictis humoribus sanguinem ingressis (qui cum fixi admodum sint divisioni suæ diutius resistunt) occupata

patâ, pauciores sanguini supersunt
 quàm qui functionum animalium
 organis sufficere possint, unde pro-
 ducuntur affectus soporosi quos ab
 hac causa dependere confirmat ex-
 perientia quâ edocemur nullum
 promptius hisce affectibus reme-
 dium occurrere quàm spiritus qui-
 cumque volatiles quæ modicæ san-
 guineorum quantitatî, quæ parcior
 est quàm quæ solitaria febrilis hu-
 moris coctionem absolvere queat,
 subsidio venientes inchoatam ab il-
 lis coctionem absolvunt, quâ abso-
 lutâ, qui in humoris prædicti poris
 demersi detinebantur spiritus isto-
 rum destructione sui juris facti unâ
 cum illis qui ab illius divisione pro-
 deunt corticales cerebri glandulas
 subeunt è quibus in functionum ani-
 malium organa transeunt es earum
 exercitium redintegrant, seu, quod
 idem est, vigiliam reducunt.

Delirii febrim comitantis duplex
 distin-

distinguenda est species; aliud enim furiosum est vehementioribusque corporis motibus comitatum, aliud verò stupidum, & somnolentum prius sanguineæ febris, posterius humoralis symptoma nonnunquam seprodit.

Utraque illius species ab inæquali & inordinato spirituum per varias cerebri fibras motu dependet, sed motus iste diversam in utraque causam agnoscit. Nam in delirio furioso dependet à nimia copiâ spirituum qui à divisione fermentati sanguinis emergunt, quique corticales cerebri glandulas tumultuosissimè ingressi per varias ipsius fibras tantâ rapiditate feruntur, ut de illis quæ ex ipsarum succussione exsurgunt ideæ judicandi tempus menti non relinquatur, unde delirat.

In somnolento verò prædictus inæqualis & inordinatus spirituum motus ab eorundem parciori quantitate

titate producitur, quippe qui rectam sequi viam seu præscriptas ab animâ fibras constanter pervadere ob interruptum sui filum nequeunt, incertis flexuosisque sui recurribus in varias fibras inordinatè gliscunt ex quarum leviori agitatione tot variæ levesque revocantur ideæ, ut ex in maxima sublequatur mentis perturbatio quæ delirium est.

Vomitus & nausea sæpius febrem præcedunt quàm comitantur, eam autem sive præcedant sive comitentur inter symptomata à febrili causa deducenda penè semper adscribenda sunt, quoniam à pravis humoribus in ventriculo contentis priusquàm ulla ullius ipsorum portionis in sanguinem irruptio præcefferit, aut in eodem residuis ex quo major eorum pars in sanguinem transit penè semper dependent; isti enim ab extraneâ quâdam causâ in motum conciti nerveæ ventriculi tunicae

nicæ certam quamdam irritationem inferunt à quâ violenter in cerebrum repulsi spiritus animales in nervis illius contenti nervorum viciniorum (qui diaphragmati & musculis abdominis intervientes sunt) ostia tumultuosè ingrediuntur, unde in prædictos musculos irruentes insolitam in utrisque simul & semel; (nam in statu naturali alternatim & successivè contrahi nemo nescit) contractionem producunt à quâ compressus ventriculus in ipsorum medio situs humores in cavitate suâ contentos exprimere, & per œsophagum, qui à diaphragmatis contractione tensus ideò patientior est, evomere cogitur.

Interdum & quoque vomitus febris, quatenus febris, effectus est, quoniam ab eâdem, quæ vasa sanguinis distendit, causâ distensæ pariter ventriculi tunicæ adeò sensiles evadunt, ut vel minima nerveæ titilla-

tillatio sufficiat concitando vomitui qui uni aut alteri venæ sectioni cedit ut plurimum, quoniam imminuatâ per venæ sectionem liquoris ventriculi tunicas distendentis copiâ minuatur ipsarum tensio necessum est, unde non nisi solitum sensum nervea conservans, non nisi solitis irritationibus obnoxia esse potest.

Vomitus à priori causâ dependens cùm humoralis febre duntaxat occurrit, qui verò posteriorem agnoscit utriusque febris speciei comes esse potest.

Cùm nausea & vomitus inter se, non nisi per magis aut minus differant, illa easdem, ac vomitus, sed leviores causas agnoscit.

Ut virium prostrationis, quæ febrem sæpissimè comitatur, generationis modus innotescat, sciendum est vires animantium in motus muscularis (qui à jugi spirituum in musculos influxu præprimis dependet) facili-

facilitate & diurnitate consistere; unde quoties debita spirituum copia musculis subtrahitur, toties vires prosterndæ sunt, solitâ autem quantitate spiritus in musculos influere desinunt, aut sui defectu, vel colatoriorum vitio.

Utralibet ratione minui potest in febre solitus spirituum in musculos influxus; quandoquidem enim constat ex mechanicis colum quodvis usus destinato probè non inservire, si nimis tensum aut laxius fuerit, nemo non videt corticales cerebri glandulas (quæ colum sunt fecerendis è sanguine & percolandis spiritibus destinatum) ab eodem quo vasa sanguinea liquore irrigatas necnon, haud secùs ac illa, valdè distensas insalutatas trajici à spirituosiss quàmpluribus particulis quæ libentes ipsarum poros inirent, si non nisi nativam & debitam tensionem obtinerent, hæc virium pro-

stra-

strationis species in utroque febris genere reperiri potest, quoniam ab ipsamet febris naturâ immediatè producitur, sæpiùs tamen sanguineæ quàm humoralis comitem se præbet.

Altera verò quæ spirituum defectum sui causam agnoscit, febris humoralis assidua penè comes est, quoniam in istâ febris specie major spirituum sanguinis pars in coquendo seu fermentando humore febrili occupatur, ideoque in poris ipsius occultatur sæpiusque inviscatur, unde sufficiens eorum copia, nec à sanguine corticalibus cerebri glandulis suppeditatur, nec ab istis per consequens in musculos transmittitur, quò fit ut motus suos, non nisi summo cùm languore, in quo consistit prostratio virium, exercere queant.

Si febrilis humoris massam ingressi uberiores copiam in certos quosdam musculos quàm in eorundem

dem antagonistas arteriæ deferant, intensior in illis, quàm in istis, excitatur fermentatio, cujus vi, magis quàm isti, inflati & turgentes vitiosam illam & præternaturalem sui contractionem patiuntur, quæ convulsio dicitur, ubi permanens est, motus verò convulsivus, dum musculos sibi met antagonistas alternatim agit.

Potest & quoque dependere convulsio ab inæquali spirituum in musculos distributione cui ansam præbet, aut irritatio nervis inducta à salinis quibusdam particulis ab humore febrili secedentibus, aut fermentatio in iisdem nervis spiritus inter & tenuissimas quasdam (heterogeneas tamen) humoris prædicti particulas unà cùm ipsis in eorum ductus insinuatæ excitata, quorum neutrum accidere potest, quin notabilem succussum patiantur nervi, à quo major in musculos quibus

prospiciunt neccessario determinatur spirituum copia quam in ipsorum antagonistas.

Spirandi difficultas febricitantes sæpius affligens provenit ab eo quòd vasa sanguinea quæ singulos tracheæ arteriæ ramulos comitantur à nimia contenti liquoris, seu copiâ, seu fermentatione summè inflata & distensa prædictos ramulos introrsum adedò premunt, ut exin valdè coarctati sufficientem, quàm quæ pulmonum vesiculas satis dilateret, aëris copiam in ipsas transmittere nequeant, quò fit ut sufficientis aëris defectu flaccidiores remaneant, sanguinemque in circuitu suo remorentur, unde respiratio difficilior evadit.

Interdùm verò dependet ab eo quod à fermentescentibus in primis viis humoris febrilis (qui massam partim duntaxat ingressus est) reliquiis distensum admodum abdomen

dia-

diaphragmatis complanationem seu contractionem impedit, unde pulmones à liberâ sui dilatatione (quæ non nisi contracto penitus diaphragmate probè perficitur) prohibiti sufficientem aëris copiam admittere nequeunt, sanguine in vesicularum suarum vasibus retardo ingurgitantur, undè difficilior emergit respiratio.

Diarrhœa feбри humoralī ut plurimùm succedit, cùm, non nisi portione quâdam febrilis humoris sanguinem ingressâ, notabiles ejusdem reliquæ in ventriculo & intestinis remoratae neglectæ fuerunt; tunc enim temporis quæ (dùm commota transiit in sanguinem humoris prædicti portio) remanserunt, immotæ jam ab extricatis à febrili fermentatione quibusdam particulis in motum concitæ nerveam intestinorum tunicam irritando, muscularium, quibus illa donantur, fibra-

rum contractionem promovent à quâ contentæ in illorum cavitate prædictæ reliquæ exprimuntur & per anum excerni coguntur.

Interdum & quoque diarrhœa febrem sanguineam comitatur, tunc autem dependet ab humorum omnium massam componentium dissolutione quam producit aut copiosius aut fixioris naturæ febrile fermentum; si enim primum, secus fieri nequit, quin magnâ sui copiâ majorem humorum partem dissolvat, adeoque ad consuetos usus ineptam reddat: si secundum, quandoquidem in dissolvendis primis, quibus occurrit, partibus non obtunditur, alias atque alias rursùm aggreditur quas pariter dissolvit quæque penitus diffractæ colatoria quævis indiscriminatim præsumâ sui tenuitate, subeunt, quæ cùm tria sint in intestinorum ductum sese exonerantia, Pancreaticæ scilicet, hepa-

hepaticæ & intestinales glandulæ, nil mirum, si magna in illorum cavitate depluat humorum dissolutorum copia, illam diarrhœæ speciem producat quam colliquativam dixerunt Medici, quæque penè semper lethalis est, quoniam si quæ paucae sint humorum particulæ quæ nullibi fermento febris obviæ dissolutionem prædictam devitaverint, rariores sunt quàm quæ obeundis vitæ functionibus sufficiant.

Oritur & quandoque diarrhœa sub febrium finem à relaxatione glandularum intestinalium quæ sufficienti ad elateris sui conservationem spirituum copiâ destitutæ, qui sese offerunt humoribus indiscriminatim exitum concedunt, ætate profectos aut à præcedaneo quodam morbo confectos ut plurimum invadit, semperque lethalis est.

De Diarrhœa critica non est quod hîc loci dicam, quippè morbi

symptomatibus annumeranda non est, quæ solvit ipsum evacuat'o.

Si humor, aut in intestina depluens, aut in iis remoratus inter fermentescendum acrior, atque adeò tunicas ipsorum erodere vasa-que ipsas irrigantia nonnihil aperire aptus evaserit, feбри tunc temporis succedit dysenteria quæ nihil aliud est quàm alvi fluxus sanguinolentus & torminosus.

Syncope feбри humoralis succedens facillimè per hypothesein meam explicatur; cùm enim nihil aliud sit quam subita motuum cordis & arteriarum interruptio per multis symptomatibus comitata, ex iis quæ circa motus illos in prima tractatus hujusce parte præmissi facillè colligitur, quod, si materia febrim humoralem producens adeò copiosa sit aut viscida, ut in ea coquendâ seu fermentandâ major spirituum sanguinis pars occupetur, cessaturus est

est cordis & arteriarum elater qui à spiritibus potissimum dependet, & sine quo nullius contractionis seu restitutionis capacia sunt; ita ut prædicta febrilis materia spiritibus sanguinis turgida notabilem dilationem inferat cordi & arteriis quæ vi illatæ inulta cedere coguntur, quoniam elatere suo orbata, nec in statum pristinum restitui, nec dilatantem humorem vicissim repellere possunt, undè motus ipsorum subita interruptio (quæ syncope audit) necessario subsequutura est.

In febribus sanguineis oritur è contrario syncope ab eo quod divis à febrili fermento permultis massæ particulis maxima generatur spirituum copia qui è cerebro in carneas cordis & arteriarum fibras certis quibusdam momentis largè effusæque profluentes ipsarum elaterem adeò intendunt ut sanguinis in illorum cavitatibus contenti spiritus

expansione suâ prædicto elateri superando impares sint. Hæc autem fyncope convulsio cordis & arteriarum propriè dici debet, istaque est quæ à repentino nimioque gaudio nonnunquàm excitatur.

Inflammationem quæ nihil aliud est quàm dolorificus partis cujusdam tumor à restagnante in ipsâ sanguine productus, feбри frequentius non supervenire miranda res est; cùm enim in qualibet febre vasa sanguinis admodum distendantur, & quò magis distendantur eò lentius, ut superius demonstravi, procedat per illa sanguis, diutiusque adeò singulis in partibus remoretur, quis non miretur partis alicujus inflammationem perpetuam febris non esse comitem.

Vasa sanguifera à nimia contenti liquoris seu copiâ, seu fermentatione plusquàm satis distensa, tensionem suam in quâ consistit ratio formalis

malis febris an pari possunt quin-
tensionis huiusce participes fiant sin-
gulæ partes quas idem ille liquor ir-
rigat, undè tensiones permultarum
dolorificæ febris interdum comites
oriuntur.

Et si febris humoris portio quæ-
dam nonnihil viscida in primis viis
restiterit, numquid, dùm rarefiet,
dolorificas abdominis tensiones, de
quibus febricitantes toties querun-
tur, necessariò inducet.

Recentiorum plerique, macula-
rum & exanтемatum, bubonum,
carbonum & parotidum quæ socia
nonnunquàm sibi febris adsciscit,
originem explicare fatagentes à
coagulatis ab acido, quod febris
causam esse supponunt, sanguinis qui-
busdam particulis ea omnia dedu-
cunt, istasque in cuticulâ remoratas
maculas & exanтемата, in glandu-
lis ponè aures fitis parotides, in axil-
laribus aut inguinariis bubones, tan-

demque in panniculo carnosio re-
tentas carbones producere.

Ego verò qui simpliciore, sen-
sibus magis obviam, magisque per
consequens à naturâ causam febris
agnosco, aliam prædictorum sim-
ptomatum rationem reddam hypo-
thesi meæ convenientem.

Qui meminerit majorem spiri-
tuum sanguinis partem in fermen-
tandâ & coquendâ materiâ febris
humoralis causâ occupari, facile
concipiet, non nisi modicam ipso-
rum copiam in corticalibus cerebri
glandulis secerni, nec per conse-
quens partibus (præprimis verò re-
motioribus sufficientem seu solitam
distribui posse, undè cuticula solitâ
spirituum penu defraudata laxior
evadit quàm ut crassiores fixiores-
que hujusce materiæ particulas cum
sanguine promiscuè admissas è sinu
suo depellat, iterque suum unà cum
eo pergere cogat, quò fit ut in istius
poru-

porulis remorentur, ad aëris externi contactum figantur, mora que suâ maculas & exantemata producant.

Bubonum, carbonum, & parotidum eadem est propemodum exortus ratio, nec nisi per varias, quas occupant, partes inter se differunt.

Prodeuntibus istis symptomatibus febris plerumque minuitur, interdum eadem restat, semperque ingravescit si illa semel exorta, durante morbo, disparuerint.

Primum evenit quoniam majore febrilis humoris parte in prædictis partibus remoratâ, sanguinisque per consequens defertrice, necessario minuenda est vasorum istius tensio quæ febris est.

Secundum verò contingit, ubi tanta est febrilis humoris in corpore copia, ut licet quædam illius quæ sanguinem subiit, portio a circulationis itinere devia in partem ali-

quam secesserit in eaque coicre-
verit, recens è primis viis sanguinem
appellat quæ inchoatam vasorum
ipsius tensionem continuet, atque
adeò febrim eandem foveat.

Disparentibus tandem durante
Morbo semel exortis prædictis sim-
ptomatibus, febris ingravescit, quo-
niam humor qui in varias prædictas
partes secesserat, secessioneque sua
illa pepererat, in massam reversus
ipsius molem suâ fermentatione no-
tabiliter adauget, undè vasorū illius
tensio, quæ febris est, intenditur, quæ
sæpiùs præ defectu spirituum qui re-
versum humorem coquere valeant,
lethalis evadit. Hæc autem de præ-
dictis symptomatibus humoralem fe-
brim comitantibus dicta sunt.

Nonnunquam enim febri sangui-
neæ superveniunt, sed diversâ pror-
sus ratione; nam massâ sanguinis ab
extraneo febrili fermento summè
divisâ fermeque penitus dissolutâ
maxi-

maxima generatur spirituum copia
 qui per corticales cerebri glandulas
 secreti exinque per nervos in partes
 largè effuseque delati vim istarum
 elasticam non parùm intendunt, ità
 ut circulantis per eas sanguinis ela-
 sticâ vi (præ partium suarum sum-
 mâ divisione, majorisque spirituum
 quantitatis ab illo secessione nota-
 biliter imminutæ) non nisi perpa-
 rùm cedant, undè quasi convulsæ
 ab illo pro more dilatari nequeun-
 tes non nisi mediocrem contractio-
 nem (quæ perpetuò præviam dila-
 tationem æmulatur) pati possunt,
 undè ab istâ non nisi leviusculè com-
 pressus sanguis in illis quæ mayo-
 rem reliquis tensionem obtinent,
 partibus remoratur è quibus subtri-
 liores sui particulas abire sinent, re-
 siduis crassioribus, quæ cùm illis
 iter pergere nequiverunt, maculas
 & exantemata in cutis superficie,
 parotides in glandulis ponè aures fi-
 tis

tis, bubones in axillaribus & inguinariis, tandemque carbones in panniculo carnosio producit.

Dicet aliquis quod, si legitima sit, quam attulimus, prædictorum symptomatum in sanguinea febre causa, in singulis partibus indiscriminatim proditura sunt, quippe nulla subest ratio cur in illis quas designavi potius quam in reliquis appareant.

Respondebo cuticulam & panniculum carnosum prædictis symptomatibus præ aliis partibus afficienda esse, quoniam ipsorum elastica vis à comprimētis aëris externi elatere & pondere non parum adjuvatur; glandulas verò, quoniam majori nervorum copiâ reliquis partibus prævalentes, majorem idcirco seu commodorum seu incommodorum quæ ab uberiori spirituum, quos illi devehunt, copiâ promanant, suscepturæ sunt.

Arguet iterum quod, cum glandulæ reliquas partes nervorum copiâ vel crassitudine superent, humor prædictos tumores efformare aptus nullatenus in illis congeri debet dum febris humoralis est, quoniam copiosioribus aut majoribus, qui in ipsas inferuntur, nervis alium usum non obtinentibus quam ut spiritus ipsis suppeditent, sufficiens perpetuò futura est vis earum elastica ad exprimendos è gremio suo humores quoscumque leniori tractu circulant.

Respondebo iterum, quod jam insinuavi, scilicet quemadmodum majorem incommodorum, quæ ab adauctâ in febre sanguineâ spirituum quantitate proficiuntur, partem glandulæ præ aliis partibus capiunt, ita & majorem pariter eorum quæ ab imminutâ in humoralis febre eorumdem copiâ promanant illas suscepturas esse, quoniam ut è natu-

ra suâ reliquis partibus nonnihil flaccidiores sunt, majori pro sui tensione numero spirituum indigent, quò fit ut imminui valdè nequeat quin protinus reliquis partibus, quæ naturaliter solidiores sunt, proportionè flaccidiores humorumque moram in sinu suo permittere aptiores evadant.

Quandoquidem oscitationes, pandiculationes, rigores, & tremores, quæ febres nonnunquam & paroxysmorum intermittentium principia penè semper comitantur è motuum convulsivorum genere sunt, aliam, quàm quæ superius tradita fuit, explicationem non requirunt.

Crurum dolor & gravitas in prædictis intermittentium principiis præprimis affligentia pendent ex eo quod partium infimarum elasticâ vi, præ defectu spirituum, valdè imminutâ, sanguis qui ab illis ad
cor

cor, non nisi illâ vi compressus & procedere coactus, ascendit à compressione solitâ penè liber non nisi lentiori gradu per illas circulans morâ suâ serosis & salinis quampluribus particulis è massæ gremio secedendi & in membranas (sensus organum) fortiter impingendi, undè dolor & gravitas oriuntur, tempus relinquit.

Varia tandem pulsuum differentia quæ in febribus observantur à diversis alterationibus quæ tum massæ sanguinis, expansivo spirituum suorum motu priorem pulsus partem, vasorum scilicet dilatationem excitanti, tum ipsismet vasibus, elastico, quo donantur, motu posteriore seu contractionem suam producentibus, superveniunt, unicè dependent.

Dicas unam saltem esse pulsus speciem, quæ per meam de naturâ febris hypothesein explicari nunquam

quàm potest, pulsum scilicet sano similem qui in febribus pestilentibus & malignioribus, uti inquiunt, nonnunquam observatur.

Respondebo quod jam ex *Borello* insinuavi, quotiescunque scilicet desideratur pulsus frequentia, toties & quoque desiderari febrem, quod quidem facile probari potest, vel ex eo quod connaturales illi pulsus qui febris comites reputantur in principio potissimum febrium quas malignas, internas, & perfidiosissimas vocant, & sub earundem finem, ubi lethales evadunt, observantur, quibus quidem temporibus febrem abesse asseverari potest: nam in principio morbi, licet febrilis humor sanguinem ineat, illicò tamen febrem non producit, quoniam spirituosus sanguinis particulis in prædicto humore (qui viscidus admodum & quasi coenosus tunc temporis supponendus est) magnam partem demer-

merfis & irretitis, perexigua, quæ
 libera superest eorundem copia suf-
 ficiens non est quæ solitam & natu-
 ralem sanguinis fermentationem, &
 per consequens turgescentiam con-
 ciliet, undè moles ipsius decrescat
 necessum est, quò fit ut humor ad-
 vena ad fermentescendum perquam
 difficilis & pigerrimus massâ sua,
 quod præ spirituum defectu de soli-
 tâ sanguinis turgescentiâ deest, sim-
 pliciter dum nondum fermentescit
 supplens non nisi pristinam & soli-
 tam vasorum tensionem, & per con-
 sequens connaturalem pulsum ex-
 citare queat, undè febri tunc
 temporis abesse licet affirmare; I-
 demque sub febrium lethalium fi-
 nem interdum observatur, quoniam
 dissipatis à præcedaneâ febre sangui-
 nis illis spiritibus qui in principio
 duntaxat impediti erant, circulans
 ipsius massa sufficienti fermento de-
 stituta, suam, quæ in statu febris in-
 creve-

creverat turgescientiam deperdit in pristinam molem reversura, undè redit pulsus connaturalis, donec dissipatis aut consumptis magnam partem spirituum reliquiis imminuitur, tandemque cessat, undè mors subsequitur. Hincque rectè *Riverius* ex *Galenò*, pulsus sanorum pulsibus in febribus similes periculosi.

Explicitis jam, idque facillimè & simplicissimè per hypothesim meam frequentioribus febris symptomatibus, neminem in posterum fore confido qui novæ meæ febris definitionis veritatem agnoscere cunctetur; quod si tamen frustrà sim, & quis occurrat qui meæ sententiæ gravetur adscribi, clariorem veritatis illius notitiam comparare poterit, si, quâ ratione febris solet ut plurimum terminari paulisper voluerit attendere.

Et sanè quandoquidem experientiâ quotidiana compertum est
febrim

febrim penè nunquam, nisi per manifestam evacuationem, cui nomen criseos à Medicis traditum fuit, perfectè terminari, illamque, si quando accidat ut secius terminetur, ad recidivam proclivem esse (juxta illud Divi senis effatum. Quæ sine manifestâ excretionem levant, recidivam facere solent) quid exin licet concludere? nisi febrim adauctam & violentam esse vasorum sanguinis tensionem ab adauctâ humoris contenti seu mole seu massâ productam quæ desinit statim atque prædictum illud molis aut massæ incrementum materiæ illud excitantis excretionem desistit.

Quod si quis veritatem hanc ob id profiteri pigretur quod interdum absque ullâ manifestâ excretionem cessat febris quæ nullam tamen recidivam patitur (quod rarissimum est) suum, quæso, scrupulum amittat ediscendo, licet febris hæc prædicta

dicta ratione quandoque desinere videatur, ex in non esse concludendum illam, secus ac reliquæ, terminari, quippe quæ vel per insensilem transpirationem, vel per decubitum humoris cujusdam in partem aliquam certissimè solvitur. Insensilis autem transpiratio crisis est quæ sola majorem, quam reliquæ omnes excretiones, humorum quantitatem educit. (Teste Sanctorio in staticâ Medicinâ) decubitus verò humoris alicujus in partem aliquam criseos nomen & quoque meretur; licet enim nihil excernat è corpore, fecernit saltem aliquid è massâ sanguinis, quod quidem sufficit ad minuendam vasorum ipsius tensionem & per consequens febrim terminandam, quæ tamen recidivat statim atque massam sanguinis repetit digressus humor.

Probatâ sic naturâ febris & à priori & à posteriori, seu per causas

fas & effectus ipsius; necnon per constantem & vulgarem, quâ, dùm soli naturæ cura ipsius relinquitur, terminari solet, rationem, unica mihi ad perfectam hypotheseos meæ confirmationem reliqua pars est ut scilicet examinem an usitata febrim curandi methodus cum illâ convenire queat? quod si ita sit, nè vel minimum dubitationis conservare potest.

Venæ sectio, purgantia, sudorifera & refrigerantia illa sunt remedia quæ pro expugnandâ febre passim ab omni ævo adhibita sunt. Videamus ergò an cùm principiis meis possint convenire?

Febrim in duas species genericas divisi, sanguineam scilicet & humoralem: illam à nimia sanguinis copiâ vel fermentatione produci, istam verò heterogeneo cuidam humori sanguinem ingresso & ab ipsius spiritibus insolenter fermentato suam
ori-

originem attestari dixi.

Qui noverit febrim adauctam & violentam esse vasorum sanguinis tensionem, itaque vasa molles tubulos esse ruptionisque per consequens præ nimia distensione capaces, ex hoc ipso protinùs sponte sua concludet sanguinis missionem non solum permagnæ utilitatis, sed & sæpè sæpiùs (in sanguineis scilicet febribus) urgentis & absolutæ necessitatis esse, quippe quæ ex omnibus quæ procurari possunt excretionibus, nulla est quæ vasorum sanguinis tensionem promptiùs & immediatiùs imminuere valeat.

Dicet statim aliquis febrim sæpè sæpiùs absque venæ sectione curari. Respondebo verum quidem hoc esse, non exin tamen decernendam esse ipsius exclusionem, quippe, tamen si febricitantes permulti, præprimis inter rusticos, absque illo remedio sanentur, non ideò minùs

con-

Stat ipsos à solâ morbi sui naturâ in apertum devenisse ruptionis alicujus ex sanguiferis sui valibus discrimen, quod si feliciùs evaserint, vasorum firmitati & robori vel febris levitati gratulandum est.

Itaque cum febris quæcumque violenta vasorum sanguinis tensio fit, venæ sectionem à quâ minuatür à solâ febris notione indicari fatendum est.

Mihi non est improvisa venæ sectionis adversariorum & obtrectatorum objectio, qui statim opponunt ab illa plerumque non modò non minui febrim, sed contra notabiliter ingravescere quod pulsus elatio, explicatio, notabiliorque frequentia venæ sectionem quandoque subsequentes manifestè evincunt.

Respondebo ipsos aberrare, si pulsus elationem, explicationem, notabilioremque ad sensum fre-

quentiam quæ nonnunquam venæ sectionem consequi fatemur pro febris intensione reputaverint. Hoc enim in casu concipiendum est vasa sanguinis antè venæ sectionem ad satietatem penè repleri, totamque fermè, cujus capacia sunt, distensionem pati, ita ut elasticis sanguinis spiritibus loci ferè nihil ad sui expansionem habentibus non nisi obscurus admodum & confusus observari queat pulsus qui elatior & explicatior evadit, necnon ad sensum frequentior apparet ex quo per venæ sectionem minuitur vasorum tensio, concediturque locus expansioni spirituum, undè tamen colligere non licet febrim intendi, sed potius adeò intempestivè salutare hocce remedium adhibitum fuisse, ut si tardius ad hoc fuisset perventum, in gravissimum quoddam & lethale symptoma dubio procul æger incidisset.

Quod

Quod si tamen prædictis rationibus surdos simulantes febrim tunc temporis ingravescere pertinacius voluerint, dabo, nè ad manus inter nos veniatur, sed dicam illicò quoties post celebratam venæ sectionem intendi juxta illos febrim observare est, toties istam novo recentis materiæ in sanguinis vasa decubitu adauctam iri, atque adeò cum nihil obstante missione sanguinis ingravescat longè notabilius incrementum ipsius futurum iri, nisi salutifero hocce remedio præcautum fuisset. Utram voluerint rationem eligant.

Absit, ut quæ in venæ sectionis favorem præfatus sum, in sui laudem pessimæque (præsertim in frigidis istis regionibus) praxeos suæ comprobationem rapiant & vertant Medicorum nonnulli totusque fermè Chirurgorum ordo qui febricuiumque nullum tutius conve-

nientiusque venæ sectione pluries iteratâ remedium arbitrantur, licet istorum permulti, si quando fortè evenit, ut solo illius præsidio febris desinat, quâ ratione effectum hunc præstiterit, penitus ignorent.

Sed ostendere duntaxat mihi mens est, si venæ sectionis ab ignavis abusus admodum noxius est, rectum contra ejusdem ab eruditis usum permagnæ non solum utilitatis, quin & sæpius absolutæ necessitatis esse, perpetuoque, ut jam dixi, à solâ notione febris indicari.

Quapropter ut illius usus modus aliquis ponatur sollicitè perpendendum est cujus naturæ sit tractanda febris? quæ si sanguinea dijudicetur multò largiorem, ob perpetuam, quam causat, spirituum generationem, missionem sanguinis ferre potest quàm quæ humoralis dignoscitur; quippe, cum in istâ major spirituum sanguinis pars in
fer-

fermentandâ & coquendâ materiâ febris occupetur, non nisi circumspectis prius rebus omnibus rationibusque singulis accuratissimè subductis venæ sectio celebranda est.

Non solâ febris naturâ metiri debet Medicus mittendi sanguinis copiam seu instituendarum venæ sectionum numerus, sed & præterea consulenda sunt, ætas, vires, temperamentum nec non vitæ genus febricitantis haud secùs ac clima, tempus anni pluresque aliæ circumstantiæ pratico cognitæ & attentius considerandæ.

Instituendæ & quoque venæ sectionis tempus opportunum captandum est, observandumque tardius licitam esse in febre sanguineâ quàm in humorali in quâ vix nisi in ipso statim initio convenit; quippe in illa quæ recentes à continua dissolutione particularum sanguinis enascuntur perpetuò spirituum co-

piæ, eorum, qui per venæ sectionem dissipantur, partes faciliè suppleant: in istâ verò majori eorundem parte in coquendâ materiâ febrili (quæ massam identidem, nè continuò dicam, appellit) occupatâ venæ sectio seriùs instituta reliquos dissipare, eorumque dissipatione functionum permultarum organa à solito ipsarum exercitio interturbare potest, undè toties in praxi observare est tardiorē atque adedò minùs opportunam venæ sectionem excipere delirium soporosos affectus, pectoris inflammationem aliaque permulta symptomata, quæ non nisi à spirituum per inconsultam venæ sectionem emissorum defectu deducenda sunt.

Purgantia quod spectat, quandoquidem alterutrâ duntaxat ratione operantur, vel scilicet humores sibi obvios fermentando, vel intestina fortiter vellicando, vellicationeque
ad

ad contentorum expulsiōem sollicitando, facilè quisque percipiet illa nunquàm febrī, quatenus febrī competere; quoniam aut sanguinem adusque extenditur, uti quibusdam placet, aut, ut alii volunt, in primis viis terminatur ipsorum actio; si primum, quæ in sanguinem à febrili seu materiâ seu fermento jam plusquàm satis rarefactum transeunt purgantium particulæ rarefactionem ipsius & per consequens vasorum ejusdem tensionem, quæ febris est, non parùm intendunt: si postremum, cum febris vasorum sanguinis affectus sit, quæcumque remedia ad illa usque non penetrant penitus inutilia censenda sunt.

Cum autem purgantia non solum utilitatis permagnæ, sed & nunquàm absolutæ necessitatis in permultis febribus esse quotidianâ experientiâ doceamur, conveniendum est illa non febris naturam res-

spicere, sed duntaxat causam, cujus nimirum major quandoque pars in primis viis remorata ab ipsis expurgatur, quò fit ut in sanguinem transfire febrimque nec protrahere nec adaugere queat.

Ex præmissis patet febrim, si quæ sit (ut perspicuum est) cui purgatio conveniat, humoralem esse, quippe quæ cum suam ducat originem ab indigesto quopiam humore fermentationis indigente ad eam acquirendam coctionem quæ in scholis adeò celebris est (quæque propriè nihil aliud audit quam corporis cujusdam dissolutio seu divisio, quâ mediante, quamplures partium ipsius quibusdam, ex illis quas sanguinis compositionem ingredi superius dixi, homogeneæ similibus aggregantur, dum heterogeneæ sub excrementi cujusdam formâ per congruens colatorium excernuntur) purgantis remedii particula, si sangu-

gui-

guinem adusque transeant, desideratam humoris indigesti fermentationem seu coctionem (cui absolvendæ soli sanguinis spiritus vix sufficerent) adjuvare possunt; aut saltẽ si in primis viis terminetur illarum actio, crassiorem humoris prædicti partem in iis, è quibus subtilior in sanguinem febripara transiit, remorata fermentare, fermentataque expulsionem promovere, atq; adedò nè massam subeat febrim adaucturæ feliciter prohibere valent, unde sanguis ab ulteriori materiæ febrilis influxu defensus primam seu subtiliorem quam admisit facilè satis edomare ut plurimum solet.

Sed cùm generico purgantium nomine veniant, tam quæ per superiora quàm quæ per inferiora purgant remedia, sedulò hîc loci explorandus est a Medico motus naturæ quæ commodiores, tutiores, facilioresque ad humoris noxii exercitio-

riem vias nunquam non indicat (jux-
 ta aphorismum Hippocratis. Quæ
 educere oportet quò maximè ver-
 gunt ducenda per loca convenien-
 tia) ideoque si vomitus aut nausea
 febricitantem interturbet propinan-
 dum est, servatis servandis, con-
 gruens vomitorium ejus ope sta-
 bulantes in ventriculo materiæ sur-
 sum, quò maximè vergunt, expur-
 gentur; quod quidem apprimè no-
 verat Celeberrimus Doctissimusque
Sydenham qui in suâ methodo cu-
 randi febres hæc ait. (Sanè vomi-
 torium propinare, ubi istiusmodi
 prægressa est vomendi proclivitas,
 adeò est necessarium, ut, nisi humor
 ille expellatur, in festinâ quamplu-
 rium malorum difficilium sit abitu-
 rus quæ crucem figent Medico toto
 medicationis tempore, ægrumque
 in haud leve periculum conjicient)
 quod pluries in febrium anno pro-
 ximè elapso grassantium curatione
 verif-

verissimum deprehendi. Desiderato autem utroque isto symptomate & urgentibus forsan diarrhœa, ventris murmure vel dolore simplex catharticum sufficiet, haud secus ac illis qui vomitorium sustinere non posse dijudicantur.

Utrumvis autem conveniat seu vomitorium seu catharticum in ipso planè febris initio propinandum est, nè humori in primis viis nidulanti tempus in sanguinem irruendi febrimque adaugendi relinquatur, (imminutâ tamen prius, venæ sectionis operâ, vasorum nimiam tensione, si præ istâ disruptionis ipsorum periculû aliquod imminet) & si major humoris quantitas adesse dijudicetur quàm quæ tota ab unica purgatione possit excerni, iteranda est purgatio, donec ab humore prædicto liberæ primæ viæ conjiciantur.

Febri sanguineæ nunquam convenit purgatio, nisi post perfectæ co-

ctionis signa, recidivæ metu celebratur; quippè cum humores in primis viis superstites, (undè subtiliores sui particulas identidem in sanguinem dimittunt) potissimum respiciat purgatio, numquid prorsus inutilis est, si in primis viis ejusdem actio terminetur, quandoquidem totum hæret vitium in solo sanguine qui in violentiorem fermentationis motum ab extraneo fermento concitatur: & si sanguinem adusque vis purgationis extendatur, nonne non solum noxia, sed & plerumque lethalis esse potest, cum ipsi plusquam satis jam, ut dixi, fermentato ulteriorem absque aperto vitæ periculo fermentationem inducere illa nequeat.

Quòd si febris sanguinea solam exuperantis sanguinis copiam sui causam attestetur, ei convenientior non est purgatio quippè quæ fermentationem ipsius & per consequens

quens molem adaugere nequit, quin simul & semel vasorum tensionem adaugeat, unde evidens disrptionis ipsorum inflammationisque liquoris in iis contenti effusionem subsequenti periculum emergit.

Ast insurgentes in me videre mihi videor universos Hippocratis discipulos qui in verba tanti magistri iurantes, illiusq; aphorismum (in quo legitur: Concocta medicamento purgante educenda & movenda, non cruda, neque per initia, nisi turgant, plurimum autem nō turgent) religiosè observantes pro audaci & temerariâ autoritatis tanti viri tot abhinc sæculis adeò stabilitæ contemptione reputabunt quæ de usu purgantium in principio febris humoralis tradidi.

Tot illustres adversarios qui, si non rationibus vincere, numero saltem opprimere me possent placaturus. Primum respondebo meam Di-

vo seni nunquã defuisse reverentiam, exinque illos rogabo mecum velint attendere prædictum aphorismum cum meâ de febre hypothefi, traditaque ejusdem divisione, nec non purgantibus utendi methodo, aptiffimè coherere.

Primum enim conveniendam est coctionem, de quâ loquitur hic loci Hippocrates, extraneum & febrile corpus cujuscumque naturæ fit, duntaxat respicere. Hoc posito quandoquidem corpus illud febrem aliter non parit quàm aut fermenti aut fermentationis materiæ vices gerens, ut fufficienter expotui. Prima hæc aphorismi verba (concocta medicamento purgante educenda & movenda) intelligenda sunt de febre in genere, seu de utraque febris specie sub cujus finem apparentibus coctionis signis purgandum est, quoniam plurimæ perpetuò ab omni fermentatione superflunt heterogeneæ

neæ particulæ quas utilibus adjungi nequeunt es evacuare convenit, ut præcaveatur periculum quod minatur alter aphorismus; in quo legitur. Quæ in morbis relinquuntur post crîsim recidivas facere consueverunt.

Sequentia prioris aphorismi verba (non cruda neque per initia) febrem sanguineam respiciunt; cùm enim in istâ febris specie fermentum extraneum à quo producitur, sit illud crudum quod coqui seu, quod idem est, diffringi, obtundi aptumque reddi quod per aliquod colatorium excerni queat, unicum indiget, allatâ superius ratione non nisi apparentibus coctionis signis, quæ per initia apparere non solent, purgatio instituenda est.

Quæ sequuntur (nisi turgeant) humoralis febri applicanda veniunt, quippe cum verbum illud, *Turgere*, communi omnium consensu inflari seu

feu rarefieri propriè significet, ad unicum humorem, qui è primis viis in sanguinis massam translatus & ab ejusdem spiritibus inflatus & rarefactus febrim humoralem parit, referri possunt, nequaquam verò ad extraneum illud fermentum à quo sanguinea febris excitatur quod nunquàm turget & inflatur, sed solummodò sanguinem in quem irruit inflat & turgere facit, unde videre est quòd si hanc febris speciem verba hæc respicerent, turgensque, in hac materia, purgante medicamento, juxtà verba illa educenda foret, sanguis fururus esset, quippe qui solus turget & inflatur à prædicto fermento, quod absurdum est, turgescenem enim sanguinem cathartico medicamento expurgandum esse nullus unquam somniavit.

Ultima tandem hæc (plurimum autem non turgent) aliud nihil significant nisi, quo tempore & quâ
in

in regione vivebat Medicorum princeps longè rariorem esse febrim humoralem quàm sanguineam ob majorem regionis hujusce incolarum temperantiam, liberiolemque transpirationem.

Itaque tantùm abest ut prædictus Divi Senis aphorismus, cujus explicatio cujuscumque sæculi Medicos tantopere sollicitos habuit, iis quæ de usu purgantium in febris humoralis initio præmissi adverteretur, quinimò traditæ ipsiis utendi methodo (quæ cùm experientissimorum inter Recentiores Medicorum praxi perfectè quadrat) apertè faver, & meam febris seu ideam seu genericam divisionem mirum in modum confirmat.

Qui varias & oppositas febris causas earumque genuinam operandi rationem minùs nosset, vix posset concipere quâ ratione tam opposita remedia, ut sunt spirituosà seu sudorifera

rifera, & refrigerantia seu acida curationi febris æquabiliter conveniant, quod tamen experientia quotidiana demonstrat.

Ast duplicem à me distinctam febris speciem, sanguineam scilicet & humoralem qui agnoverit, edoctusque fuerit sanguineam (illam istius speciem quæ ab exuperante sanguinis in vasibus suis copiâ dependet hic non loquimur, quippe quæ solâ ejusdem per venæ sectionem missione terminatur) vitiosam & insolitam sanguinis fermentationem ipsi ab extraneo quodam fermento inductam, sui causam agnoscere: humoralem verò ab heterogeneo quodam humore in sanguinem è primis viis translato & ab ejusdem spiritibus insolenter fermentato suam originem ducere; Qui, inquam, talia noverit facile concipiet febri sanguineæ convenire acida, quoniam ipsorum aculei in sanguinis particulis

rum

rum poros transfixi ipsis quasi pro subscudibus sunt à quibus obturantur & ab extranei fermenti, à quo validius succuterentur penitusque forsan destruerentur, ingressu defenduntur.

Vel etiam aliter cogitare licet, acida nimirum feбри sanguineæ nonnunquam congruere, quoniam majorem ad fermentescendum cum extraneo febris istius fermento, quam cū ullis sanguinis particulis, proportionem nacta, istas contemnunt illud aggressura & fermentatura, haud dispari prorsus ratione quā acidæ regalis aquæ particulæ auro & argento simul & semel infusæ istud negligunt, illud, quod perfectè dissolvunt, duntaxat aggressuræ.

Si feбри sanguineæ conveniunt acida, sicut ostendi, nocent humoralibus, quoniam ad illam sanandam insolens sanguinis fermentatio, cujus duratione penitus dissolverentur
uni-

universæ ipsius particulæ, sistenda est (quod ab acidis optimè perficitur) ad isti verò medendum humoris in sanguinem translati insolitam pariter fermentationem è contrario promovere, aut saltem fovere, convenit; quod quidem acida præstare nesciunt.

Sed si febris sanguinea singulari acidorum auxilii prærogativâ doneatur, humoralis vicissim diaphoreticorum seu sudoriferorum subsidio illâ potior est. Quotiescumque enim istâ febris specie correpti sanguis minùs spirituosus judicatur quàm qui febrilis humoris coctionem ex semetipso perficiat, toties spirituosæ, quibus scatent, tum diaphoretica tum sudorifera, particulæ subsidio illi mittendæ sunt, quo adjutus humoris prædicti coctionem, priùs impossibilem absolvere valeat.

Licet acida feбри sanguineæ, & sudorifera humoralis conveniant, neutra

tra tamen speciali, cui congruunt, febri quovis indiscriminatim ipsius tempore competere putandum est; nam acida, verbi gratiâ, in sanguineq; febris principio & statu ad roborandas sanguinis particulas ab extraneo fermento obsessas, easque ab ipsius insultu vindicandas duntaxat conveniunt, nullatenus verò sub ipsius finem, cum scilicet distracto jam aut obtuso fermento, sola sanguinis massa acidorum actioni pateret à quorum aculeis naturalis ipsius fermentatio penitus supprimeretur, aut saltem notabiliter interturbaretur.

Sudorifera è contrario rarissimè, priusquam sufficienti purgantium esu expurgatæ fuerint primæ viæ, præscribenda sunt, quoniam quæ, istis humorum saburrâ oneratis, exhibentur iis aut immerguntur, aut aliqualem fermentationis motum inducunt, à quo solutæ plures eorundem particulae sanguinem subeunt febri intendere aptissimæ.

Ex

Ex præmissis colligere est curationem febris à perfecta speciei ipsius & causæ notitiâ dependere, specialemque sanguineæ in hoc sitam esse ut naturalis sanguinis crasis conservetur, illeque à fermenti dissolventis actione præmuniatur: humoralis verò curam in hoc consistere, ut in ipsius principio febrilis humoris in sanguinem translati reliquiis primæ viæ expurgentur, sanguinique dein spiritibus minùs diviti atque adeò susceptum humorem coquere impotenti subsidiarii suppeditentur, quorum ope desideratam istius coctionem absolvat.

Quod spectat ad illam sanguineæ febris speciem quæ à redundante in vasis suis sanguine ob suppressam aliquam naturalem seu solitam ejusdem evacuationem producit, nemo non videt cessaturam fore ex quo sufficientibus celebratis venæ sectionibus imminuta vasorum sanguini-

guiferorum tensio ad naturalem
diametron reducta fuerit.

Hic autem loci noverint omnes
veteratorum plerorumque arrogan-
tiam quâ universale non solum cu-
juscumque febris speciei, sed & cu-
jusslibet etiam morbi remedium præ-
manibus habere se thraſonicè glo-
riantur. Noverint & quoque per-
multorum, præprimis verò mulie-
rum temeritatem quâ febrim quam-
libet nosse credentes illius quam-
cumque speciem indiscriminatim
tractare impudenter aggrediuntur,
vel eo solo nomine quod peculiare
quoddam remedium à Medico pe-
ritissimo febricitanti cuidam palam
exhibitum cum cum morte jam lu-
ctantem salvasse semel forsitan aut ali-
quoties observaverint, nullatenus at-
tendentes prælaudatum Medicum
totâ, quâ excellebat, judicii vi & in-
telligentiâ, pro distinguendâ febris,
quam curandam habuerat, specie,
præ-

prædictique remedii convenientiâ,
opus habuisse.

Quandoquidem ergo quæcumque ab experientissimis sæculorum omnium Medicis feliciùs & passim in curandis febribus adhibita fuere remedia in hoc unum, ut ex præmissis patet, conspirant, ut scilicet vasorum sanguinis tensionem minuant, variis modis illa deplendo, vel primas vias, è quibus novus in illa transferri posset humor majorem illis tensionem illaturus, expurgent; febrem vasorum sanguinis violentam tensionem esse quis in posterum dubitabit? Quod si tamen quis cui super sit eâ de re scrupulus, proponat, quæso, eum, Deo favente, explicabo, sin minus pro detectâ hypothesi meæ, quam statim immutabo, levitate, offensaque, quam summâ ambitione contendo, veritate, debitas ipsi grates referam.

F I N I S.





84

